

isa kan isaaniitti in dabalama; akkasittis hirmaata dhaala keenyaa keessaa nu duraa in fudhatama. <sup>4</sup>Ayyaanni waggaa shantammaffaa Israa'elootaa yommuu dhufu, dhaalli isaanii dhaala gosa isa isaan amma itti galaniitti in dabalama; akkasitti dhaalli isaanii dhaala gosa abboota keenyaa irraa in fudhatama" jedhan\*.

\*2 26:55

\*4 Lew 25:10-13

<sup>5</sup>Yommuu Museen akka dubbii Waaqayyootti ajaja kanatti fufee jiru Israa'elootatti hime, "Gosi sanyii Yoseef dhugaa qabu; <sup>6</sup>Waaqayyo waa'ee durboota Zelofehaadiif yommuu dubbaté 'Nama qomoo gosa abbaa isaanii keessaa haa ta'u malee, isaan nama ija isaaniitti toletti haa beeruman! <sup>7</sup>Israa'eloonni adduma addaan dhaala gosa abboota isaaniitti jabaachuun isaan irra waan jiruuf, dhaalli Israa'elootaa gosa tokko keessaa gara gosa biraatti hin darbin! <sup>8</sup>Kanaaf namni Israa'el

adduma addaan dhaala abboota isaatii keessaa akka qabaatuuf, durboonni gosa Israa'el keessaa dhaala qaban hundinuu qomoo gosa abbaa isaanii keessaa tokkotti haa heeruman! <sup>9</sup>Gosi Israa'elootaa adduma addaan dhaala isaatti akka jabaatutti, dhaalli tokko illee gosa tokko keessaa gara isa kaaniitti hin darbin! jedheera" jedhe.

<sup>10</sup>Intaloonni Zelofehaad akkuma Waaqayyo Musee abboome in godhan.

<sup>11</sup>Intaloonni Zelofehaad Maahilaa, Tiirzaa, Hoglaa, Miilkaa fi No'aa ilmaan obboloota abbaa isaaniitti in beeruman\*. <sup>12</sup>Isaan maatiiwwan ilmaan Miinaasee ilma Yoseef keessatti in heeruman; dhaalli isaaniis qomoo gosa abbaa isaanii keessatti in hafe.

\*11 26:29-34

<sup>13</sup>Abboommiinii fi wanti qajeelaa ta'e warri Waaqayyo karaa Musee fuullee Yerikoo, bukkee laga Yordaanos dachaawwan Mo'aab keessatti Israa'eloota abboome isaan kana turan.

## Seera Keessa Deebii

### Tulluu Siinaatii Ka'uu Saba Israa'el

**1** <sup>1</sup>Dubbiiin Museen dachaa Yordaanos Arabaayi lafa onaa keessatti fuullee Suuf, Phaaraan Tofel, Laabaan, Haserootii fi Diizaahab gidduutti guutummaa Israa'elitti dubbate kanatti fufee jira. <sup>2</sup>Siinaadhaa hamma Qaadesh-Barne'aatti, karaa tulluu Se'ir adeemsa guyyaa kudha tokkoo ti. <sup>3</sup>Sabni sun biyya Gibxii ba'anii waggaa afurtammaffaa, ji'a kudha tokkoffaa, ji'icha keessaa guyyaa tokkoffaatti, Museen wanta Waaqayyo waa'ee isaaniitiif isa abboome hundumaa Israa'elootatti in hime\*. <sup>4</sup>Kunis erga inni Sihoon mootii Amoorotaa isa mandara Heshboon keessa jiraachaa ture, Oog mootii Baashaan isa mandara Ashtaarot keessa jiraachaa tures Edraayitti mo'ee booddee ture\*. <sup>5</sup>Muscen dachaa Yordaanos isa biyya Mo'aab keessaatti seera kanatti fufee jiru ibsuun in jalqabe. <sup>6</sup>Inni, "Waaqayyo gooftaan keenya tulluu Siinaa irratti, 'Tulluu kana irra yeroo dheeraa turtaaniitu, <sup>7</sup>asii buqqifadhaatii gara biyya gaaraa isa kan Amoorotaa, biyya olloota isaanii isa Arabaayi keessaa, biyya gaaraa, biyya dachaa, biyya gara mirgaa, karaa qarqara galaanaas biyya Kana'anoos, biyya Liibaanon, hamma Efraaxiis laga guddichaatti adeemaa! <sup>8</sup>Kunoo, ani Waaqayyo, biyya isa ani abboota keessan Abrahaam, Yisibaa, Yaaqoobiif isaan booddeedhaanis sanyii isaaniif nan kenna jedhee kakadhe, isiniif kenneera, dhaqaatii qabadhaa! jedhee nutti dubbateera" jedhe\*.

\*3 Lak 33:38

\*4 Lak 21:21-35

\*8 Uma 12:7

### Museen Geggeessitoota Isaaniif Kaasuu Isaa (Bau 18:13-27)

<sup>9</sup>Ani Museen yeroo sanatti, "Isin ba'aa ani kophaa koo baachuu hin dandeenye anatti taatan\*; <sup>10</sup>Waaqayyo gooftaan keessan isin baay'iseera; kunoo, isin har'a akka urjoota waaqa keessaa baay'attaniittu\*. <sup>11</sup>Waaqayyo gooftaan inni kan abboota keessanii, isa ammaa kanatti si'a kuma isin haa

baay'isu, akkuma isin abdachiises isin haa eebbisu! <sup>12</sup>Haa ta'u iyyuu malee, ani attamittan kophaa koo rakkina keessan, ba'aa keessan, wal loluu keessanis baachuu danda'a ree? <sup>13</sup>Isin namoota ogeessotaa fi hubattoota gosa keessan keessatti beekaman fo'aatii fidaa! Ani immoo akka isaan dura-buutuu keessan ta'an nan godha" isiniin jedheen-ture. <sup>14</sup>Isin immoo deebifanii, "Wanta ati dubbate kana gochuun gaarii dha" anaan jettan. <sup>15</sup>Kanaafan dura-buutuu gosa keessanii warra ogeessotaa fi beekamoo sana fuudhee, dura-buutuu keessan akka ta'aniif eegdotaa kumaa, eegdotaa dhibbaa, eegdotaa shantamaa, eegdotaa kudhaniis gosa gosa keessaniif godhe\*. <sup>16</sup>Ani yeroo sana abboota firdii keessan abboomec, "Dubbii obboloota keessan gidduudhaa ka'u isaaniif ilaallaa! Nama biyyaa tokkoo fi obboleessa isaa, nama biyyaa tokkoo fi orma isa bira jiru gidduuttis firdii qajeelaa kenaa! <sup>17</sup>Firdiin kan Waaqayyoo waan ta'eef, firdiitti nama wal hin caalchisinaa! Isa guddaadhaaf akkuma ilaaltanitti isa xinnaadhaafis ilaallaa! Dubbii isinitti ulfaatu immoo anatti fidaa, nan ilaallaa!" jedhe\*. <sup>18</sup>Ani yeroo sana wanta gochuun isin irra jiru hundumaa isin abboomeen ture.

\*9 Bau 18:18; Lak 11:14

\*10 Uma 15:5; Kes 10:22

\*15 Bau 18:25

\*16-17 Bau 23:1-3,6; Kes 16:19

### Gaadduu Erguu Isaanii (Lak 13:1-33)

<sup>19</sup>Waaqayyo gooftaan keenya akka nu abboometti tulluu Siinaatii kaanee, lafa onaa guddaadhaa fi sodaachisaa isin argitan sana keessa karaa biyya gaaraa isa kan Amoorotaatiin baanee, biyya Qaadesh-Barne'aa dhaqne. <sup>20</sup>Gaafas ani isiniin, "Isin biyya gaaraa isa kan Amoorotaa isa Waaqayyo gooftaan keenya nuuf kennu bira geessaniittu; <sup>21</sup>ilaa, Waaqayyo gooftaan keessan biyya kana isiniif kenneera; akkuma Waaqayyo gooftaan abboota keessanii isinitti hime ol ba'aatii qabadhaa! Hin sodaatinaa, hin na'inaas!" nan jedhe. <sup>22</sup>Isin hundumti keessan kana irratti na bira dhuftanii, "Kottaa, namoota gara

biyyichaa dhaqanii karaa kamiin akka ol itti baanuuf gara mandaroota kamii akka dhaqnu nuuf gaadanii, deebi'anii nutti himan of dura in ergina" jettan\*.  
 23 Wanti isin dubbattan kun gaarii anatti fakkaannaan isin keessaa namoota kudha lama, gosa gosa tokko keessaa nama tokko tokko nan fo'e. 24 Kana irratti isaan biyya gaaraatti ol ba'anii hamma dachaa Eshkolitti adeemanii in gaadan. 25 Yommuu isaan ija muka hiyya sanaa keessaa muraasa harkatti qabatani gara keenyatti gad bu'anii, "Biyyi Waaqayyo gooftaan keenya nuuf kennu hiyya gaarii dha" jedhanii nutti in himan.

\*22 Lak 13:2

26 Isin garuu abboommii Waaqayyoo gooftaa keessanii irratti kaatan malee, biyyichatti ol ba'uu hin jaallanne. 27 Godoo godoo keessan keessatti guungumtanii, "Waaqayyo sababii nu jibbeef biyya Gibxii keessaa nu baasee nu balleessuudhaaf harka warra Amoorotaatti nu kenne. 28 Eessatti ol baana ree? Obbooloonni keenya yeroo nutti dubbatan, 'Sabni sun nu caalaa dheheeroodhaa fi baay'ee dha, mandara gurguddaa dallaa dhagaa bantii waaqaa keessa ga'uun marfame qabu; sanyii Aanaaqotaas immoo achitti argineerra' jedhanii garaa keenya sodaachisaniiru" jettan\*.

\*28 Lak 13:33

29 Yommuu ani immoo isiniin, "Hin na'inaa! Isaan hin sodaatinaas!" 30 Waaqayyo gooftaan keessan inni isin dura adeemu biyya Gibxiitti ija keessan duratti akka isiniif lole akkasuma ofii isaatii isiniif in lola\*. 31 Waaqayyo gooftaan keessan lafa onaa keessatti karaa isin irra adeemtanii as dhuftan kana hundumaa irratti akka nama ilma isaa baatuutti akka isin baate argitaniitu" nan jedhe\*. 32 Isin garuu dubbii kana irratti iyyuu Waaqayyo gooftaa keessanitti hin amanne. 33 Inni isa karaa irratti iddoo buufataa isiniif barbaaduudhaaf, karaa irra adeemtanis isiniitti argisiisuudhaaf halkan utubaa ibiddaatiin, guyyaa immoo utubaa duumessaatiin isin dura bu'ee adeemaa turee dha\*.

\*30 Bau 14:14,25; Iya 10:14

\*31 Bau 4:22; Hos 11:3-4; Bau 19:4

\*33 Bau 13:21

### Waaqayyo Warra Israa'el Adabuu Isaa

(Lak 14:20-45)

34 Waaqayyo dubbii keessan kana yommuu dhaga'e dheekkamee, cimsees kakatee, 35 "Namoota dhaloota hamaa kana keessaa tokko illee biyya gaarii isa ani abboota keessaniif kennuudhaaf kakuudhaan abdachiise hin argu. 36 Kaaleb ilmi Yofunee garuu guutummaatti ana Waaqayyo duukaa waan bu'eef biyyicha in arga; lafa miilli isaa irra ejjetes isaaf, ijoollee isaatiifis nan kenna" jedhe. 37 Waaqayyo sababii keessaniif anatti immoo dheekkamee, "Atis immoo achitti hin galu"; 38 Iyaasuun ilmi Nun, gargaartuun kee garuu achitti in gala; ati isa jabeessi; inni, warri Israa'el biyyicha akka fudhatan in godha\*. 39 Mucooliin keessan warri isin, 'Irbaata diinaa ta'u' jettan, ijooloonni keessan warri har'a hamaa fi gaarii hin beekne achitti in galu; ani biyyicha isaaniif nan kenna; isaanis isa in qabatu\*. 40 Isin garuu gara lafa onaatii garagalaatii, karaa galaana diimaatti geessu irra adeemaa!" jedhe.

\*37 Lak 20:12

\*38 Lak 34:17; 27:18

\*39 Lak 14:3

41 Isin immoo deebitanii, "Nuyi Waaqayyoon yakkincerra; amma garuu akka Waaqayyo gooftaan keenya nu abboome hundumaatti ol baanee in lolla" naan jettan; tokkon tokkon keessanis, "Mi'a lolaa hidhatanii hiyya gaaraatti ol ba'uun salphaa dha" jettanii yaaddan. 42 Waaqayyo garuu, "Ani isinii wajjin hin ba'u, diinonni keessan akka isin hin moonetti 'Ol hin ba'inaa, hin lolinaas' jedhii isaanitti himi!" naan jedhe. 43 Anis kana isinitti himeera, isin garuu abboommii Waaqayyoo irratti kaatanii of tuullummaadhaan biyya gaaraatti ol baatan malee isa hin dhageenye. 44 Amooronni biyya gaaraa irra jiraatan sun gad isiniitti ba'anii akka kaniisaa isin ari'anii, Se'iirii hamma Hormaatti isin in rukutan\*. 45 Yommuu isin deebitanii fuula Waaqayyoo duratti boossan Waaqayyo isiniif hin dhageenye, gurra isaas gara keessanitti hin qabne. 46 Isin yommuu yeroo

dheeraa Qaadeshiin teessan sana kanaaf achi turtan\*.

\*44 Lak 14:45

\*46 Lak 20:1; Kes 2:14

### Warra Edoomil Fi Mo'aabl Wajjin Walitti Dhi'aachuu Isaanii

2<sup>1</sup> Kana booddees nuyi garagallee, akka Waaqayyo ana abboometti, lafa onaa keessa karaa galaana diimaatti geessu irra dhaqqee, naannoo tulluu Se'iir guyyaa haay'ee in adeemne\*.

\*1 Lak 21:4

2 Waaqayyo yommuu anaan, 3 "Isin yeroo dheeraadhaaf naannoo tulluu kanaa adeemaa turtaniittu, amma gara bitaatti garagala! 4 Saba kanas abboomi, 'Isin darbitanii gara daarii biyya obboloota keessanii, sanyii Esaawuu warra Se'iir jiraatanii keessa darbuuf jettu, isaan isin in sodaatu, isin immoo baay'ee of eeggadhaa! 5 Ani tulluu Se'iir qabeenya isaa godhee Esaawuuf waanan kenneef, biyya isaanii keessaa ani lafa faana tokko illee isiniif hin kennu; kanaaf isaan hin lolinaa! 6 Isin nyaata horiidhaan isaan irraa bitadhaatii nyaadhaa, bishaanis horiidhaan isaan irraa bitadhaatii dhugaa!\* 7 Waaqayyo gooftaan keessan isin lafa onaa isa guddaa kana keessa akka adeemtan beekke, hojii harka keessanii hundumaan isin eebbiseera; waggan afurtaman kanas Waaqayyo gooftaan keessan isiniif wajjin ture, kanaaf isin waan tokko illee hin dhabne' jedhiin!" jedhe.

\*4-6 Lak 20:14-18

8 Akkasitti nuyis obboloota keenya sanyii Esaawuu warra Se'iir jiraatan gidduu darbinee, karaa Arabaayi isa lafa onaa sana, karaa isa mandaroota Elaatii fi Eziyon-Geherii dhufu irraa gorree, karaa Mo'aab isa lafa onaa irra in adeemne\*. 9 Waaqayyo yommuu, "Ani biyya Aar sanyii Looxiif qabeenya isaanii godhee waanan kenneef, biyya isaanii keessaa tokko illee qabeenya akka godhattaniif isiniif hin kennu; kanaaf warra Mo'aab hin rakkisinaa, lolaafis tuttuqxanii isaan hin aarsinaa!" nan jedhe\*. 10 Warri Emiim dur achi in jiraatu turan; isaan saba guddaadhaa fi danuu, akka warra Aanaaqis dhedheeroo turan\*. 11 Isaan kunis akkuma warra Aanaaq, Refaa'otatti in lakkana'amu; Mo'aabonni garuu isaa-

niin, "Emiimota" jedhu. 12 Warri Hoor dur biyya Se'iir in jiraatu turan; garuu akkuma warri Israa'el biyya qabeenya isaanii isa Waaqayyo isaaniif kenne irratti godhan, sanyiin Esaawuus biyya qabeenya isaanii isaan irraa fudhatanii, fuula isaanii duraas isaan in balleessan; iddoo isaanii irras ofii in jiraatan\*.

\*8 Lak 20:19-20

\*9 Uma 19:37

\*10 1:28; Uma 6:4

\*12 Uma 14:6

13 Ammas Waaqayyo, "Ka'aa, dachaa Zered gama ce'aa!" nuun jedhe; nuyis dachaa Zered gama in ceene\*. 14 Nuyi Qaadesh-Barne'adhaa kaanee dachaa Zered ce'unu waggaa soddonii saddeet nu fudhate; yeroo sana keessa guutummaan loltoota dhaloota sanaa akkuma Waaqayyo isaaniitti kakatee ture buufata sana keessaa in dhuman\*. 15 Akkasumas harki Waaqayyoo hamma isaan dhumanitti, buufata sana keessaa isaan balleessuudhaaf isaan irratti ka'ee ture\*.

\*13 Lak 21:12

\*14 Lak 14:34

\*15 Lak 16:31-32

16 Erga warri loltuun sun hundinuu dudu'anii saba sana keessaa dhumanii, 17 Waaqayyo anatti in dubbate. 18 Inni anaan, "Isin har'a karaa daarii Mo'aab biyya Aar keessa in darbitu; 19 daarii biyya Amoonotaatti yommuu dhi'aatan immoo, ani duraan biyyicha qabeenya isaanii godhee sanyii Looxiif waanan kenneef, lafa ijoollee Amoon keessaa tokko illee qabeenya akka godhattaniif isiniif hin kennu; kanaaf isaan hin rakkisinaa, lolaafis tuttuqxanii isaan hin aarsinaa!" jedhe\*. 20 Refaa'oonni dur achi jiraachaa waan turaaniif, inni kunis akka biyya Refaa'otaatti in lakkaa'ama; Amoononni garuu isaanii "Zamzumoota" jedhu. 21 Isaan saba guddaa dha, danuu dha, akka warra Aanaaqis dhedheeroo dha. Waaqayyo garuu Amoonota duraa isaan in balleesse; warri Amoon biyya qabeenya isaanii isaan irraa fudhatanii, iddoo isaanii irras ofii in jiraatan\*. 22 Waaqayyo sanyii Esaawuu warra Se'iir jiraataniifis akkasuma godhee, warra Hoor fuula isaanii duraa balleesse; isaanis warra Hoor irraa biyya qabeenya isaanii fudhatanii, iddoo isaanii

irras hamma har'aatti ofii in jiraatan. <sup>23</sup>Kaftoroonni warri Kaftorii dhufan immoo, Aawota warra gandeen hamma Gaazaatti jiran keessa taa'aa turan balleessanii, iddoo isaanii irras ofii in jiraatan\*.

\*19 Uma 19:38

\*20-21 Uma 6:4

\*23 Uma 10:14; Iya 13:3; Amo 9:7

24 Ammas Waaqayyo, "Ka'aa adeemaatii laga Aarnon ce'aa! Kunoo ani Sihoonin nama biyya Aamor mootii Heshboon, biyya isaas harka keessan keessa buuseera; eгаа lolaaf isa tuttuqaatii lafa qabachuus jalqabaa\*! <sup>25</sup>Ani har'a naasisuu kee, sodaachisuu kees saba guutummaa bantii waaqaa jala jiraatan irratti nan fida; isaanis waa'ce kee yommuu dhaga'an in rom'u, yadaanis in dhipharu" jedhe\*.

\*24 Lak 21:13

\*25 Bau 23:27

### Israa'eloonni Sihoon Mooticha Mo'uu Isaanii (Lak 21:21-30)

26 Yommuu ani Qedemoot lafa onaa sana keessaa Sihoon mootii Heshboonitti namoota ergece dhaamsa nagaa itti nan dhaame\*. <sup>27</sup>Ani, "Biyya kee keessa nan darba, ani karaa qabadhec nan adeema malee, gara mirgaatti yookiis gara bitaatti hin goru; <sup>28</sup>nyaata isa ani nyaadhu horiidhaan anatti in gurgurta, bishaan isan dhugus horiidhaan anaaf in laatta; garuu miillumaa achi keessa na dabarsi\*! <sup>29</sup>Kunis akkuma ijoolleen Esaawuu warri Se'iir jiraatanii fi Mo'aabonni warri Aar jiraatan anaaf godhan, ani Yordaanosin ce'ee biyya isa Waaqayyo gooftaan keenya nuuf kennu sanatti hamman galutti kan ta'uu dha" nan jedheen. <sup>30</sup>Waaqayyo gooftaan kee garuu Sihoon mooticha Heshboon akka har'a godhe kanatti harka kee keessa buusuudhaaf jedhee hafuura isaa in cimsee, mata-jabeessas isa in godhe; kanaaf inni karaa isaa nu dabarsuu hin barbaanne\*.

\*26 Lak 21:21-26

\*28 2:6

\*30 Bau 4:21; 7:3

31 Yommuu Waaqayyo "Ilaa, ani Sihoonii fi biyya isaa dabarsee sitti kennuu jalqabeera, atis biyya isaa qabatee, kan kee godhachuu jalqabi!"

jedhee anatti in dubbate\*. <sup>32</sup>Sihoon immoo nu irratti ka'ee namoota isaa hundumaa wajjin Yaahazitti nu loluudhaaf ba'e. <sup>33</sup>Waaqayyo gooftaan keenya immoo isa dabarsee nutti in kenne; nuyis isa, ijoollee isaa, namoota isaa hundumaas in rukunne. <sup>34</sup>Nuyi yeroo sanatti mandaroota isaa hundumaa in qabanne; mandaroota sana dhiira, dubartii, ijoollees raawwannee in balleessine; waan tokkos hin hambifne. <sup>35</sup>Wanti nuyi ofii keenyaaf fudhanne horii qe'ee fi waan mandaroota sana keessaa boojine duwwaa dha. <sup>36</sup>Mandara Aro'er isa qarqara dachaa Aarnon, mandara dachaa sana keessa jiruu jalqabee hamma Giil'aaditti mandari tokko illee dallaan isaa dheeratee nutti cimsee kan hafe hin jiru; Waaqayyo gooftaan keenya hunduma isaanii dabarsee nutti in kenne\*. <sup>37</sup>Isin biyya sanyii Amoonitti, laga Yaaboo keessaa kutaa tokkotti, mandaroota biyya gaaraattis, lafa Waaqayyo gooftaan keenya nu dhowwe hundumaatti garuu hin dhi'anne.

\*31 Iya 10:12

\*36 2Sam 24:5

### Oog Mootiin Baashaan Mo'amuu Isaa (Lak 21:31-35)

3 <sup>1</sup>Kana booddee deebinee karaa Baashaan irra buunee yommuu ol baane, Oog mootiin Baashaanis namoota isaa wajjin nu loluudhaaf Edraayitti nutti dhufe. <sup>2</sup>Waaqayyo, "Ani isa, namoota isaa, biyya isaas harka kee keessa buuseera isa hin sodaatin! Sihoon mootii Amoorotaa isa mandara Heshboon keessa jiraachaa ture akkuma goote, Ooginis akkasuma in goota" naan jedhe.

3 Waaqayyo gooftaan keenya yommuu Oog mootii Baashaan, namoota isaas harka keenya keessa in buuse; nus isaan rukunnee, nama tokko illee utuu hin hambisin hunduma isaanii in balleessine. <sup>4</sup>Yeroo sanatti mandaroota isaa hundumaa in qabanne; mandaroota jaatamman guutummaa Argoob biyya mootummaa Oog mootii Baashaan keessaa tokko illee hin hambifne. <sup>5</sup>Mandaroonni kun hundinuu dallaa dhagaa dhedheeroo, karaa fi danqaraa qabaniin kan marfaman turan;

kana malees immoo mandaroonni dallaa hin qabne baay'ee ture. <sup>6</sup>Nuyi yommuu Sihoon mootii Heshboon, mandaroota isaa hundumaa, namoota isaa, dhiirota, dubartoota, ijoolloota isaa wajjin raawwannee akkuma balleessine, isaan kanas akkasuma raawwannee in balleessine\*. <sup>7</sup>Garuu borii qe'ee, wanta mandara keessaa saamne hundumaas ofii keenyaaf fudhannee galle\*.

\*6 2:34; 7:1-4

\*7 20:13-18

8 Yeroo sana biyya Yordaanos irraa gara ba'a-biiftuu, dachaa Aarnonii hamma tulluu Hermoonitti mootota Amoorotaa lamaan harkaa in fudhanne. <sup>9</sup>Warri Sihoon Hermoon kanaan "Siiriyon" jedhu; warri Amoorotaa immoo "Seniir" jedhu. <sup>10</sup>Nuyi mandaroota lafa diriiraa gubbaa jiran hundumaa, biyya Giil'aad, biyya Baashaan hundumaa, hamma mandaroota Saalkaa fi Edraayii warra mootummaa Oog mootii Baashaan keessaatti in fudhanne. <sup>11</sup>Warra Refaa'otaa keessaa kan hafe Oog mootii Baashaan duwwaa ture; sireen isaa siree sibiilaa ti, dheerinni isaa dhundhuma sagal, bal'inni isaa dhundhuma afur ture; innis amma iyyuu Raabaa mandara biyya warra Amoon keessa jira\*.

\*11 2:20-21

### Gosoota Yordaanos Irraa Gara Ba'a-Biiftuutii Lafa Fudhatan (Lak 32:1-42)

12 Lafa isa yeroo sana qabanne keessaa mandara Aro'er isa dachaa Aarnon jiruu jalqabee hamma walakkaa biyya gaaraa isa kan Giil'aaditti mandaroota isaa wajjin gosa Ruubenii fi gosa Gaadiif nan kenne. <sup>13</sup>Biyya Giil'aad isa hafeef guutummaa biyya Baashaan, Argoob biyya isa Oog mo'e hundumaa immoo walakkaa gosa Minaaseef nan kenne; guutummaan biyya Baashaan biyya Refaa'otaa jedhama ture. <sup>14</sup>Yaa'iir ilmi Minaasee guutummaa biyya Argoob hamma daarii warra Geshuurotaa fi Ma'akaatotaatti in fudhate; Baashaanin Yaa'iiritti moggaase, har'uma iyyuu Baashaan safara Yaa'iir jedhama. <sup>15</sup>Giil'aadin immoo Maakiiriif nan kenne. <sup>16</sup>Gosa Ruubenii fi gosa Gaadiif immoo Giil'aadii hamma wa-

lakkaa dachaa Aarnonitti, achii immoo bamma laga Yaaboo daarii Amoonotaatti, <sup>17</sup>karaa daarii Yordaanos immoo Keneretii hamma galaana Arabaayi isa "Galaana soogiddaa" jedhameetti, Arabaayi isa tulluu Phisgaa jala gara ba'a-biiftuu jiruutti nan kenne\*.

\*17 Iya 11:2; 19:35

18 Yeroo sana ani, "Waaqayyo gooftaan keessan lafa kana akka qabataniif isiniif kenneera; eгаа isin warri lola dandeessan hundumti keessan mi'a lola hidhadhaatii Israa'eloota obboloota keessan dura bu'aa!" jedhee isin abboomeen ture. <sup>19</sup>Haa ta'u iyyuu malee; ani, "Horii qe'ee baay'ee qabaachuu keessan waanan beekuufan, dubartoonni keessanii fi ijoollonni keessan immoo mandaroota ani isiniif kenne keessatti haa hafan! <sup>20</sup>Hamma Waaqayyo gooftaan keessan akkuma isin boqochiise obboloota keessan boqochiisee, lafa isa Yordaanos gamaa isaaniif kennuuf jiru sana isaan qabachiisutti isinis immoo jsaan gargaaraa! Isa booddees hundumti keessan adduma addaan gara qabeenya keessaniitti in deebitu" jedhe.

21 Ani yeroo sana Iyaasuu yommuun abboome, "Wanta Waaqayyo gooftaan kee mootota kana lamaan godhe hundumaa ija keetiin argiteetta; Waaqayyo mootummoota ati itti adeemaa jirtu hundumaas akkuma kana in godha. <sup>22</sup>Eгаа Waaqayyo gooftaan kee ofii isaatii waan siif loluuf ati isaan hin sodaatin!" nan jedhe\*.

\*22 1:29-30

### Museen Bliyya Kana'aanitti Galuu Dhowwamu Isaa

23 Ani yommuu cimsee Waaqayyoon nan kadhade; <sup>24</sup>kadhanni koos, "Yaa Waaqayyo gooftaa, ati guddina kee fi harka kee isa aango-qabeessa garbicha keetti argisiisuu jalqabdeetta; waaqayyolii keessaa isa kamtu waaqa irraa yookiis lafa irraa akka kee gocha akkasii fi hojii aangoo hojjechuu danda'a ree? <sup>25</sup>Ani ce'ee Yordaanos gamaa lafa gaarii, biyya gaarii isa ba'eesa sana, Liibaanoninis akkan ilaaluuf sin kadhada" kan jedhu ture. <sup>26</sup>Waaqayyo garuu sababii keessaniif anatti dheekame malee, anaaf hin dhageenye; inni, "Si ga'a, waa'ee kanaa

deebitee anatti bin dubbatin\*! <sup>27</sup>Ati laga Yordaanos kana hin ceetu; gubbee tulluu Phiisgaatti ol ba'i, ol jedhii biyyicha gara lixa-biiftuutti, gara bitaatti, gara mirgaatti, gara ba'a-biiftuuttis ija keetiin ilaali! <sup>28</sup>Iyaasuunis immoo saba kana dura bu'ee dhaqee, biyya ati argitu kana akka isaan dhaalan in godha; ati isa ajaji, gorsi, jajja-beessis!" jedhe\*. <sup>29</sup>Yommuus nuyi dachaa fuullee Bet-Phe'or keessatti in hafne.

\*26 Lak 20:12

\*28 31:3,7

#### Museen Akka Isaan Abboomii Waaqayyoo Eeganiif Gorsuu Isaa

4 <sup>1</sup>Museen itti fufee saba sanaan, "Ammas isin yaa saba Israa'el, akka jiraattaniif, biyya Waaqayyoo gooftaan inni kan abboota keessanii isiniif kennuttis galtanii akka qabattaniif, seerrataa fi wanta qajeelaa ta'e akka gootaniif isa ani isin barsiisu kana dhageeffadhaa\*! <sup>2</sup>Abboomota Waaqayyoo gooftaa keessanii eegaa malee, dubbii ani isin abboometti waan tokko hin dabalinaa, waan tokkos irraa hin hir'isinaa\*! <sup>3</sup>Wanta Waaqayyoo tulluu Phe'oritti bojjete iji keessan argeera; Waaqayyoo gooftaan keessan namoota Ba'aal isa Phe'or waaqessan hundumaa isin gidduudhaa balleesseera\*. <sup>4</sup>Isin warri Waaqayyoo gooftaa keessanitti jabaattanii dhaabattan hundinuu garuu, hamma bar'aatti jirtu. <sup>5</sup>Kunoo, isin biyya dhuunfaa keessan godbachuudbaaf itti galtan keessatti akka hojjetaniif, ani akkuma Waaqayyoo gooftaan keessan na abboometti seerrataa fi wanta qajeelaa ta'e isin barsiiseera. <sup>6</sup>Kun saba hundumaa duratti ogummaadhaa fi hubannaa keessan waan ta'uuf, isaan seerrata kana hundumaa yeroo dhaga'an, 'Dhuguma sabni guddaan kun saba ogeessaa fi hubataa dha' isiniin in jedhu; kanaaf isin kana duukaa bu'aa eegaa! <sup>7</sup>Akkuma Waaqayyoo gooftaan keenya yeroodhuma nuyi isa waammannutti nutti dhi'aatu kanatti, sabni guddaan waaqayyoliin isaa isatti dhi'aatan isa kam ree\*? <sup>8</sup>Sabni guddaan seerrataa fi firdii isa qajeelaa akka seera isa ani har'a isin dura kaa'u kana hundumaa qabu isa kam ree\*?

\*1 Lew 18:5

\*2 12:32; Fak 30:6; Mul 22:18-19

\*3 Lak 25:1-9

\*7 4:32-34; Far 145:18

\*8 Er 8:8; Far 147:19-20

9 "Isin garuu dammaqaa, wanta ijaan argitan akka hin irraanfannetti, bara jireenya keessanii guutuus garaa keessan keessaa akka hin badnetti of eeggadhaa! Ijoollee keessan, ijoollee ijoollee keessaniis barsiisaa\*! <sup>10</sup>Gaafa isin Siinaatti Waaqayyoo gooftaa keessan dura dhaabattan, 'Sabni kun bara lafa irra jiraatan hundumaatti ana sodaachuu akka baraniif, ijoollee isaanii akkasuma akka barsiisaniif, ani dubbii koo akka dhaga'an nan godha, atis na biratti walitti isaan qabi!' jedhec Waaqayyoo anatti in dubbate" jedhe\*. <sup>11</sup>Gaafas isin itti dhi'aattanii, miilla tulluu sanaa jala akka dhaabattan, tulluu duumessi gurraachi dukkanaa'aa itti uffifame sana irraas ibiddi hamma bantii waaqaatti ol akka boba'e, <sup>12</sup>yommuus Waaqayyoo ibidda sana gidduudhaa isinitti akka dubbate, isinis sagalee isa isinitti dubbatame sana dhageessaniittu, garuu sagalee duwwaa malee, bifa tokko illee akka hin argin, <sup>13</sup>inni kakuu isaa isinitti akka beeksise, abboomii kurnan isa akka isin gootaniif isin abboome sanas inni gabatoota dhagaa lama irratti akka caafe\*, <sup>14</sup>yeroo sana seerrataa fi wanta qajeelaa ta'e, isa isin biyya dhaaluuf jettan keessatti eegdan akkan isin barsiisuuf Waaqayyoo akka na abboome ijoollee keessanitti ijoollee ijoollee keessaniittis himaa!

\*9 Far 103:2; Kes 4:23; 6:12; 8:11

\*10 Bau 19:17-20; Kes 6:7

\*13 Bau 24:12; 31:18

#### Waaqayyoli Tolfaman Qabaachuu Irraa Of Eeggachiisuu Isaa

15 Kanaaf isin ofii keessaniif of eeggadhaa! Isin gaafa Waaqayyoo Siinaatti ibidda gidduudhaa isinitti dubbate sana bifa tokko illee hin argine; <sup>16</sup>isin fakkaattii waan tokkootiin bifa qirixame tolfachuudhaan karaa irraa akka hin kaanneef of eeggadhaa! Bifa waan tokko illee, kan dhiiraa yookiis kan dubarti\*, <sup>17</sup>fakkaattii bineensa lafa irraa tokko illee, fakkaattii waan baal'eedhaan qilleensa keessa balali'uu tokko illee, <sup>18</sup>fakkaattii wanta lafa irra

munyuuquu, fakkaattii qurxummii lafa jala bishaan keessa jiruu tokko illee tolfachuu irraa of eeggadhaa! <sup>19</sup>Gara waaqaatti ol ilaaltanii, biiftuu, ji'a, urjoota, macca waaqa keessaa hundumaas yeroo argitan, walaalchifamtanii, warra Waaqayyoo gooftaan keessan saba guutummaa bantii waaqaa jala jiraniif kenne sanaaf akka hin saganneef, isaanii akka hin hojjenneef of eeggadhaa\*! <sup>20</sup>Waaqayyoo garuu, biyya Gibxii isa akka iddoo ibidda sibiila itti baqsanii sana keessaa isin fuudhe, akka har'aa kana saba dhuunfaa isaa akka taataniif as isin fide\*. <sup>21</sup>Waaqayyoo sababii keessaniif anatti aaree, ani laga Yordaanos akkan bin ceeneef, biyya isa gaarii Waaqayyoo gooftaan keessan dhaala godhee isiniif kennuttis akkan hin galleef in kakate\*. <sup>22</sup>Kanaaf ani biyya kanatti nan du'a malee, laga Yordaanos gamatti hin ce'u; isin garuu ceetanii biyya gaarii sana in dhaaltu. <sup>23</sup>Isin kakuu Waaqayyoo gooftaan keessan isinii wajjin gale akka bin irraanfannetti, bifa fakkeenya isa Waaqayyoo gooftaan keessan isin dhowwe fakkaattii waan tokkootiin akka hin tolfannettis of eeggadhaa\*! <sup>24</sup>Waaqayyoo gooftaan keessan ibidda xaph godhuu dha, Waaqayyoo hinaafaa dhas\*.

\*16 Bau 20:4; Rom 1:23

\*19 17:2-4; Rom 1:23; 2Mot 17:16; Er 8:2

\*20 Bau 19:5-6; 1Mot 8:51; Isa 48:10; Er 11:4

\*21 1:37; 3:26

\*23 4:9

\*24 9:3; Bau 20:5; Ibr 12:29

25 Isin ijoollee godbattanii ijoollee ijoollee keessanii yommuu argitan, biyyicha keessas yeroo dheeraa yommuu turtan, fakkaattii waan tokkoon bifa fakkeenya tolfachuudhaan yoo karaa irraa kaattan, tuttuqanii isa aarsuudhaafis wanta Waaqayyoo gooftaa keessan duratti bamaa ta'e yoo hojjetan, <sup>26</sup>ani har'a waaqaa fi lafa waamee isin irratti dhugaa nan baasisa; biyya isa dbaaludhaaf Yordaanosin ceetanii itti adeemtan kana irraa daftanii raawwattanii in balleffamtu; isin raawwattanii in dhumtu malee yeroo dheeraa isa irra hin jiraattan\*. <sup>27</sup>Waaqayyoo saba warra kaan gidduu isin in bittimsa, lakkoobsi keessan muraasatee saba warra Waaqayyoo isaan gidduutti isin bittimse keessattis

muraasa taatanii in haftu. <sup>28</sup>Yommuus isin achitti waaqayyolii warra muka irraa, dhagaa irraas harki namaa tolcbe, warra hin arginee fi warra hin dhageenyeeff, warra hin nyaanee fi warra hin fuunfanneefis in hojjetu\*. <sup>29</sup>Garuu achitti Waaqayyoon gooftaa keessan in barbaaddattu; isin garaa keessan guutuudhaan, yaada keessan guutuudhaanis yoo isa barbaaddattan isa in argattu\*! <sup>30</sup>Isin yeroo rakkattan, dubbii kun hundinuu yeroo isin irra ga'u, bara booddeetti gara Waaqayyoo gooftaa keessaniitti in deebitu, dubbii isaatiifis in abboomamtu. <sup>31</sup>Waaqayyoo gooftaan keessan, Waaqayyoo araaraqabeessa waan ta'eef, isin hin gatu, isin hin balleessu; kakuu isa cimsee abboota keessanii wajjin gale sanas hin irraanfatu\*.

\*26 30:19; Isa 1:2

\*28 28:36; Far 115:4-7

\*29 Far 27:8; Er 29:13-14; Isa 10:20-22

\*31 Far 103:8

32 Erga Waaqayyoo nama biyya lafaa irratti umee jalqabee waggoota isin dura darban keessatti dubbii guddaan akkasii takkaa ta'ee yookiis dhagaa'amee beeka yoo ta'eef gaafadhaa! Daarii waaqaa gar tokkoo hamma gara isa kaaniittis iyyaafadhaa! <sup>33</sup>Akka isin sagalee Waaqayyoo dhageessanii fayyaatti jiraattan kana, sabni tokko ibidda gidduudhaa utuu inni itti dubbatuu takkaa dhaga'ee beekaa\*? <sup>34</sup>Akka isa Waaqayyoo gooftaan keessan biyya Gibxiitti fiula keessan duratti isiniif godhe, waaqayyolii keessaa yaaliidhaan, miikkitaan, lolaan, harka aango-qabeessaan, irree diriiraadhaan, wanta gurguddaa nama naasisuunis dhaqee, saba tokko saba warra kaan keessaa fudhatee kan isaa kan godhate tokko jiraa\*? <sup>35</sup>Isin garuu gooftichi Waaqayyoo akka ta'e, isa bukkeettis kan biraa akka hin jirre akka beektaniif, isinitti argisiifameera\*. <sup>36</sup>Inni isin gorsee decbisuudhaaf waaqa irraa sagalee isaa akka dhageessan godhe; lafa irratti ibidda isaa isa guddaa isin argisiise; ibiddicha gidduudhaas dubbii isaa in dhageessan\*. <sup>37</sup>Inni abboota keessan waan jaallateef, sanyii isaanis isaan boodeedhaan fo'atec, ofii isaatii isin duratti argamee, humna isaa isa guddaadhaan biyya Gibxii keessaa isin in baase\*.

<sup>38</sup> Akka har'a asitti isin galche kana, yommuu biyya isaaniis dhaala godhee isiniif kennuudhaaf, saba gurguddinaan, aangoodhaanis isin caalan fuula keessan duraa ari'ee in baase. <sup>39</sup> Kanaafis har'a gooftichi ol waaqa irratti, gad lafa irrattis Waaqayyo akka ta'e, kan biraas akka hin jirre beekaa, yaadattis qabadhaa! <sup>40</sup> Kanaaf isiniif, isin booddees ijoollee keessaniif akka tolutti, biyya Waaqayyo gooftaan keessan bara bundumaaf isiniif kennu keessattis barri keessan akka dheeratutti, seerrata isaa fi abboommii isaa warra ani har'a isin abboomu eeguun isiniif in ta'a.

\*33 Bau 20:19

\*34 7:19

\*35 32:39

\*36 Bau 19:16-18; 20:18-20

\*37 7:8,13; 10:15

#### Mandaroonni Sadii Kooluuf Kennamuu Isaanii

<sup>41</sup> Ergasii Museen mandaroota Yordaanos irraa gara ba'a-biiftuu jiran sadii addaan in baase. <sup>42</sup> Kunis namni utuu bin beekin, duraanis haala utuu irraa bin qabaatin nama ajjeese, mandaroota kana keessaa isa tokkotti yoo baqate akka jiraatuuf ture. <sup>43</sup> Mandaroonni sunis, Bezer isa bakkee diriiraa lafa onaa keessaa gosa Ruubeniif kenname; Amoot isa Giil'aad keessaa gosa Gaadiif kenname; Golaan isa Baashaan keessaa gosa Minaaseetiif kenname turan\*.

\*41-43 Lak 35:9-28; Iya 20:8-9

#### Waa'ee Seera Waaqayyoo Isa Isaaniif Kennamee Yaadachiisuu Isaa

<sup>44</sup> Seerri Museen Israa'eloota durakaa'e kanatti aanee kan jiruu dha. <sup>45</sup> Isaanis dhuga-baatota, seerrata, wanta qajeelaa ta'es warra Museen yeroo Israa'eloonni biyya Gibxii ba'an itti dubbatee dba. <sup>46</sup> Inni laga Yordaanos irraa gara ba'a-biiftuu fuullee Bet-Phe'or biyya Sihoon mootii Amoorotaa isa Hesbboon keessa jiraatu sanaatti ture; isa immoo Musee fi Israa'eloonni yeroo Gibxii ba'anii dhufan in balleesan. <sup>47</sup> Yommuu isaan biyya isaa, biyya Oog mootii Baashaanis, biyya mootota Amoorotaa lamaan warra dachaa Yordaanos keessaa gara ba'a-biiftuu turan sana in qabatan. <sup>48</sup> Biyyichi Aro'er isa

qarqara laga Aarnonii jalqabee hamma tulluu Siyyon isa Hermoon jedhamuutti, <sup>49</sup> guutummaa Arabaayi isa Yordaanos irraa gara ba'a-biiftuu jiruutti, hamma galaana Arabaayi isa miilla tulluu Phiisgaa jalaattis in bal'ata ture.

#### Museen Abboommii Kurnan Isaan Yaadachiisuu Isaa (Bau 20:1-17)

<sup>5</sup> <sup>1</sup> Yommuu Museen guutummaa Israa'el walitti waamee, "Yaa Israa'el, seerrata, wanta qajeelaa ta'e isa ani har'a isinitti dubbadhu kana dhaga'aa! Isaan baraa, jabeessaa eegaas! <sup>2</sup> Waaqayyo gooftaan keenya tulluu Siinaa gubbaatti kakuu nuuf galeera\*. <sup>3</sup> Har'a Waaqayyo nuyi warra amma jirru kanaa wajjin kakuu kanatti gale malee, abboota keenyaa wajjin miti. <sup>4</sup> Waaqayyo tulluu irratti fuula keessan duraa ibidda gidduudhaa isinitti in dubbate. <sup>5</sup> Ani yeroo sana sababii isin ibiddicha sodaattanii tullichatti ol hin ba'in haftaniifan dubbii Waaqayyoo isinitti himuuf Waaqayyoo fi isin gidduu dhaabadhe; inni, <sup>6</sup> Ani Waaqayyo, gooftaa kee isa mana garbummaa biyya Gibxii keessaa si baasee dha.

<sup>7</sup> "Waaqayyoolii kan biraa tokko illee ana bukkeetti hin qabaatin\*! <sup>8</sup> Bifa qirixame, fakkeenya wanta ol waaqa irra jiruu, gad lafa irra jiruu yookiis bishaan keessa lafa jala jiruu hin tolfatin\*! <sup>9</sup> Ati bifa fakkeenya kanaaf hin sagadin, isaafis bin hojjetin! Ani Waaqayyo gooftaan kee Waaqayyo hinaafaa dha; cubbuu abbootaas bamma dhaloota sadii, hamma dhaloota afiriittis harka ijoollee warra na jibbanii keessaa nan barbaada. <sup>10</sup> Dhaloota warra na jaallatanii abboommii koo eeganiitti garuu, kumaatama isaaniitti gaarummaa koo nan argisiisa.

\*2 Bau 19:5; 24:1-8

\*7 Bau 20:3; Kes 11:16,28

\*8 27:15

<sup>11</sup> "Waaqayyo nama akkasumaan maqaa isaa dha'u adaba malee waan hin dhiifneef, ati maqaa Waaqayyoo gooftaa keetii akkasumaan hin dha'in!

<sup>12</sup> "Waaqayyo gooftaan kee akka si abboometti, guyyaa Sanbataa qulqullinatti eegi! <sup>13</sup> Guyyaa ja'a hojii kee hojjedhu, jiruu kees hundumaa godhadhu!

<sup>14</sup> Guyyaan inni torbaffaan garuu Sanbata Waaqayyo gooftaa keetiif eegamuu dha; isatti ati, ilmi kee, intalli kee, hojjetaan kee, hojjetuun kee, qotiyyoon kee, harreen kee, boriin qe'ee kee hunduu, galaan kella kee keessa jirus hojii tokko illee hin hojjetin! Hojjetaan kee fi hojjetuun kee akkuma kee haa boqotan! <sup>15</sup> Ati biyya Gibxiitti garbicha akka turte, Waaqayyo gooftaan kee harka jabaadhaan, irree ol fuudhamaadhaanis achiis akka si baase yaadadhu; Waaqayyo gooftaan kee kanaaf guyyaa Sanbataa akka eegduuf si abboome\*. <sup>15</sup> 15:15; 16:12; 24:18,24

<sup>16</sup> "Biyya Waaqayyo gooftaan kee siif kennu keessa. bara dheeraa akka jiraatuuf, gaariis akka siif ta'uuf, akkuma Waaqayyo gooftaan kee si abboometti abbaa kee fi haadha keef ulfina kenni!

<sup>17</sup> "Hin ajjeesin!

<sup>18</sup> "Hin ejjin!

<sup>19</sup> "Hin batin!

<sup>20</sup> "Nama irratti sobaan dhugaa hin ba'in!

<sup>21</sup> "Haadha manaa namaa duraa fudhachuudhaaf hin hawwin; mana nama, maasii isaa, bojjetaa isaa, bojjettu isaa, qotiyyoo isaa, barree isaa yookiis waanuma kan isaa ta'e duraa fudhachuudhaaf hin hawwin\*! <sup>21</sup> Mik 2:2

<sup>22</sup> "Waaqayyo tulluu gubbaadhaa ibiddaa fi duumessa gidduudhaa, duumessa gurraacha limixii keessaas sagalee guddaadhaan dubbii kana guutummaa walga'ii keessaniitti dubbatee, gabatoota dhagaa lamatti isaan caafee anatti kenne malee, wayyis itti hin daballe\*.

\*22 Bau 24:12; 31:18

#### Museen, Waaqayyoo Fi Saba Gidduu Dhaabachuu Isaa (Bau 20:18-21)

<sup>23</sup> "Gaafas isin ibiddi tullicha irraa utuu boba'uu dukkana keessaa sagalee yommuu dhageessan, dura-buutonni gosa keessanii hundinuu maanguddoonni keessanis na bira dhufanii, <sup>24</sup> Kunoo, Waaqayyo gooftaan keenya ulfina isaa fi guddina isaa nu argisiiseera, nuyis ibiddicha gidduudhaa sagalee isaa dhageenyerra; Waaqayyo namatti dubbatee, nama ntuu hin du'in

hafu, nuyi har'a argineerra\*. <sup>25</sup> Ammas deebinee sagalee Waaqayyo gooftaa keenyaa yoo dhageenye nuyi in duuna, ibiddi guddaan kunis xaph nu godha, eega maaliif dhumna ree? <sup>26</sup> Nama foon uffate hundumaa keessaa eenyutu Waaqayyo inni jiraataan ibidda gidduudhaa utuu dubbatuu dhaga'ee, akka keenya kana utuu hin du'in bafe ree? <sup>27</sup> Ati itti dhi'aadhuu waan Waaqayyo gooftaan keenya jedhu hundumaa dhaga'i, wanta Waaqayyo gooftaan keenya sitti dubbatu hundumaas nutti himi! Nuyi in dhageenya, in abboommamnas' jettan.

\*24 Bau 33:20; Kes 4:12-13,33

<sup>28</sup> "Waaqayyo dubbii isin anatti dubbattan kana yommuu dhaga'e, inni anaan, 'Isa jarri kun sitti dubbattan dhaga'eera:- Isaan wanta dubbattan hundumaa ba'eessa dubbatan. <sup>29</sup> Isaaniif ijoollee isaaniifis bara baraan gaarii akka ta'uuf, ana sodaachuu-dhaaf, abboommii koo hundumaas eeguudhaaf yeroo bundumaa garaa akkasii utuu qabaatanii attam gaarii dba\*! <sup>30</sup> Ammas dhaqiitii:- Godoowan keessanitti deebi'aa isaaniin jedhi! <sup>31</sup> Ati garuu deebi'ii as na bira dhaabadhu, anis abboommota, seerrata, waan qajeelaa ta'e bundumaas sitti nan hima; ati immoo biyya ani akka isaan qabataniif isaaniif kennu keessatti isa akka eeganiif isaan in barsiifta' jedhe. <sup>32</sup> Ega of eeggadhaatii akkuma Waaqayyo gooftaan keessan isin abboometti isa eegaa, isa irraas gara mirgaatti yookiis gara bitaatti hin gorinaa\*! <sup>33</sup> Isin akka jiraattanitti, gaariis akka isiniif ta'utti, biyya isa qabachuuf jirtan keessaa bara dheeraa akka jiraattanitti, karaa Waaqayyo gooftaan keessan isin abboome bundumaa irra deddeebi'aa!" jedhe.

\*29 4:10; 29:3

\*32 4:2; 28:14; Iya 1:7; Fak 4:27

#### Waaqayyoon Jaallachuun Abboommii Isa Caalu Ta'uu Isaa

<sup>6</sup> <sup>1</sup> Ammas abboommiin, seerranuu, wanti qajeelaa ta'es, inni Waaqayyo gooftaan keessan biyya dhaaluudhaaf itti adeemtan keessatti akka hojjetaniif isin barsiisuu na abboome, kanatti aanee kan jiruu dba. <sup>2</sup> Kunis isin guutummaa bara jireenya

kccssaniitti seerrata isaa fi abboom-  
mii isaa warra ani isin, ijoollee kees-  
san, ijoollee ijoollee keessaniis ab-  
boomu, eeguudhaaf Waaqayyoon  
gooftaa keessan akka sodaattaniif,  
barri keessanis akka isiniif dheera-  
tuuf kan kennamanii dha\*. <sup>3</sup>Egaa yaa  
Israa'el dhaga'i! Gaarii akka siif  
ta'uuf, akkuma Waaqayyo inni kan  
abboota keetii si abdachiisetti biyya  
aannanii fi damma baasu sana kees-  
satti guddaa baay'achaa akka adeem-  
tuuf wanta kana of eeggadhuu hojje-  
dhu\*!

\*2 4:10

\*3 Luq 11:28

4 Yaa Israa'el dhaga'i! Waaqayyo  
gooftaan keenya Waaqayyo isa tokki-  
cha\*! <sup>5</sup>Ati Waaqayyoon gooftaa kee  
garaa kee guutuudhaan, humna kee  
guutuudhaanis jaalladhu\*! <sup>6</sup>Dubbiin  
ani har'a si abboomu kunis garaa kee  
keessa haa taa'u\*! <sup>7</sup>Isas keessa ded-  
deebi'ii ijoollee kee barsiisi! Yeroo  
mana kee keessa teessu, karaa irra  
yeroo adeemtu, yeroo ciiftu, yeroo  
kaatus waa'ee isaa dubbadhu\*! <sup>8</sup>Ati  
akka milikkitaatti harka kee irratti isa  
hidhadhu! Ija kee durattis kan rarra'u  
haa ta'u\*! <sup>9</sup>Michichila balbala mana  
keetii fi karra keetii irratti isa caafi!

\*4 Mar 12:29-30; 1Qor 8:6

\*5 Mat 22:37; Kes 10:12; 2Mot 23:25

\*6 11:18-20

\*7 Uma 18:19

\*8 Bau 13:9

#### Abboomamuu Diduu Irraa Of Eeggachiisuu Isaa

10 Waaqayyo gooftaan kee biyya,  
mandaroota gurguddaa fi gaggaarii  
warra ati hin ijaarin siif kennuudhaaf  
abboota kee Abrahaamii fi Yisihaiif,  
Yaaqoobiifis kakate kanatti yeroo si  
galchu\*, <sup>11</sup>manneen mi'a gaggaarii ati  
itti hin guutiniin guutaman, boolla  
bishaanii warra ati ofii hin qorin, iddoo  
dhaabaa waynii fi mukkeetii ejersaa  
warra ati ofii hin dhaabin yeroo argat-  
tu, nyaattees yeroo quufu\*, <sup>12</sup>Waaqay-  
yoon isa biyya Gibxii, mana garbum-  
maa keessaa si baase sana akka hin  
irraanfannetti of eeggadhu\*!

\*10 Uma 12:7

\*11 8:10

\*12 4:9

13 Ati Waaqayyoon gooftaa kee so-  
daadhu, isaafis hojjedhu, maqaa isaatii-  
nis kakadhu\*! <sup>14</sup>Ati waaqayyolii biraa,  
waaqayyolii saba warra naannoo kee  
jirani, hin waaqessin! <sup>15</sup>Waaqayyo  
gooftaan kee inni si gidduu jiru, Waa-  
qayyo hinaafaa waan ta'eef, dheekkam-  
si Waaqayyo gooftaa keetii si irratti  
akka hin bobaanetti, inni irra lafaa irraa  
akka si hin balleessinetti of eeggadhu\*!

\*13 10:20; Mat 4:10

\*15 Bau 20:5

16 Waaqayyoon gooftaa kee ka-  
naan dura Maasaatti akka qorte isa  
bin qorin\*! <sup>17</sup>Ati abboomota, wanta  
isaaf dhugaa ba'aniif, seerrata Waa-  
qayyo gooftaa keetii warra inni si  
abboome cimsii eegii! <sup>18</sup>Gaarii akka  
siif ta'utti, biyya Waaqayyo abboota  
keetiif kennuudhaaf kakate sanattis  
galtee qabeenya kee akka isa godhat-  
tuuf, ati wanta qajeelaadhaa fi Waa-  
qayyo duratti gaarii ta'e godhi!  
<sup>19</sup>Waaqayyo akkuma jedhe diinota  
kee hundumaa si duraa ari'ee in  
baasa\*.

\*16 Bau 17:1-7; Mat 4:7

\*19 Bau 23:27-28

20 Gara fuula duraattis ilmi kee,  
“Wanti isaaf dbugaa ba'u, seerranii,  
wanti qajeelaa ta'es inni Waaqayyo  
gooftaan keenya si abboome kun maal  
fa'i?” jedhee yoo si gaafate\*, <sup>21</sup>ati  
immoo ilma keetiin, “Nuyi biyya Gib-  
xiitti garboota mootii biyya sanaa  
turre; Waaqayyo garuu irree jaba-  
dhaan biyya Gibxii nu baase\*.” <sup>22</sup>Waa-  
qayyo milikkita, dinqii gurguddaa-  
dhaa fi sodaachisaa biyya Gibxii ir-  
ratti, mootii Gibxii irratti warra mana  
isaa keessa jiraatan irrattis fidee ija  
keenya duratti argisiise. <sup>23</sup>Inni biyya  
isa abboota keenyaaf kennuudhaaf ka-  
kundhaan abdachiise sana nuuf ken-  
nee, itti nu galchuudhaaf achi keessaa  
nu baase. <sup>24</sup>Waaqayyo egaa yeroo  
hundumaa gaarii akka nuuf ta'uuf,  
innis akkuma har'aa kana jireenyatti  
akka nu eeguuf, nuyi Waaqayyoon  
gooftaa keenya akka sodaannutti,  
seerrata isaa kana hundumaa eeguu nu  
abboome\*. <sup>25</sup>Nuyis akkuma inni nu  
abboometti, Waaqayyo gooftaa kee-  
nya duratti abboomii isaa kana hun-  
dumaa gochuudhaaf yoo of eeganne,

qajeelummaatti nuuf in lakkaa'ama”  
in jetta.

\*20 Iya 4:6-7; Bau 13:14

\*21 5:15; Far 44:2

\*24 4:1

#### Sabni Israa'el Saba Warra Kaanli Wajjin Akka Walii Hin Galle Dhowwamuu Isaanii

(Bau 34:11-16)

<sup>7</sup>Waaqayyo gooftaan kee biyya ati  
itti galtee qabachuuf jirtutti yom-  
muu si geessu, biyyicha keessaa Hee-  
tota, Girgaashota, Amoorota, Ka-  
na'aaanota, Pheriizota, Hiiwota, Yibu-  
soota saba si caalaa baay'atanii fi  
jajjabaatan, saba baay'ee kana torban  
si duraa oofee in baasa\*. <sup>2</sup>Waaqayyo  
gooftaan kee harka kee keessa isaan  
yommuu buusu, atis isaan yommuu  
rukuttu, hunduma isaanii ajjeesi ma-  
lee, isaanii wajjin kakuutti hin galin,  
oo'as isaan hin argisiisin! <sup>3</sup>Isaanitti  
hin soddoomin, intaloota kee ilmaan  
isaaniitti hin heerumsisiin, ilmaan  
kees intaloota isaanii hin fuusisiin\*!  
<sup>4</sup>Kanaa achi isaan ilmaan kee waa-  
qayyolii biraaf akka hojjetaniif Waa-  
qayyo biraa in deebisu, dheekkamsi  
Waaqayyoo si irratti in boba'a, dafees  
si balleessa. <sup>5</sup>Kanaaf ati iddoo aarsaa  
isaanii diigi, utuboota dhagaa qulqul-  
laa'aatti ilaalaman sanas caccabsi,  
mukkeetii isaan qiqqirixanii waaqay-  
yittii tolfamtuuf dhaabanis jigsii! Bifa  
fakkeenya isaanis ibiddaan gubi! Ku-  
noo, akkas isaan godhi\*! <sup>6</sup>Ati Waa-  
qayyo gooftaa keetiif saba qulqul-  
laa'aa dha; Waaqayyo gooftaan kee  
akka ati addaan baatee saba dhuunfaa  
isaa taatuufitti, saba biyya lafaa irra  
jiran hundumaa keessaa si fo'ateera\*.

\*1 31:3; HoE 13:19

\*3 Bau 34:15-16

\*5 12:2-3

\*6 Bau 19:5; Kes 4:20; Tit 2:14; 1Phe 2:9

7 Waaqayyo sababii ati saba lafa  
irraa keessaa lakkoobsatti baay'attuuf  
si jaallate yookiis si fo'ate miti, ati  
saba lafa irraa keessaa lakkoobsatti  
muraasa\*. <sup>8</sup>Waaqayyo garuu waan si  
jaallateef kakuu abboota keetiif kaka-  
tee waan eeguu barbaadeef, irree ja-  
baadhaan mana garbummaa keessaa,  
harka Fara'oon mootii Gibxii jalaa si  
fure\*. <sup>9</sup>Egaa Waaqayyo gooftaan kee

Waaqayyoo dha, isa beeki! Inni Waa-  
qayyo amanamaa dha; inni warra isa  
jaallatanii abboomii isaa eeganiif  
hamma dhaloota kumaatti kakuu isaa  
in eega, gaarummaa isaas isaan in  
argisiisa\*. <sup>10</sup>Warra isa jibban garuu  
isaan balleessuudhaan gatii isaanii  
mataa isaaniitti in deebisa; inni warra  
isa jibbanitti achumaan dafee gatii  
isaanii mataa isaaniitti in deebisa\*.  
<sup>11</sup>Egaa ati abboomii, seerrata, wan-  
ta qajeelaa ta'es warra ani har'a si  
abboomu kana eegii!

\*7 9:4-5

\*8 4:37; Hos 11:1

\*9 Bau 20:5-6; Nah 1:5; Dan 9:4

\*10 Naho 1:2

#### Eebba Abboomamuu Keessaan Dhufu.

(Kes 28:1-14; Lew 26:3-13)

12 Waan qajeelaa ta'e kana gaarii  
gootee yoo eegde, Waaqayyo gooftaan  
kee abboota keef isa kakate kakuu isaa  
siif in eega, gaarummaa isaas si argi-  
siisa\*. <sup>13</sup>Inni si jaallata, si eebbisa, si  
baay'isas; inni biyya siif kennuuf ab-  
boota keetiif kakate keessatti dhala  
kee, midhaan maasii kee keessaa, way-  
nii kee, dhadhaa ejersaa kee in eebbi-  
sa; saawwan kee fi bushaayee kee siif  
baay'isuudhaan si eebbisa. <sup>14</sup>Ati saba  
hundumaa caalaa in eebbifamta; nama  
kee keessaa dhiirris dubartiinis dhala  
kan dhabu, saawwan kee keessaas kan  
maseenu hin jiru. <sup>15</sup>Waaqayyo dhuk-  
kuba hundumaa sitti in qaba; inni  
dhukkuba hamaa ati biyya Gibxiitti  
beektu sana warra si jibban hundu-  
maatti fida malee, sitti hin fidu\*.  
<sup>16</sup>Saba Waaqayyo gooftaan kee dabar-  
see sitti kennu hundumaa balleessi  
malee, isaaniif hin oo'in! Kiyyoo  
waan sitti ta'uuf waaqayyolii isaaniif  
hin hojjetin\*!

\*12 Bau 23:22-31

\*15 Bau 15:26

\*16 7:1-4; Bau 23:33; 34:12; Iya 23:13

17 Ati, “Sabni kun lakkoobsattoo  
ana caaluu attamittan achi isaan baa-  
sa ree?” jettee garaa keeti in yaadda  
ta'a; <sup>18</sup>garuu wanta Waaqayyo goof-  
taan kee Fara'oonii fi warra Gibxii  
hundumaa irratti hojjetee ba'eessa go-  
dbii yaadadhu malee, isaan hin soda-  
atin! <sup>19</sup>Ati yaalii isa guddaa ija keetiin

argite sana, milikkita, dinqii, harka jabaa, irree ol fuudhamaas isa Waaqayyo gooftaan kee ittiin si baase sana yaadadhu! Waaqayyo gooftaan kee saba ati amma sodaattu kana hundumaas akkasuma in godha\*. <sup>20</sup> Kanuma irratti iyyuu warri hafanii si duraa dhokatan hamma balleeffamanitti Waaqayyo gooftaan kee soonsa isaanitti in erga\*. <sup>21</sup> Waaqayyo gooftaan kee, Waaqayyo inni guddaanii fi sodaatamaan sun sii wajjin waan jiruuf isaan hin sodaatin! <sup>22</sup> Waaqayyo gooftaan kee saba kana irraa jalaan si duraa oofee in baasa, bineensi akka sitti hin baay'annetti immoo hunduma isaanii al tokkoon hin balleessin! <sup>23</sup> Waaqayyo gooftaan kee harka kee keessa isaan in buusa; hamma isaan dhumanittis badiisa guddaa isaanitti in fida. <sup>24</sup> Inni mootota isaanii harka kee keessa in buusa; maqaa isaaniis waaqa jalaa in balleessita; namni tokko illee si dura dhaabachuu hin danda'u, ati isaan in balleessita. <sup>25</sup> Bifa fakkeenya waaqayyolii isaanii ibiddaan gubi! Inni kiyyoo akka sitti hin taanetti warqee fi meetii waaqayyolii isaaniitti uffiffame hin hawwin! Inni Waaqayyo gooftaa kee duratti ciigga'amaa waan ta'eef, isa hin fudhatin! <sup>26</sup> Inni abaaramaa waan ta'eef, atis akkuma isaa abaaramaa akka hin taanetti raawwattee isa ciigga'i, isa tuffadhus malee, wanta ciiggaasisaa mana keetti hin galchin!

\*19 4:34; 29:2

\*20 Bau 23:28-30

### Waaqayyoon Akka Hin Irraanfanneef Gorfamuu Isaanii

**8** <sup>1</sup> Ammas isin akka jiraattaniif, akka baay'attaniif, biyya Waaqayyo abboota keessaniif kennuudhaaf ka kuudhaan abdachiise sanattis galtanii qabeenya keessan akka godhattaniif, isin of eeggadhaatii abboommii ani har'a isin abboomu hunduma eegaa\*! <sup>2</sup> Waaqayyo gooftaan keessan gad isin deebisuudhaaf garaa keessan keessa waan ture, abboommii isaa in eegduu fi hin eegdanii keessan beekuudhaaf, qoree isin ilaaluudhaafis jedhee, karaa inni lafa onaa sana keessa waggaa afurtama kana isin adeemsisaa ture yaadadhaa\*! <sup>3</sup> Yommuu namni dubbii

afaan Waaqayyoo keessaa ba'uun malee, buddeena duwwaadhaan akka hin jiraanne isin barsiisuudhaaf, inni isin beelessee gad isin deebise; kana booddee immoo maannaa, isa isin abboonni keessanis hin beekin isin soore\*. <sup>4</sup> Waggaa afurtamman kanas uffanni keessan isin irratti hin dhumne, miilli keessan hin itofne\*. <sup>5</sup> Egaa namni ilma isaa akkuma adabatu, Waaqayyo gooftaan keessanis immoo isin adabachuu isaa garaatti qabadhaa\*!

\*1 4:1

\*2 Bau 15:25; Far 95:9-10

\*3 Mat 4:4

\*4 29:4

\*5 Er 30:11; 46:28; Ibr 12:7; Fak 3:11-12

<sup>6</sup> Egaa karaa isaa irra adeemuu-dhaan, isa sodaachuudhaanis abboommii Waaqayyo gooftaa keessanii eegaa! <sup>7</sup> Waaqayyo gooftaan keessan biyya gaariitti, isa dachaan isaa fi tulluun isaa burqaa bishaanii, ijoo bishaanii fi bishaan lafa jalaa qabutti isin in galcha. <sup>8</sup> Biyyichi biyya qamadii, biyya garbuu, biyya mukkeetii waynii, biyya mukkeetii harbuu, biyya rumaanii, biyya mukkeetii ejersaa fi biyya dammaa ti. <sup>9</sup> Biyya ati utuu hin beela' in buddeena nyaattu, biyya ati keessatti waan tokko illee hin dhabnee dha; dhagaan biyyichaa sibiila qaba, tulluuta isaa keessaas sibiila diimaa qottee in baafta. <sup>10</sup> Atis nyaattee in quufta, biyya gaarii inni siif kenne sanaafis Waaqayyoon gooftaa kee ulfinaan in jajatta.

<sup>11</sup> Egaa ati abboommii isaa, wanta qajeelaa ta'e, seerrata isaas warra ani har'a si abboomu eeguu dhiisuudhaan, Waaqayyoon gooftaa kee akka hin irraanfannetti of ceggadhu\*! <sup>12</sup> Kanaa achi ati yeroo nyaattee quuftu, manneen gaggaariis ijaaratttee yeroo keessa jiraatu, <sup>13</sup> saawwan kee fi bushaayeen kee yeroo wal horan, meetiin kee fi warqeen kee yeroo baay'atu, wanti ati qabdu hundinuus yeroo guddatu, <sup>14</sup> yommuu ati garaa keetti ol of qabuu in jalqabda, Waaqayyoon gooftaa kee isa biyya Gibxii mana garbummaa sana keessaa si baases in irraanfatta. <sup>15</sup> Inni isa si geggeessee lafa onaa bal'aa fi sodaachisaa, lafa gogaa bishaan hin qabne, lafa bofni hadhaa qabuu fi torbaanqabaan kan keessa guute sana keessa si dabarsee dha, isa dhagaa

qarsaa keessaa bishaan siif baasee dhas\*; <sup>16</sup> isa gad si deebisuudhaaf, qorees si ilaaluudhaaf, gara dhumaatti immoo gaarii siif gochuudhaaf lafa onaa keessatti, maannaa wanta abboonni kee iyyuu hin beekne si sooree dha\*. <sup>17</sup> Kanaaf garaa keetti, "Humna koo fi jabina irree kootu badhaadhummaa kana anaaf kenne" in jetta ta'a. <sup>18</sup> Garuu Waaqayyo gooftaan kee akkuma har'a godhe kana, kakuu isa abboota kee abdachiise cimsuudhaaf jedhee, ati badhaadhummaa akka argattuuf, humna waan siif kennuuf isa yaadadhu\*!

\*11 4:9

\*15 Bau 17:1-7

\*16 8:2-3

\*17-18 Far 44:3-8

<sup>19</sup> Ati Waaqayyoon gooftaa kee irraanfatee, waaqayyolii warra kaan duukaa buutee isaaniif yoo hojjetee, yoo sagaddeefis garuu, raawwattee akka ati baddu, ani har'a sitti dhugaa nan ba'a. <sup>20</sup> Ati Waaqayyo gooftaa kee dhaga'uu waan hin jaallatiniif, akkuma saba warra Waaqayyo fuula kee duraa balleessee atis akkasuma in badda.

### Ahboomamuu Diduu Saha Israa'el

**9** <sup>1</sup> Dhaga'i yaa Israa'el! Ati har'a mandara gurguddaa dheerinni dala isaani waaqa keessa ga'u saba warra kaan warra guddinaa fi humnaan si caalan irraa fudhaabuudhaaf laga Yordaanos in ceeta\*. <sup>2</sup> Jarri sunis sanyii Aanaaqotaa ti; isaan jajjaboodhaa fi dhedheeroo dha; ati iyyuu isaan in beekta. waa'ee isaaniifis, "Eenyutu sanyii Aanaaq dura dhaabachuu danda'a?" jedhamee akka dubbatamu dhageesseetta\*. <sup>3</sup> Egaa har'a inni akka ibidda xaph godhuutti si dura adeemu Waaqayyo gooftaa kee akka ta'e beeki! Inni si duraa isaan in balleessa, harka kee jalas isaan in galcha; yommuu ati akkuma Waaqayyo si abdachiisetti biyya keessaa isaan in baafta, daftes isaan in fixxa\*.

\*1 1:28

\*2 Lak 13:32-33

\*3 4:24

<sup>4</sup> Yommuu Waaqayyo gooftaan kee isaan si duraa ari'ee baasu, ati immoo, "Waaqayyotu qajeelina koof jedhee akka ani biyya kana qabadhuuf as ana galche" jettee garaa keetti hin yaadin!

Waaqayyo gooftaan kee garuu sabni kun jal'oota waan ta'aniif, si duraa oofee isaan in baase. <sup>5</sup> Waaqayyo gooftaan kee saba kana jal'ina isaatiif jedhee si duraa oofaa waan jiruuf, biyya kana qabachaa jirta malee, qajeelina kee yookiis gara-tolina keetiif miti; Waaqayyo isa abboota kee Abrahamaa fi Yisahaqiif, Yaaqoobiifis kate sana fiixaan baasuudhaaf kana in godha\*. <sup>6</sup> Waaqayyo gooftaan kee sabbii qajeelina keef biyya gaarii kana akka qabattuuf akka siif hin kennin eegaa beeki! Ati dhuguma saba boqu-jabeessa.

\*4-5 8:17

<sup>7</sup> Ati lafa onaa keessatti Waaqayyo gooftaa kee attam akka aarsite yaadadhu, hin irraanfatinis! Gaafa biyya Gibxii baatee jalqabdee hamma guyyaa iddoo kanatti galteetti Waaqayyo irratti ka'aa turte. <sup>8</sup> Ati Waaqayyoon Siinaatti iyyuu aarsinaan, inni sitti dheekamee si balleessuuf yaade. <sup>9</sup> Yommuu ani gabatoota dhagaa, gabatoota kakuu isa Waaqayyo wanta sii wajjin kakuutti gale irratti caafe sana fuudhuudhaaf gara tullichaatti ol ba'e, guyyaa afurtamaa fi halkan afurtamaa tullicha irra nan taa'e; yeroo sana ani buddeena hin nyaanne bishaanis hin dhuge\*. <sup>10</sup> Waaqayyo yommuu gabatoota dhagaa lamaan warra quba isaatiin irratti caafe sana anatti in kenne; dubbiin Waaqayyo gaafa isin walitti qabamtan sana tullicha irraa ibidda gidduudhaa isinitti dubbate bundinuu isaan irratti caafamanii jiru turan\*. <sup>11</sup> Waaqayyo guyyaan afurtamni fi halkan afurtamni erga dhume booddee, gabatoota dhagaa lamaan, gabatoota kakuu sana anatti in kenne. <sup>12</sup> Gaafas Waaqayyo, "Jarri kee warri ati biyya Gibxii baafte in manca'an, dafanii karaa ani isaan abboome irraa jal'atani, bifa baqfamaa in tolfatan; kanaaf ka'ii, ariifadhu gad bu'il" naan jedhe.

\*9 Bau 24:18; 34:28

\*10 Bau 31:18

<sup>13</sup> Ammas Waaqayyo, "Ani jara kana argeera, kunoo isaan boqu-jaboota; <sup>14</sup> ana dhiisi, maqaa isaani waaqa jalaa haxaa'ee nan balleessa; sin immoo saba isaan caalaa jabaatuu fi baay'atuuf abbaa nan godha" jedhee

anatti in dubbate. <sup>15</sup>Yommus ani ibiddi tullicha irraa utuu boba'aa jiruun deebi'ee gaboota kakuu sana lamaan harka lachuutti baadhee, tullicha irraa gad bu'e. <sup>16</sup>Yeroon ilaale, kunoo, akka isin Waaqayyo gooftaa keessan yakkitan, bafa baqfamaa akka jabbiitti tolfattanii, karaa Waaqayyo isin abboome irraas daftanii akka jal'attan nan arge. <sup>17</sup>Ani kana irrattan ija keessan duratti gaboota sana lamaan of harkaa darbadee caccabse. <sup>18</sup>Sababii isin Waaqayyoon tuttuqxanii aarsuudhaan isa duratti hamaa gootanii, cubbuu hundumaa hojjetaniif ani ammas deebi'ee guyyaa afurtamaa fi halkan afurtama fuula Waaqayyoo duratti addaan nan gombifame; yeroo sana ani buddeena hin nyaanne, bishaanis hin dhugne\*. <sup>19</sup>Waaqayyo aaree isin balleessuudhaaf waan isinitti qophaa'efan, ani aarii isaa fi dheekkamsa isaa sodaadhe; Waaqayyo garuu ammas immoo anaaf in dhaga'e\*. <sup>20</sup>Yommus Waaqayyo baay'isee Aaronitti dheekkame, isa ajjeesuus in barbaade; ani garuu achumaan Aaroniifis immoo nan kadhade. <sup>21</sup>Dibicha keessan isa isin tolfattanii cubbuu isinitti ta'e sana fuudheen ibiddaan gubee caccabsee, hamma inni awwaara ta'utti daakee, awwaara isaa immoo bishaan tulluu jalaa gad yaa'utti naqe.

\*18 9:9

\*19 Ibr 12:21

<sup>22</sup>Isin immoo Tabeeraatti, Maa-saatti, Qibrot-Hatawaattis Waaqayyoon in aarsitan\*. <sup>23</sup>Yommuu Waaqayyo, "Dhaqaatii biyya ani isiniif kenne qabadhaa!" jedhee, Qaadash-Barne'aa-dhaa isin erge; isin immoo abboommii Waaqayyo gooftaa keessan irratti kaatan, isa hin amanne, isaafis hin dhageenye\*. <sup>24</sup>Erga gaafa inni isini wajjin wal bareetti jalqabee isin Waaqayyo irratti ka'uu hin dhiifne.

\*22 Bau 17:7; Lak 11:3; 11:34

\*23 Lak 13:17,31; 14:1-4; Ibr 3:16

<sup>25</sup>Sababii Waaqayyo "Isinan balleessa" isiniin jedheefan, guyyaa afurtamaa fi halkan afurtaman sana fuula Waaqayyoo duratti addaan gombifame\*. <sup>26</sup>Yommus ani Waaqayyoon kadhadee, "Yaa Waaqayyo gooftaa, saba dhuunfaa kee warra ati humna kee isa guddaadhaan furte, irree jabaadhaanis biyya

Gibxii baafte kana hin balleessin! <sup>27</sup>Ati hojjetoota kee Abrahaamii fi Yisibaqiin, Yaaqoobiinis yaadadhu malee, boqu-jabinnaa fi jal'ina yookiis cubbuu saba kanaa hin ilaalin! <sup>28</sup>Kanaa achi warri ati biyya isaaniitti nu baafte, 'Waaqayyo biyya isaan abdachiisetti isaan galchuu hin dandeenye, inni sababii isaan jibbeef lafa onaatti isaan fixuudhaaf achii isaan baase' in jedhu\*. <sup>29</sup>Isaan saba kee ti, saba dhuunfaa kee, warra ati humna kee isa guddaadhaa fi irree kee isa jabaadhaan baafte dha" jedhee.

\*25 9:18-19

\*28 32:27; Lak 14:15-16; Far 115:1-2

### Museen Si'a Lammaffaa Abboommilcha Fuudhuu Isaa (Bau 34:1-10)

**10** <sup>1</sup>Yeroo sanatti Waaqayyo anatti in dubbate; inni, "Gaboota dhagaa akka warra duraa sana lama baasii soofi, tulluu irratti gara koo kottu! Sanduuqa mukaa tokkos tolchi! <sup>2</sup>Ani immoo sagalee gaboota duraa warra ati cabsite sana irra turan gaboota kana irratti nan caafa; atis sanduuqicha keessa isaan in keessa" jodhe.

<sup>3</sup>Kana irratti ani muka laaftoo irraa sanduuqa nan hojjedhe, gaboota dhagaa akka warra duraa sanas lama baasee nan soofe; gaboota sana lamaanis harkatti qabadhee gara tulluutti ol nan ba'e. <sup>4</sup>Yommus Waaqayyo akkuma isa caaffata duraa sana irra ture, abboommii kurnan warra inni gaafa walga'ii sana tulluu irratti ibidda gidduudhaa isinitti dubbate, irratti in caafe; kana booddee Waaqayyo gaboota sana anatti in kenne. <sup>5</sup>Ani tulluu irraa deebi'ec gad bu'ee, gaboota sanas akkuma Waaqayyo na abboome sanduuqa isan tolche sana keessa nan kaa'e; isaanis sanduuqichuma keessa jiru.

<sup>6</sup>Israa'eloonni Be'erot isa kan sanyii Yaa'aakaanii ka'anii gara Mose-root in adeeman; achitti Aaron du'ee, achumattis in awwaalame; Ele'azaar ilmi isaas qooda isaa luba ta'ee in hojjeta ture\*. <sup>7</sup>Isaan achii ka'anii immoo gara Gudgodaatti, Gudgodaadhaa ka'anis gara Yoxbaataa biyya isa burqituu bisbaanii qabutti in adeeman. <sup>8</sup>Waaqayyo yommuu gosi Lewwii hamma har'aatti akkuma gochaa jiran,

sanduuqa kakuu isaa baatanii isa dura dhaabatanii isaaf akka hojjetaniif, maqaa isaatiinis akka eebbisiiniif addaan isaan in baase\*. <sup>9</sup>Kanaafis gosi Lewwii obboloota isaanii wajjin qooda yookiis dhaala hin arganne; egaa akkuma Waaqayyo gooftaan kee isatti dubbatee ture dhaalli isaa Waaqayyoo dha\*.

\*6 Lak 33:30-33,38

\*8 Lak 3:5-8; Kes 31:9,25; 33:10

\*9 Lak 18:20

<sup>10</sup>Yommus ani akkuma si'a duraa sana guyyaa afurtamaa fi halkan afurtama tulluu sana irra nan ture; Waaqayyo yeroo sanas immoo anaaf dhaga'ee-ra, inni isin balleessuu hin jaallanne\*. <sup>11</sup>Yommus Waaqayyo, "Sabni kun biyya ani isaaniif kennuudhaaf abboota isaaniitiif kakaadhe sanatti galanii, biyyicha dhaala isaanii akka godhataniif, ka'i, isaan dura bu'ii adeemi!" jedhee anatti in dubbate.

\*10 9:18; Bau 34:28

### Wanti Waaqayyo Isaan Irraa Barbaadu Itti Himamuu Isaa

<sup>12</sup>Ammas yaa Israa'el, Waaqayyoon gooftaa kee sodaachuu, karaa isaa hundumaa irra adeemuu, isa jaallachuu, garaa kee guutuudhaan, jireenya kee guutuudhaanis Waaqayyo gooftaa keef hojjechuu malee, Waaqayyo gooftaan kee maal si irraa barbaada\*? <sup>13</sup>Gaarii akka siif ta'uufis abboommii fi seerrata Waaqayyoo warra ani har'a si abboomu kana eeguu malee maal si irraa barbaada? <sup>14</sup>Kunoo, bantiin waaqaa fi bantiin waaqaa inni bantiwwan waaqaa gararraa jirus, laftis wanta isa irra jiru hundumaa wajjin kan Waaqayyo gooftaa keetii ti. <sup>15</sup>Haa ta'u iyyuu malee, Waaqayyo abboota kee duwwaa jaallatee yaada irra kaa'ate; isaan booddeedhaanis akkuma har'aa kana isin sanyii isaanii iyyuu saba warra kaan hundumaa keessaa isin fo'ate\*.

\*12 Mik 6:8

\*15 4:37; 7:6

<sup>16</sup>Kanaafis isin yaada garaa keessanii isa haguugame qulleeffadhaa, si'achis deebitanii boqu-jabeeyyii hin ta'inaa\*. <sup>17</sup>Egaa Waaqayyo gooftaan keessan waaqayyolii irratti Waaqayyoo dha, gooftaa gooftota, Waaqayyo isa guddaa, isa aango-qabeessa, isa sodaatamaa dhas; inni nama wal hin caalchisu,

gabbarsuus hin fudhatu\*. <sup>18</sup>Inni ijoollee abbaan irra hin jirreef, dubartii abbaan manaa irraa du'eefis firdii qajeelaa in kenna; inni nama galaa in jaallata, nyaataa fi uffatas in kennaaf. <sup>19</sup>Isinis biyya Gibxiitti galaa waan turtaniif, warra galaa sana jaalladhaa\*!

\*16 30:6; Uma 17:9-14

\*17 2Sen 19:7; HoE 10:34; 1Xim 6:15

\*19 Bau 22:20-21; Kes 27:19

<sup>20</sup>Ati Waaqayyoon gooftaa kee sodaadhu, isaaf hojjedhu, isatti maaxxani, maqaa isaatiinis kakaadhu\*! <sup>21</sup>Inni isa ati jajattuu dha, inni Waaqayyo kee isa wanta gurguddaa fi sodaachisaa ati ija keetiin argite siif godhee dha. <sup>22</sup>Abboonni kee nama torbaatama ta'anii biyya Gibxiitti gad bu'an, amma garuu Waaqayyo gooftaan kee akka urjoota waaqaa keessaa akka baay'attu si godhe\*.

\*20 4:10

\*22 Uma 46:27; 15:5

### Waaqayyoon Akka Jaallataniif, Akkaa Isaaf Abboomamanilfis Gorsuu Isaa

**11** <sup>1</sup>Kanaaf ati Waaqayyo gooftaa kee jaalladhu, wanta inni si irraa barbaadu, seerrata isaa, wanta qajeelaa ta'e, abboommii isaas yeroo hundumaa eegi\*! <sup>2</sup>Ani ijoollee kee warra adaba Waaqayyo gooftaa keetii, guddina isaa, harka isaa isa jaba, irree isaa isa cimaa hin beeknetti yookiis hin arginettan dubbadha utuu hin ta'in, sitti akkan dubbadhu ati har'a beeki! <sup>3</sup>Milikkita fi hojii isa isa inni biyya Gibxii keessatti Fara'oon mootii Gibxii fi biyya isaa hundumaa irrattis godhe, <sup>4</sup>wanta inni yommuu isaan si ari'uuf si duukaa bu'an loituu warra Gibxii, fardeen isaanii fi konkolaattota isaanii godhe, akka inni bishaan galaana diimaa isaan irra garagalche, akka Waaqayyo raawwatee isaan balleesses beeki\*! <sup>5</sup>Hamma gaafa ati iddoo kana dhufteetti wanta inni lafa onaatti siif godhe, <sup>6</sup>gosa Ruuben keessaa Daataanii fi Abiiram ilmaan Elliyaab wanta inni godhe, Israa'el hundumaa gidduutti lafti afaan isaa bance, maatii isaanii fi dunkaana isaanii, wanta isaan qaban horii isaanii hundumaa wajjin akka isaan liqimse hubadhu\*! <sup>7</sup>Hojii



guddaa Waaqayyo hojjete kana hundumaa iji kee argeera.

\*1 6:4-5

\*4 Bau 14:25,27

\*6 Lak 16:25-34

8 Ammas akka jabaattee ceetee biyyicha qabattuuf abboommii ani har'a si abboomu kana hundumaa eegii! <sup>9</sup>Biyya Waaqayyo abboota kee fi sanyii isaanitiif kennuudhaaf kakate, biyya aananii fi damma baasu sana keessa bara dheeraa in jiraatta\*. <sup>10</sup>Biyyi ati itti galtee, qabachuudhaaf jirtu kun akka biyya Gibxii isa ati keessaa baatec dhufte, isa yeroo sanyii facaafattu akka nama biqiltuu guddisuutti miillaan deddeebitee bishaan itti jal'iftee ohaafattu sanaa miti. <sup>11</sup>Biyyi ati qabachuudhaaf itti lixuuf adeemaa jirtu, biyya gaaraa fi dachaa qabu, biyya waaqa irraa bokkaa argatuu dhas. <sup>12</sup>Biyyichi biyya Waaqayyo gooftaan kee ilaaluu dha; iji Waaqayyo gooftaa keetii jalqaba wagaati hamma dhuma waggaatti yeroo hundumaa isa in to'ata.

\*9 Bau 3:17

13 Ati abboommii ani har'a si abboomu kana jabeessitee yoo eegde, Waaqayyoon gooftaa kee yoo jaallatte, garaa kee guutuudhaan, yaada kee guutuudhaanis yoo isaaf hojjette, <sup>14</sup>inni immoo lafa kee irratti yeroo yeroo isaati bokkaa in roohsa, ati midhaan kee fi waynii kee, dhadhaa ejersaa kee akka galfattutti, bokkaa arfaasaa fi bokkaa hirraa siif in roobsa. <sup>15</sup>Inni bakkeedhaa horii keetiif marga in kenna; atis in nyaatta in quuftas\*. <sup>16</sup>Garaan kee akka hin gowwoomne, garagaltees waaqayyolii biraatiif akka hin hojjenne, akka hin sagannceffittis of eeggadhu! <sup>17</sup>Kanaa achi dheekkamsi Waaqayyoo si irratti in boba'a; bokkaan akka hin roobnetti inni bantii waaqaa in cufa, laftis midhaan hin kennu; yommuu ati biyya gaarii isa Waaqayyo siif kennu irraa daftes in badda\*.

\*13-15 7:12-15; 28:1-14

\*16 Bau 20:3

\*17 Lew 26:19-20

18 Kanaafis dubbii koo kana garaa kee keessa, yaada kee keessaa kaa'adhu, milikkitaaf akka siif ta'uttis harka keetti hidhadhu, akka seenaattis ija kee lamaan gidduutti rarraafadhu! <sup>19</sup>Mana

kee keessa yommuu teessu, karaa irra yommuu adeemtu, yommuu ciiftu, yommuu kaatus waa'ee isaani dubba-dhu, ijoollee kees ittiin barsiisi! <sup>20</sup>Michichila balbala mana keetii fi karra kee irratti isaan caafi! <sup>21</sup>Yommuu barri kee fi harri ijoollee kee biyya Waaqayyo abboota kee kennuudhaaf kakate keessatti hamma hantiwwan waaqaa lafa gararraa jiranitti in dheerata.

\*18-20 6:6-9

22 Abboommii ani har'a si abboomu kana hundumaa cimsitee yoo eegde, Waaqayyo gooftaa kees yoo jaallatte, karaa isaa hundumaa irra yoo adeemte, isatti yoo maxxante, <sup>23</sup>Waaqayyo immoo saba kana hundumaa si duraa in kaasa; ati immoo saba si caalaa guddaadhaa fi humna-qabeessa in dhaalta. <sup>24</sup>Iddoon faanni miilla kee irra ejjetu hundinuu kan kee in ta'a; daariin lafa keetiis lafa onaadhaa ka'ee hamma Liibaanonitti, laga Efraaxiisii ka'ee immoo hamma galaana isa guddaa gara lixa-biiftuu jiruutti in adeema. <sup>25</sup>Waaqayyo gooftaan kee akkuma si abdachiise naasisuu kee fi sodaachisuu kee biyya miilli kee keessa ejjete hundumaa irra in buusa, namni si dura dhaabachuu danda'us hin jiru\*.

\*25 Bau 23:27

26 Paa! Ani har'a eebbaa fi abbaarsa si dura nan kaa'a\*. <sup>27</sup>Abboommii Waaqayyo gooftaa keetii isa ani har'a si abboomu kana yoo eegde, kun eebba siif ta'a; <sup>28</sup>abboommii Waaqayyo gooftaa keetii yoo eeguu dhaabaate, karaa isaa isa ani har'a si abboomu kana irraas yoo jal'atte, waaqayyolii biraa warra dur hin beekne duukaas yoo buute, kun abaarsa sitti ta'a. <sup>29</sup>Yommuu Waaqayyo gooftaan kee biyya ati dhaqxee qabachuuf jirtutti si galchu, tulluu Geriizim irraa eebba, tulluu Ebaal irraa abaarsa in labsita\*.

<sup>30</sup>Tullooni kun Yordaanos gama, biyya Kana'anoosaa isa karaa gara lixa-biiftuutiin Arabaayi keessa fuulle mandara Giilgal, qilxuu Mooree bukkce jiru keessatti argamu mitii ree\*? <sup>31</sup>Ati biyya Waaqayyo gooftaan kee siif kennu dhaqxee qabachuudhaaf laga Yordaanos ce'uuf jetta; biyyicha fudhattee yommuu isa keessa jiraattu,

<sup>32</sup>seerrataa fi wanta qajeelaa ta'e isa ani har'a si dura kaa'u kana hundumaa akka eegduuf of eeggadhu!

\*26 30:1,5,19

\*29 27:12-13; Iya 8:33-34

\*30 Uma 12:6

### Iddoon Sagadaa Inni Tokkichi Beekamuu Isaa

**12** <sup>1</sup>Isin biyya Waaqayyo gooftaan inni kan abboota keessanii guutummaa bara lafa irra jiraattan hundumaatti qabeenya keessan akka godhattaniif isiniif kenne sanatti in galtu; isin biyyicha keessatti of eeggannaadhaan hojjechuun immoo kan isiniif ta'u seerranii fi wanti qajeelaan kanatti aance isa jiruu dha. <sup>2</sup>Sabni isin lafa gad dhiisifan tulluu dheheeraa irratti, gaara irratti, muka baala qabu hundumaa jalatti waaqayyolii isaanii if iddoo isaan itti sagadaa turan hundumaa raawwadhaa balleessaa! <sup>3</sup>Iddoo aarsaa isaanii diigaa, utuboota dhagaa qulqullaa'ootti ilaalaman sanas caccabsaa, mukkeetii qiqqirixamanii bifa "Asheeraa" waaqayyitii tolfamtuutiin dhaabamanis ibiddaan gubaa, bifa waaqayyolii tolfamoo isaanis kukkuta, maqaa isaanis iddoo sana irraa balleessaa\*!

\*2-3 7:5,25; Bau 34:13; 2Mot 16:4; Er 2:20; His 6:13

4 Isin garuu akka isaaniitti Waaqayyo gooftaa keessaniif hin sagadi-naa! <sup>5</sup>Lafa Waaqayyo gooftaan keessan maqaa isaa itti waamsisuudhaaf, iddoo huufata isaa godhachuudhaaf gosa keessan hundumaa keessaa fo'atu barbaaddadhaa, achis dhaqaa\*! <sup>6</sup>Achitti qalma gubamuuf aarsaa keessan, kudhan keessaa tokkoo keessan, kenna addaan kennitan, aarsaa wareegaa keessan, kenna fedha keessaniin kennitan, saawwa keessaa, bushaayee keessaas angafa kan dhalatu dhi'eessaa! <sup>7</sup>Achitti fuula Waaqayyo gooftaa keessanii duratti nyaadhaa! Waanuma isin hojjettan hundumaanis Waaqayyo gooftaan keessan waan isin eebbiseef isin gammadaa, maatiin keessanis haa gammadan\*!

\*5 12:14; 15:20; 16:16; 17:8

\*7 12:18; 14:26; 16:11,14

8 Isin akka nuyi har'a adduma addaan wanta nutti tole hojjennu kana

hin godhinaa! <sup>9</sup>Isin amma illee iddoo boqonnaa fi dhaala isa Waaqayyo gooftaan keessan isiniif kennu sana bira hin geenye. <sup>10</sup>Garuu laga Yordaanosin in ceetu, biyya Waaqayyo gooftaan keessan akka dhaaltaniif isiniif kennu keessan in jiraattu; isin nagaatti akka jiraattaniif, inni diinota naannoo keessan jiran hundumaa irraa akka boqottan in godha\*. <sup>11</sup>Yommuu isin wanta ani isin abboomu hundumaa, qalma keessan isa gubamu, aarsaa keessan, kudhan keessaa tokko, kenna addaan kennitan, wareega keessan isa Waaqayyoof wareegdan hundumaas, iddoo isa Waaqayyo gooftaan keessan maqaan isaa akka itti waamamuuf fo'atu sanatti in dhi'eessitu. <sup>12</sup>Achitti isin, ilmaan keessan, intalooni keessan, hojjetoonni keessan warri dhiiraa, warri dubartiis akkasumas Lewwooni warri kella mandaroota keessanii keessa jiran, warri isinii wajjin hirmaata yookiis dhaala hin qabne fuula Waaqayyo gooftaa keessanii duratti haa gammadan\*! <sup>13</sup>Egaa qalma kee isa gubamu sana iddoodhuma argitetti akka hin dhi'eessineef of eeggadhu! <sup>14</sup>Iddoo Waaqayyo gosa kee keessaa fo'atu tokkotti aarsaa kee dhi'eessi, achitti wanta ani si abboome hundumaa godhi\*!

\*10 Iya 1:13; 21:44; Far 95:11

\*12 Lak 18:20

\*14 12:5; Iya 22:16

15 Garuu yeroodhuma garaan kee dharra'u hundumaa, kella mandaroota kee keessatti akkuma eebba Waaqayyo gooftaan kee siif kenneetti horii kee keessaa qalii foon nyaadhu, isas immoo akkuma nama foon kuruphee fi foon borofaa nyaatuutti, inni qullaa'aa ta'ee fi inni qullaa'aa hin ta'in haa nyaatu\*! <sup>16</sup>Dhiiga isaa garuu akkuma bishaanii lafatti gad naqi malee hin nyaatin\*! <sup>17</sup>Midhaan kee keessaa, cuunfaa waynii kee keessaa, dhadhaa ejersaa kee keessaa harka kurnaffaa isa baafu, saawwan kee keessaa, bushaayee kee keessaas isa angafa dhalatu yookiis wareega isa wareegde, aarsaa fedha keen dhi'eessitu, kenna addaa isa dhi'eessitu garuu kella mandara kee keessatti hin nyaatin! <sup>18</sup>Iddoo Waaqayyo gooftaan kee fo'atu sanatti

fuula Waaqayyo gooftaa kee duratti isa nyaadhu! Ati ilma kee, intala kee, hojjetaa kee, hojjettu kee, nama Lew-wii mandara kee keessa jiruu wajjin nyaadhu, waan hojjettu hundumaattis fuula Waaqayyo gooftaa kee duratti gammadi\*! <sup>19</sup> Biyya kee keessa hamma jiraattutti, warra Lewwootaa akka hin ganne of eeggadhu!

\*15 Lak 12:22

\*16 Lew 3:17; 17:10-14

\*18 14:23

20 Erga Waaqayyo gooftaan kee akkuma si abdachiisetti daarii biyya keetii siif bal'isee immoo, garaan kee foon nyaacbuu yommuu dharra'u, ati, "Amma foon nyaacbuu nan barbaada" in jetta; akkuma garaan kee dharra'ettis foon in nyaatta. <sup>21</sup> Iddoo Waaqayyo akka maqaan isaa itti waamuuf fo'atu si irraa yoo fagaate immoo kanaan dura akkuman si abboome, saawwan kee fi busbaayee kee warra Waaqayyo siif kenne keessaa tokkuma qaladhu! Kellaa mandara kee keessatti hamma garaan kee barbaade nyaadhu!

<sup>22</sup> Isas akkuma foon kuruphee fi foon borofaa nyaatamutti nyaadhu, inni qullaa'aa ta'ee fi inni qullaa'aa hin ta'in haa nyaatu\*! <sup>23</sup> Ati garuu dhiiga akka hin nyaanne hubadhu! Dhiigni lubbuu waan ta'eef, lubbuu foonii wajjin hin nyaatin\*! <sup>24</sup> Dhiiga akkuma bishaaniitti lafatti gad naqi malee hin nyaatin! <sup>25</sup> Ati ija Waaqayyoo duratti wanta qajeelaa yeroo hojjettu, siif, si booddeedhaanis ijoollee keetiif gaarii akka ta'uuf isa hin nyaatin! <sup>26</sup> Wanta qullaa'aa isa qabdu sanaaf aarsaa wareegde sana duwwaa fudhadhuutti gara iddoo isa Waaqayyo fo'atu sana dhaqi! <sup>27</sup> Aarsaa qalma gubamuu immoo foon isaa fi dhiiga isaa iddoo aarsaa isa kan Waaqayyo gooftaa keetii irratti dhi'eesi! Dhiigni aarsaa keetii iddoo aarsaa isa kan Waaqayyo gooftaa keetii irratti baa dhangalaafamu, foon isaa garuu ati nyaadhu! <sup>28</sup> Ammas ati ija Waaqayyo gooftaa keetii duratti waan gaarii fi waan qajeelaa yeroo hojjettu, siif, si booddeedhaanis ijoollee keetiif bara baraan gaarii akka ta'uuf, dubbiin amma si abboomu kana hundumaa of eeggadhuutti dhaggeeffadhu!

\*22 12:15

\*23 12:16

### Waaqayyolii Toffamoo Irraa Of Eeggachiisuu Isaa

<sup>29</sup> Waaqayyo gooftaan kee iddoo ati qabachuuf dhaqxu irraa, saba warra achi jiran fuula kee duraa raawwatec in balleessa; ati immoo biyya isaanii isaan irraa fudhattee keessa in jiraatta. <sup>30</sup> Erga isaan fuula kee duraa balleeffamanii booddee garuu, "Anis akkuma isaanii akkan godhuuf, sabni kun attamitti waaqayyolii isaaniif hojjechaa turan?" jettee waa'ee waaqayyolii isaanii iyyaafattee kiyyootti akka bin galleef of eeggadhu\*! <sup>31</sup> Isaan waanuma ciiggaasisaa waaqayyolii jibbu waaqayyolii isaaniif godhanii, ilmaan isaanii fi intaloota isaanii iyyuu ibidda keessa buusanii waaqayyolii isaaniif gubaniiru; ati garuu Waaqayyo gooftaa keef akkas hin godhin!

<sup>32</sup> Waanuma ani si abboome of eeggadhuutti godhi malee, isa irratti hin dabaln, isa irraas hin hir'isin!

\*30 Bau 23:24; His 20:32

### Waaqayyolii Kan Biraa Doukaa Akka Hin Buuneef Gorsuu Isaa

**13** <sup>1</sup> Raajiin yookiis namni abjuu abju'atu tokko isin gidduudhaa ka'ee milikkita yookiis dinqii yoo isinitti hime, <sup>2</sup> milikkinni yookiis dinqiin inni duraan isinitti hime fiixaan yoo ba'e, inni egaa, "Waaqayyolii kan biraa in waaqessina, in hojjennaafis" jedhee, warra isin dur bin beeknetti yoo isin geesse, <sup>3</sup> isin dubbii raajii sanaa yookiis namicha abjuu abju'atu sanaa hin dhaga'inaa! Waaqayyo gooftaan keessan akka isin garaa keessan guutuudhaan, yaada keessan guutuudhaanis isa jaallattan beekunhaaf qoree isin in ilaala. <sup>4</sup> Isin Waaqayyo gooftaa keessan duukaa bu'aa, isa sodaadhaa, abboommii isaa eegaa, sagalee isaa dhaga'aa, isaaf bojjedhaa, isattis maxxanaa\*! <sup>5</sup> Raajiin yookiis namichi abjuu abju'atu sun immoo Waaqayyo gooftaa keessan isa biyya Gibxii isin baase, mana garbummaa keessaa isin fure irratti akka kaatan, karaa akka isin irra adeemtaniiif Waaqayyo gooftaan keessan isin abboome irraas akka jal'attan waan godheef haa ajjeefamu! Akkasitti hamaa of gidduudhaa balleessaa!

\*4 4:29; 8:2

<sup>6</sup> Obboleessi kee haadhoon kee, ilmi kee, intalli kee, haati manaa kee jaallalleen kee yookiis firri kee inni ati akka lubbuu keetti jaallattu, "Kottu dhaqnee waaqayyolii kan biraatiif hojjenna" jedhee dhoksaatti si wallaalchisee, warra abboonni kee, atis bin beeknetti si geessee\*, <sup>7</sup> "Waaqayyolii saba warra sitti dhi'oo naannoo kee yookiis daarii lafaa gar tokko hamma gara kaaniitti sittiif fagoo jiraniif hojjenna" yoo jedhee, <sup>8</sup> ati isaaf tole hin jedhin, bin dhaggeeffatiniif, garaan kee isaaf bin oo'io, isa hin mararsiifatin, bin dhoksinis! <sup>9</sup> Isa ajjeesuudhaaf ati duraan dursi barka ol fudhadhu! Kana booddee immoo sabni hundinuu barka ol itti haa fudhatu! Ati akkasitti isa ajjeesi! <sup>10</sup> Inni Waaqayyo gooftaa kee isa biyya Gibxii mana garbummaa keessaa si baase irraa gara si galchuu waan yaadeef, ati dhagaadhaan rukutii isa ajjeesi\*! <sup>11</sup> Yommuu warri Israa'el hundinuu kana in dhaga'u, in sodaatus, isaan keessaas hamma akkasii namni tokko illee deebi'ee hin hojjetu\*.

\*6 18:20; 19:19; 1Qor 5:9,13

\*10 17:7; Yoh 8:7

\*11 21:21

<sup>12</sup> Mandaroota Waaqayyo gooftaan keessan akka isin keessa jiraattaniif isiniif kennu keessaa mandara isa tokko keessatti wanti tokko utuu dubbatamuu yoo dhageessan, <sup>13</sup> kunis namoonni ilmaan Belyaal ta'an tokko isin gidduudhaa ba'anii, "Kottaa dhaqnee waaqayyolii kan biraatiif hojjenna" jedhanii, warra isin dur hin beeknetti isin geessanii, namoota mandara isaanii sana karaa irraa yoo kaachisan, <sup>14</sup> wanti jibbiisaan akkasii kun isin gidduutti dhuguma hojjetameera yoo ta'e, iyyaafadhaa, qoraa, ba'eessa godhaa gaafadhaa! <sup>15</sup> Warra mandara sana keessa jiraatan hundumaa billaadhaan ajjeesaa! Saba sanaa fi horii isaanii hundumaa qara billaatiin raawwadhaa balleessaa! <sup>16</sup> Wanta mandaricha keessaa booji'ame hundumaa iddoo walga'ii mandarichaa walakkaatti walitti qabaatii, akka qalma gubamuutti Waaqayyo gooftaa keessan duratti mandarichaa wajjin ibiddaan gubaa! Inni gubame sunis bara hundumaaf tuulame haa taa'u malee deebi'ee hin ijaaramin\*. <sup>17</sup> Wanta abaarame kana

keessaa tokko illee barka keessan keessatti hin argamu yoo ta'e, Waaqayyo aarii isaa isa sodaachisaa irraa deebi'ee akkuma abboota keessaniif kakatetti araara isinitti in argisiisa, isiniif in oo'aa, isin in baay'isas. <sup>18</sup> Isin sagalee Waaqayyo gooftaa keessanii yoo dhageessan, abboommii isaa isa ani har'a isin abboomu kana hundumaas yoo eegdan, wanta ija Waaqayyo gooftaa keessanii duratti qajeelaa ta'es yoo hojjetan, inni immoo kana isiniif in godha.

\*16 20:16-18

### Amala Boo'icha Warra Kana'aan Irraa Dhowwamuu Isaaniif

**14** <sup>1</sup> Isin ijoollee Waaqayyo gooftaa keessanii ti; kanaaf warra du'aniif of hin murmurinaa, gubbee mataa keessaniis bin haaddatinaa\*! <sup>2</sup> Isin saba Waaqayyo gooftaa keessaniif qulqullooftanii dha; Waaqayyo saba dhuunfaa isaa akka taataniif, saba irra lafaa irra jiran hundumaa keessaa addumaan isin fo'ateera\*.

\*1 Lew 19:27-28; Er 47:5; His 7:18;

Kes 1:31

\*2 Bau 19:5

### Nyaata Qullaa'aa Ta'ee Fi Nyaata Qullaa'aa Hin Ta'in

(Lew 11:1-47)

<sup>3</sup> Ati wanta ciiggaasisaa tokko illee hin nyaatin! <sup>4</sup> Horii qe'ee fi wanta daggalatti galan keessaa kan ati nyaatu kanatti aananii jiru; saawwa, boolaa, reettii, <sup>5</sup> borofa, kuruphee, gaaf-torbo, bosonuu, qorkee, qelejje, hoolaa tulluu, <sup>6</sup> horii qe'ee fi wanta daggalatti galan keessaa isa kotteen isaa baqaqee lamatti hiramuu fi kan alala guuru hundumaa nyaachuu in dandeessa; <sup>7</sup> garuu warra alala guuranii, kotteen isaanii baqaqee keessaa iyyuu gaala, illeettii, osolees hin nyaatin! Isaan kun alala in guuru, garuu kotteen isaanii gargar bin hiramne; isaan si duratti xuraa'oo haa ta'an! <sup>8</sup> Boyyeen immoo kotteen isaa baqaqaa yoo ta'e iyyuu alala waan hin guurreef si duratti xuraa'aa haa ta'u! Foon isaanii hin nyaatin, raqa isaaniitti hin bu'in!

<sup>9</sup> Warra bishaaniitti galan hundumaa keessaa immoo kanatti aananii kan jiran nyaadhu! Waanuma waan akka

baallee fi qola qabu nyaadhu! <sup>10</sup>Waanuma waan akka baallee fi qola hin qabne immoo hin nyaatin! Inni si duratti xuraa'aa haa ta'u! <sup>11</sup>Simbirroo-  
taa fi allaattota warra akka qullaa'ootti  
ilaalaman hundumaa nyaadhu! <sup>12</sup>Warra  
kanatti aananii jiran immoo hin nyaat-  
in! Joobira, domboo, gogocoroon,  
<sup>13</sup>rumicha, foggii, culullee akka qomoo  
qomoo isaatti, <sup>14</sup>qurruu akka qomoo  
qomoo isaatti, <sup>15</sup>guchii, simbira eke-  
raa, allaattii bishaanii, corofee akka  
qomoo qomoo isaatti, <sup>16</sup>haadha onaa,  
hurunguu guddaa, indaanqoo bishaanii,  
<sup>17</sup>haadha waaqoo, allaattii raqaa, haad-  
ha quufoo, <sup>18</sup>allaattii hawaannisaa,  
huummoo, haadha gaayyee akka qo-  
moo qomoo isaatti, simbira halkaniis.

<sup>19</sup>Munyuqaan baallee qabu hun-  
dinuu si biratti xuraa'aa haa ta'u, isa  
hin nyaatin! <sup>20</sup>Uumama baallee qabu  
isa akka qullaa'aatti ilaalamu garuu  
nyaadhu! <sup>21</sup>Ati saba Waaqayyo goof-  
taa keetiif qulqulloofte waan taateef,  
ofiin-du'ii tokko illee hin nyaatin,  
galaan dallaa kee keessa jiru akka  
nyaatuuf isaaf kenni yookiis ormatti  
gurguradhu!

Ilmoo reettiin aannan haadha ishee-  
tiin hin affeelin\*.

\*3-20 Lew 11:1-19

\*21 Bau 22:30; 23:19; Lew 17:15

#### Kudhan Keessaa Tokko Baasuuf Seerri Kennamuu Isaa

<sup>22</sup>Ati dhugumaan wanta waggaa  
waggaatti lafa kee irraa galfattu hun-  
dumaa keessaa kudhan keessaa tokko  
baasuun si irra jira\*. <sup>23</sup>Ati guutummaa  
bara jireenya keetii Waaqayyoon goof-  
taa kee sodaachuu akka bartutti, ku-  
dhan keessaa tokko midhaan keetii,  
kan daadhii waynii keetii, kan dha-  
dhaa ejersaa keetii, isa saawwan kee  
fi bushaayee kee keessaa angafa dha-  
lates, iddoo Waaqayyo gooftaan kee  
maqaan isaa akka itti waamamuuf fo'a-  
tutti, fuula isaa duratti nyaadhu! <sup>24</sup>Yeroo  
Waaqayyo si eebbisuutti immoo kudhan  
keessaa tokkoo sana geesuudhaaf iddoon  
Waaqayyo gooftaan kee maqaan isaa  
akka itti waamamuuf fo'atu sun si irraa  
fagaatee karaan isaa yoo sitti dheerate,  
<sup>25</sup>ati horiitti isa callessi! Horichas  
gudunfii harkatti qabadhuu gara iddoo  
Waaqayyo goof-

taan kee fo'atu sanaa dhaqi! <sup>26</sup>Hori-  
chaanis wanta barbaadde, sangaa yoo-  
kiis hoolaa yookiis daadhii waynii  
yookiis dhugaatii cimaa, waanuma ga-  
raan kee kajelele bitii! Achitti ati fuula  
Waaqayyoo duratti isa nyaadhuutti  
gammadi! Warri mana keetiis fuula  
Waaqayyoo duratti isa nyaatanii haa  
gammadan\*! <sup>27</sup>Sanyii Lewwii isa kel-  
laa mandaroota kee keessa jiraatu, isa  
sii wajjin qooda yookiis dhaala hin  
hirmatiin immoo hin irraanfatin\*!

\*22 Lew 27:30

\*23 12:17-18; 15:19-23

\*26 12:7

\*27 12:12,19

<sup>28</sup>Dhuma waggama waggaa sadaf-  
faatti immoo wanta bara sana galfatte  
keessaa kudhan keessaa tokko hunduma  
fidiitii kellaamandaroota kee keessa  
kaa'ii\*! <sup>29</sup>Waaqayyo gooftaan kee waan  
hojjetu hundumaan akka si eebbisuutti,  
sanyiin Lewwii inni sii wajjin qooda  
yookiis dhaala hin hirmatiin, galaan,  
ijoolleen abbaan irra hin jirre, dubartiin  
abbaan manaa irraa du'e, warri kellaam-  
andaroota keetii keessa jiraatan dhufanii  
isa haa nyaatan, haa qufanis!

\*28 26:12-15; Lew 27:32-33

#### Waggaa Itti Gatiin Namaaf Dhiifamu (Lew 25:1-7)

**15** <sup>1</sup>Ati dhuma waggaa torbaffaa  
hundumaatti gatii namaaf dhiisi!  
<sup>2</sup>Akki itti gatii namaaf dhiisan kanatti  
fufee jira; gatiin akka namaaf dhiifamu  
Waaqayyo biraa labsiin waan himameef,  
namni obboleessa isaa nama Israa'el  
irraa gatii qabu, gatii sana haa dhiisuuf\*!  
<sup>3</sup>Gatii orma irraa qabdu garuu irraa  
fudhachuu in dandeessa; waan obboleessa  
kee irraa qabdu immoo dhiisiif\*! <sup>4</sup>Waaqayyo  
gooftaan kee biyya dhaala godhee siif  
kennu keessatti guddaa waan si eebbisuuf,  
sanyii kee keessatti dhabaan hin argamu.  
<sup>5</sup>Sagalee Waaqayyo gooftaa keetii ba'eessa  
gootee yoo dhaggeeffatte, abboomii isa  
ani har'a si abboomu kana hundumaas  
ba'eessa gootee yoo eegde, <sup>6</sup>Waaqayyo  
gooftaan kee akkuma si abdachiisetti si  
eebisuuf jira; ati saba baay'eedhaaf in  
liqeesita, ofii garuu hin liqeeffattu; ati

saba baay'ee irratti in moota, isaan  
garuu si irratti hin mo'an\*.

\*2 Nah 5:10; 10:32

\*3 23:19-20

\*6 28:12

<sup>7</sup>Obbuloota kee warra mandaroota  
biyya kee isa Waaqayyo gooftaan kee  
siif kennu keessa jiraatan keessaa inni  
tokko dhabaa yoo ta'e, garaa itti hin  
jabaatin yookiis harki kee obboleessa  
kee isa dhabaatti hiixachuu hin dhiis-  
sin\*! <sup>8</sup>Harka kee diriirsiif, wanta isa  
barbaachisu hamma ga'utti liqeesii\*!  
<sup>9</sup>Ati, "Waggaa torbaffaan inni itti liqii  
namaaf dhiisan dhi'aateera" jettee, ob-  
boleessa kee isa dhabaa ija hamaatiin  
akka hin ilaalleef, yaadni hamaan ga-  
raa kee keessatti akka hin arganneef  
of eeggadhu! Ati yoo waa isa dhow-  
wate, inni immoo Waaqayyotti si iy-  
yata, kunis cubbuu sitti in ta'a. <sup>10</sup>Ati  
yommuu isaaf kennitu gammachuu-  
dhaan isaaf kenni malee garaan kee hin  
micicin! Waaqayyo gooftaan kee im-  
moo hojii kee hundumaatti, waan har-  
kaan qabdu hundumaattis si eebbisa\*.  
<sup>11</sup>Namni deegaan biyya kee keessaa  
waan hin dhabanneef, obboleessa kee  
isa dhabaa fi deegaa biyya kee keessa  
jiruuf harka kee akka diriirsituuf sin  
abbooma\*.

\*7 1Yoh 3:17

\*8 Luq 6:34-35

\*10 2Qor 9:6-7

\*11 Mat 26:11; Yoh 12:8

#### Akka Itti Hojjetoota Luba Baasan (Bau 21:1-11)

<sup>12</sup>Sanyii warra Ibrootaa keessaa  
dhiirri tokko sitti of gurguree yookiis  
dubartiin tokko sitti of gurgurtee wag-  
gaa ja'a yoo siif hojjetee, waggaa torbaf-  
faatti akka birmaduutti gad dhiisi\*!  
<sup>13</sup>Yommuu akka birmaduutti gad dhiif-  
tu immoo harka duwwaa hin adeemsi-  
sin! <sup>14</sup>Waaqayyo gooftaan kee guddaa  
waan si eebbiseef ati immoo bushaayee  
kee keessaa, midhaan oobdii kee kees-  
saa, cuunfaa waynii kee keessaas isaaf  
kenni! <sup>15</sup>Ati takka biyya Gibxiitti gar-  
bicba akka tutte, Waaqayyo gooftaan  
kee immoo akka si fure yaadadhu! Ani  
kanaafan har'a isa kana si abbooma\*.  
<sup>16</sup>Inni immoo si bira taa'uun waan isatti  
toleef sii fi maatii kee waan jaallatuuf,  
"Ani si biraa hin adeemu" yoo siin

jedhe, <sup>17</sup>gara balbalaatti geessii mutaa-  
dhaan gurra isaa uri! Akkasitti inni  
guutummaa bara jireenya isaatti garbi-  
cha siif haa ta'u! Gurra garbittii kees  
immoo akkasuma godhi! <sup>18</sup>Yoo gad isa  
dhiifte garuu hojjetaan qacarame tokko  
waggaa ja'a kan siif hojjetu irra dachaa  
lama kan ta'u inni waan siif hojjeteeff,  
akka birmaduutti gad isa dhiisuun jabaa  
sitti hin fakkaatin! Waaqayyo gooftaan  
kee waan ati gootu hundumaatti si  
eebisa.

\*12 Er 34:14

\*15 5:15

#### Angafa Horti Waaqayyoo Addaan Baasu

<sup>19</sup>Saawwan kee keessaa korom-  
mii, bushaayee kee keessaa korbecy-  
yii warra angafa dhalatan Waaqayyo  
gooftaa keetiif addaan baasi! Korom-  
mii angafa dhalataniin hin qotin! Kor-  
becyyii angafa dhalatan rifeensa isaa-  
nii hin murin\*! <sup>20</sup>Iddoo Waaqayyo  
fo'atutti atii fi maatiin kee fuula  
Waaqayyo gooftaa keetii duratti wag-  
gaa waggaatti isaan in nyaattu\*!  
<sup>21</sup>Garuu horiin tokko mudaa yoo qaba-  
ate, hokkolaa yookiis jaamaa yoo  
ta'e, hir'ina guddaa yoo qabaate,  
Waaqayyo gooftaa keetiif aarsaa hin  
dhi'eessin\*! <sup>22</sup>Horii akkasii kana dal-  
laa mandara kee keessatti nyaadhu!  
Inni qullaa'aa hin ta'in, inni qullaa'aa  
ta'es akkuma foon kuruphee fi foon  
borofaa nyaatanitti walumaa wajjin  
haa nyaatan\*! <sup>23</sup>Dhiiga isaa garuu  
akkuma bishaanii lafatti gad naqi  
malee hin nyaatin\*!

\*19 Bau 13:12-16

\*20 14:23

\*21 Lew 22:20

\*22 12:15,22

\*23 Lew 17:10-14; Kes 12:16

#### Ayyaana Faasiikaa Akka Ayyaaneeffatan Godhamuu Isaa (Bau 12:1-20)

**16** <sup>1</sup>Ati ji'a Abiib yaadadhu! Waa-  
qayyo gooftaan kee ji'a Abii-  
bitti halkaniin biyya Gibxii keessaa  
waan si baaseef ayyaana Faasiikaa  
Waaqayyo gooftaa keetiif ayyaanessi\*!  
<sup>2</sup>Iddoo Waaqayyo maqaan isaa akka  
itti waamamuuf fo'atu sanatti, ati bu-  
shaayee keessaa yookiis saawwan  
keessaa aarsaa Faasiikaa Waaqayyo

gooftaa keetiif dhi'eessi\*! <sup>3</sup>Isas buddeena bukaa'aa wajjin hin nyaatin! Ati ariitiidhaan biyya Gibxii keessaa waan baateef, guutummaa bara jireenya keettis guyyaa itti biyya Gibxi keessaa baate sana akka yaadattuuf guyyaa torba maxinoo wajjin nyaadhu! Innis buddeena rakkinnaa ti\*. <sup>4</sup>Guyyoota torban sana raacitiin tokko illee guutummaa biyya keeti keessatti hin argamin! Foon ati guyyaa duraa galgala aarsaa dhi'eessite irraas guutummaa halkan sanaa irraa hafee hamma ganamaatti hin turin! <sup>5</sup>Aarsaa Faasiikaa, mandaroota Waaqayyo gooftaan kee siif kennu keessaa tokko keessatti iyyuu hin dhi'eessin! <sup>6</sup>Iddoo Waaqayyo gooftaan kee maqaan isaa akka itti waamamuuf fo'atu sanatti garuu, aarsaa Faasiikaa sana, galgala yeroo aduun lixxu, yeroo itti biyya Gibxii baatetti dhi'eessi! <sup>7</sup>Iddoo Waaqayyo gooftaan kee fo'atu sanatti isa affeelii nyaadhu! Ganama immoo deebi'ii godoo keetti gali! <sup>8</sup>Guyyoota ja'a maxinoo nyaadhu! Guyyaa torbaffaatti immoo Waaqayyo gooftaa keetiif walga'iin ulfina-qabeessi haa godhamu! Guyyaa sanatti hojii hin hojjetin!

\*1 Bau 13:4

\*2 12:5-6

\*3 Bau 12:34,39

### Akka Itti Ayyaana Makarii Ayyaanessan

(Bau 34:22; Lew 23:15-21,33-43)

<sup>9</sup>Haamaadhaaf guyyaa haamtuu midhaan irra keessee jalqabiitii torban torba lakkaa'ii! <sup>10</sup>Akkuma eebba Waaqayyo gooftaa kee irraa argatteettis, aarsaa jaalala keetiin dhi'eessitu kennuudhaan Waaqayyo gooftaa keetiif ayyaaneffadhu\*! <sup>11</sup>Ati, ilmi kee, intalli kee, hojjetaan kee, hojjetuun kee, sanyiin Lewwii warri kella mandaroota kee keessa jiraatan, galaan, ijoolleen abbaan irra bin jirre, dubartiin abbaan manaa irraa du'e isin gidduu kan jiraatanis iddoo Waaqayyo gooftaan kee maqaan isaa akka itti waamamuuf fo'a-tetti, Waaqayyo gooftaa kee duratti walii wajjin gammadaa\*! <sup>12</sup>Atis biyya Gibxiitti garba akka turte yaadadhu! Seerrata kanas gaarii godhii eegi\*!

\*9-10 Bau 34:22

\*11 12:7; 10:18-19

\*12 5:15

<sup>13</sup>Yeroo midhaan kee oobdii irraa, waynii kees lafa cuunfaa isaatii galfattu ayyaana Gordommaa guyyaa torba ayyaanefadhu! <sup>14</sup>Ayyaanefadhu kee ka-nattis, ati, ilmi kee, intalli kee, hojjetaan kee, hojjetuun kee, sanyiin Lewwii, galaan, ijoolleen abbaan irra hin jirree fi dubartiin abbaan manaa irraa du'e warri kella mandaroota kee keessa jiraatanis, walii wajjin itti gammadaa\*! <sup>15</sup>Ati dhugumaan akka gammaddutti, Waaqayyo gooftaan kee waan ati galfattuun, hojii barka kee hundumaanis waan si eebbi-suuf, iddoo inni fo'atu sanatti ayyaanicha Waaqayyo gooftaa keef guyyaa torba ayyaanefadhu!

\*14 12:7; 10:18-19

<sup>16</sup>Dhiironni kee hundinuu iddoo Waaqayyo fo'atu sanatti, waggaatti si'a sadii, ayyaana Maxinootti, ayyaana Makariitti, ayyaana Gordommaattis fuula Waaqayyo gooftaa keeti duratti haa argaman! Isaan harka isaanii duw-waa Waaqayyo duratti hin dhi'atiin\*! <sup>17</sup>Akka eebba Waaqayyo gooftaan kee siif kenneetti, namni adduma addaan hamma danda'u haa kennu!

\*16 12:5

### Abboota Firdii Akka Kaafataniif Gorsuu Isaa

<sup>18</sup>Kellaa mandaroota kee warra Waaqayyo gooftaan kee siif kennu hundumaa keessatti akka gosa gosa keetiitti abboota firdii fi geggeessitoota hojii irra dhaabi! Isaan saba sanaaf firdii qajeelaa haa keenan\*! <sup>19</sup>Firdii hin jal'isiin, hin loogin! Gabbarsuun ija warra ogeeyyii jaamsee, dubbii warra qajeelotaas waan micciiruuf, gabbarsuu hin fudhatan\*! <sup>20</sup>Ati akka jiraatuuf, biyya Waaqayyo gooftaan kee siif kennus akka dhaaltuuf, firdii isa dhugaa duukaa bu'ii\*!

\*18 1:16-18; Lak 11:16; Kes 25:1-3

\*19 Bau 23:1-3,6-8; 1Sam 8:3

\*20 4:1

<sup>21</sup>Iddoo aarsaa Waaqayyo gooftaa keetiif hojjetu bukkeetti, mukkeetii jalatti sagadan isa akka kan waaqay-yittii tolfamtuu sanaa hin dhaabin\*! <sup>22</sup>Utuboota dhagaa warra Waaqayyo gooftaan kee jibbus hin dhaabin\*!

\*21 7:5; 2Mat 23:4; Bau 34:13

\*22 Lew 26:1

### Wanta Ciiggaasisaa Fuula Waaqayyoo Duraa Akka Fageessan Gorsuu Isaa

**17** <sup>1</sup>Waaqayyo gooftaa kee duratti ciigga'amaa waan ta'eef, ati korma yookiis korbeessa mudaa yookiis karaa tokkoon illee hir'ina qabu Waaqayyo gooftaa keetiif aarsaa hin dhi'eessin\*!

\*1 Lew 22:20; Mil 1:6-9

<sup>2</sup>Dubiiri yookiis dubartiin si gidduudhaa, mandaroota Waaqayyo gooftaan kee siif kennu keessaa kakuu cabsuudhaan, ija Waaqayyo gooftaa keeti duratti hamaa hojjetu yoo argame, <sup>3</sup>abboomii koo didee waaqayyolii kan biraaf yoo hojjete, yoo isaaniif sagades aduudhaaf yookiis ji'aaf yookiis macca waaqa keessaa tokkoof iyyuu yoo sagade\*, <sup>4</sup>dubbiin kunis yoo sitti himame, ba'eessa godhii qori, wanti ciiggaasisaan kun Israa'el keessatti ta'uun isaa dhugaa yoo ta'e, <sup>5</sup>dhiira yookiis dubarti nama wanta hamaa kana hojjete, gara karra mandarichaatti geessitti dhagaadhaan rukutii ajjeesi\*! <sup>6</sup>Inni ajjeefamu sun namni lama yookiis namni sadii yoo isa irratti dhugaa ba'an ajjeefama malee, dhugaa ba'uu nama tokkootiin hin ajjeefamu\*. <sup>7</sup>Isa ajjeesuudhaaf immoo barka warra dhuga-baatotaatu dura dhagaa itti darbata, kana booddee immoo harka namoota hundumaatu itti darbata; akkasitti hamaa of gidduudhaa in balleessitu\*.

\*3-4:19

\*5 Lew 24:14

\*6 19:15; Lak 35:30; Mat 18:16; 2Qar 13:1;

1Xim 5:19; Ibr 10:28

\*7 13:6,10; 1Qar 5:13

### Iddoo Firdiin Itti Kennamu Akka Dhaqan Abboomuu Isaa

<sup>8</sup>Dubbiin dhiiga dhangalaasuu, waa'een qabeenya namaa, waa'een rukutanii nama miidhuu si gidduutti ka'ee yaa'ii karra mandaraatti yommuu dhi'aatu, ati immoo murtoo itti kennuu yeroo dadhabuu, iddoo Waaqayyo gooftaan kee fo'atutti geessi! <sup>9</sup>Lewwoota warra lubootaa fi abbaa firdii warra yeroo sana firdii kennuudhaaf hojii irra jiran bira dhaqiitii isaan gaafadhu! Yommuus isaan firdicha sitti in himu\*. <sup>10</sup>Atis waan isaan

iddoo Waaqayyo fo'atu sanatti sitti himan godhi! Waan isaan jedhan hundumaas ba'eessa godhii eegi! <sup>11</sup>Akka seera isaan si barsiisanii fi murtoo isaan kennaniitti bojjedbu malee, isa irraa gara mirgaatti, gara bitaattis hin jal'atin! <sup>12</sup>Namni tokko luba yookiis abbaa firdii isa Waaqayyo gooftaa keef hojjechuudhaaf achi dhaabatuuf dhaga'uu didee yoo tuffate haa ajjeefamu! Ati Israa'el keessaa wanta hamaa balleessi\*! <sup>13</sup>Jarri hundinuu kana in dhaga'u, in sodaatu, deebi'anii tuffachuu irraas of in eeggatu.

\*9 21:5; 24:8; 31:9; 2Sen 19:8-11

\*12 13:5

### Akka Itti Mootii Moosifatan Gorsuu Isaa

<sup>14</sup>Biyya Waaqayyo gooftaan kee siif kennutti galtee laficha qabattee isa keessa erga teessee booddee, "Akka saba naannoo koo jiran hundumaa mootii of irratti nan moosifadha" in jetta ta'a\*; <sup>15</sup>obooloota kee keessaa mootii isa Waaqayyo gooftaan kee fo'atu of irratti moosisi malee, nama ormaa isa obboleessa kee hin ta'in of irratti hin moosisin! <sup>16</sup>Mootichis fardeen hin baay'ifatin! Waaqayyo, "Karaa kanaan lammaffaa hin deebi'inaa" erga jedhee, akka namootni biyya Gibxii dhaqanii fardeen baay'ifatanis hin godhin\*! <sup>17</sup>Yaadni isaa karaa irraa akka hin jal'annetti, dubartoota hin baay'ifatin, meetii fi warqee baay'ee hin tuullatin\*!

\*14 1Sam 8:5-9

\*16 1Mot 10:26-29; Isa 31:1-3; His 17:15; Kes 28:68

\*17 1Mot 11:1-8; 2Sen 1:15; 9:27

<sup>18</sup>Mootichi moosifamee teessoo irra yommuu ta'u, macaafa seera isa Lewwoota warra luboota bira jiru irraa waraqata maramu irratti haa caafsifatu\*! <sup>19</sup>Kun Waaqayyoon gooftaa isaa sodaachuu akka inni ittiin baruuf dubbii seera kanaa fi seerrata kanaa hundumaa akka ittiin eeguuf isa bira haa ta'u! Inni bara jireenya isaa hundumaatti isa-haa dubbisu\*! <sup>20</sup>Inni garaa isaa keessatti innii fi sanyiin isaa Israa'el irratti bara dheeraa akka mo'aniif, obooloota isaa gararraati of lakkaa'ee, abboommicba irraas gara

mirgaatti yookiis gara bitaatti akka hin jal'annetti isa haa dubbisu!

\*18 17:9

\*19 2Mot 23:1-3

### Warri Lewwootaa Aarsaa Keessaa Qooda Qabaachuu Isaaniil

**18** <sup>1</sup>Lewwoonni warri luboonni kana jechuunis guutummaan gosa Lewwii aarsaa gubamu isa akka qooda Waaqayyooti dhi'atu sana haa nyaatan malee, gosa Israa'el warra kaanii wajjin qooda yookiis dhaala hin hirmatin\*! <sup>2</sup>Akkuma Waaqayyo isaan abdachiisetti inni ofii isaatii dhaala isaanii ti; kanaaf isaan obboloota isaanii gidduudbaa dhaala hin qaban. <sup>3</sup>Namoonni warri korma yookiis hoolaa aarsaa dhi'eessan, harka, mangaagaa lamaan, mi'a garaas lubaaf haa kennan! Kun qooda lubni saba irraa argatu haa ta'u\*! <sup>4</sup>Ija midhaan keetii keessaa, kan waynii keetii keessaa, dhadhaa ejersaa kee keessaas isa duraa, rifeensa hoolaa keetii keessaas isa duraa isaanii in kennita\*. <sup>5</sup>Waaqayyo gooftaan kee gosa kee hundumaa keessaa Lewwiin fi ijoolleen isaa bara hundumaa dhaabatanii maqaa isaatiin akka hojjetaniif isaan fo'ate.

\*1 10:9; Lak 18:8-20; 1Sam 2:28; 1Qor 9:13

\*3 Lew 7:33-36

\*4 Bau 23:19

<sup>6</sup>Namni Lewwii mandaroota guutummaa Israa'el keessaa isa tokko keessa jiraatu garaa isaa hundumaan hawwee, ba'ee gara iddoo isa Waaqayyo fo'atu sana yoo dhufe, <sup>7</sup>inni akkuma Lewwoota obboloota isaa warra Waaqayyoofo hojjechuudhaaf achi isa dura dhaabatanii, maqaa Waaqayyo gooftaa isaatiin hojjechuu in danda'a. <sup>8</sup>Inni dhaala abbaa isaatii isa gurgurame keessaa isa argatu irratti iyyuu, nyaata warra kaanii wajjin wal qixxee haa hirmatu!

### Amala Ciigga'amaa Irraa Of Eggachlisuu Isaa

<sup>9</sup>Isin biyya Waaqayyo gooftaan keessan isiniif kennutti yeroo galan, wanta ciiggaasisaa sabni warri sun amala godhatan duukaa bu'uu hin barinaa\*! <sup>10</sup>Namni ilma isaa yookiis intala isaa aarsaa gubamuuf dhi'eessu,

namni hooda dubbatu, namni duumessa ilaalee ayyaana hedu, beekaan, namni qoricha namatti godhus tokko illee si keessatti hin argamin\*! <sup>11</sup>Namni nama dawweessu, namni ekeraa dubbisu, qaalluuu yookiis namni warra du'an waamu si keessatti hin argamin\*! <sup>12</sup>Eenyu illee kana yoo godhe Waaqayyo duratti ciigga'amaa in ta'a; sababii hojii ciigga'amaa akkasiiif Waaqayyo gooftaan kee saba warra kaan oofee fuula kee duraa in baasa. <sup>13</sup>Kanaaf ati Waaqayyo gooftaa kee duratti mudaa kan hin qabne ta'i\*!

\*9 Lew 18:3

\*10 Lew 18:21; 19:26,31; 2Mot 17:17; 21:6

\*11 Lew 20:27; 1Sam 28:3-20; Lew 19:31

\*13 Mat 5:48; Uma 6:9; 17:1

### Raajil Isaaniif Akka Kaasu Abdachiisuu Isaa

<sup>14</sup>Sabni warri isin achii baasuuf jettan, wanta warri duumessa ilaalanii ayyaana hedanii fi warri hooda dubbatan jedhan in dhaga'u; garuu Waaqayyo gooftaan keessan isin akkas akka hin gooneef isin dhowweera.

<sup>15</sup>Waaqayyo gooftaan keessan isin gidduudhaa, obboloota keessan keessaa, raajii akka kootii isiniif in kaasa; isin isaaf dhaga'aa\*! <sup>16</sup>Kun hundinuu akka fedha keessanii isa isin guyyaa walga'ii sana tulluu Siinaatti, "Nuyi akka hin dhumnetti, deebinee sagalee Waaqayyo gooftaa keenyaa akka hin dhageenye, ibidda guddaa kanas deebinee akka hin argine nuuf godhi!" jettanii Waaqayyoon gooftaa keessan kadhattanii dha\*. <sup>17</sup>Gaafas Waaqayyo anatti in dubbate; inni, "Wanti isaan dubbatan kun ba'eessa. <sup>18</sup>Ani raajii akka keetii obboloota isaanii keessaa isaaniiif nan kaasa; dubbii koo afaan isaa keessa nan kaa'a, inni immoo wanta ani isa abboome hundumaa isaanitti in hima\*. <sup>19</sup>Egaa eenyu illee dubbii koo isa inni maqaa kootiin dubbatu kana dhaga'uu yoo dide, gatii isaa in argata\*. <sup>20</sup>Raajiin utuu ani dubbachuudhaaf isa hin abboomin dubbii tokko maqaa kootiin waan dubbatu kan fakkeessu yookiis maqaa waaqayyolii warra kaaniitiin kan dubbatu haa ajjeefamu!" jedhe\*. <sup>21</sup>Isin immoo garaa keessanitti, "Dubbii isa Waaqayyo hin dubbatin sana attamitti beekuu

dandeenya?" yoo jettan, <sup>22</sup>raajiin tokko maqaa Waaqayyootiin erga dubbattee booddee, dubbichi yoo raawwata-mun yookiis dhugaa ta'uu dhaabaate, dubbichi isa Waaqayyo hin dubbatinii dha; raajichi kana ta'inaanadhaan waan dubbateef isa hin sodaatinaa\*!

\*15 Lak 12:6-8; Yoh 1:45; 6:14; 7:40;

HoE 3:22; 7:37

\*16 Bau 20:19; Ibr 12:19

\*18 Bau 4:12; Isa 6:8; 51:16; 59:21; Er 1:9;

His 3:1-4; Mat 10:19

\*19 HoE 3:23

\*20 13:1-5; Er 14:13-15

\*22 Er 28:7-9

### Mandaroota Itti Kooluu Galan

(Lak 35:9-28; Iya 20:1-9)

**19** <sup>1</sup>Waaqayyo gooftaan kee saba lafa irraa warra inni ofii isaatii biyya isaanii siif kennu yommuu balleessu, ati immoo biyyicha isaan irraa fudhattee, mandaroota isaanii fi manneetii isaanii keessa yommuu teessu, <sup>2</sup>biyya Waaqayyo gooftaan kee akka ati qabattuuf siif kennu keessaa mandaroota kutaa kutaa biyyichaa gidduu jiran sadii addaan baasi\*! <sup>3</sup>Namni nama ajjeese tokko achitti akka kooluu galuuf, biyya Waaqayyo gooftaan kee akka ati dhaaltuuf siif kennutti karaa baasisiitti biyyicha iddoo sadiitti hiri!

\*2 4:41-43

<sup>4</sup>Seerri namni utuu hin beekin yookiis haaloo utuu irraa hin qabaatin nama tokko yommuu ajjeesu baqatee ittiin du'a ooluu danda'u kanatti fufee jira. <sup>5</sup>Namni tokko muka muruudhaaf namaa wajjin caakkaa lixee, muka muruudhaaf qottoo yommuu ol fudhatu qottichi mukattii buqqa'ee namicha isaa wajjin dhaqe rukutee yoo ajjeese, inni ajjeese sun mandaroota sana keessaa gara isa tokkootti kooluu haa galu! <sup>6</sup>Kanaa achi mandarii kooluu itti galan sun irraa fagoo yoo ta'e, inni duraan namicha irraa haaloo utuu hin qabaatin waan ajjeeseef, du'uun kan isa irra hin jirre yoo ta'e iyyuu, utuu inni achi hin ga'in inni gunaa baafachuudhaaf barbaadu sun yommuu garaan isaa aaru duukaa bu'ee qaqqabee isa in ajjeesa ta'a; <sup>7</sup>kanaafan, "Mandaroota sadii addaan baasi!" jedhee si abboome.

<sup>8</sup>Waaqayyo gooftaan kee biyya isa, "Isiniifan kenna" jedhee abboota kee kakuudhaan abdachiise hundumaa siif

kennet daarii biyya keetii yoo siif bal'ise, <sup>9</sup>ati abboommii isa inni har'a si abboota kana hundumaa yoo eegde, Waaqayyoon gooftaa kees yoo jaallatte, guyyaa hundumaa karaa isaa irra yoo adeemte, mandaroota dur addaan baafte sanatti mandaroota kan biraa sadii dabaltee addaan in baafte. <sup>10</sup>Biyya Waaqayyo gooftaan kee dhaalaaf siif kennu keessatti dhiigni nama balleessaa hin qabnee akka hin dhangalaanetti, dhiigni dhangala'u kunis si irraa akka hin barbaadamnetti kana godhi!

<sup>11</sup>Garuu namni tokko nama baaloo irraa qabu tokko riphee eeggatee, rukutee ajjeese mandaroota sana keessaa isa tokkotti yoo baqate, <sup>12</sup>maanguddoonni mandara isaatii erganii isa fi chisiisanii akka inni du'uuf dabarsanii harka isa gumaa baafachuudhaaf barbaadu sanaatti haa kennan! <sup>13</sup>Garaan kee isaaf hin oo'in! Israa'el keessatti dhiigni nama balleessaa hin qabnee akka hin dhangalaane in goota, gaariis siif in ta'a\*.

\*13 13:9; 21:8-9

<sup>14</sup>Biyya Waaqayyo gooftaan kee akka ati qabattet dhaaltuuf siif kennu keessatti dhagaa daarii ollaa keetii isa warri si dura turan dhaabaniif duraa hin buqqisnu\*!

\*14 27:17

### Firdii Kennuudhaaf Dhuga-Baatonni Barbaachisuu Isaaniil

<sup>15</sup>"Namni tokko in yakke yookiis cubbuu hojjete" jedhamee yoo hammeeffame, afaan dhuga-baatota lamaa yookiis sadiitiin malee afaan nama tokkootiin itti hin ragga'u\*. <sup>16</sup>Namni sobaan dhugaa ba'u tokko ka'ee nama tokko sobaan yoo hadheesse, <sup>17</sup>jarri wal hammeessan sun lamaan fuula Waaqayyoo, fuula lubootaa fi abboota firdii bara sanaa duratti haa dhi'aatan! <sup>18</sup>Abboonni firdiis ba'eessa godhanii dubbicha haa qoran! Egaa namichi sobaan dhugaa ba'u sun obboleessa isaa irratti sobaan dhugaa ba'uun isaa yoo tubatame, <sup>19</sup>wanta inni obboleessa isaa irratti hojjechiisuuf yaade sana isa irratti raawwadhu! Isin akkasitti hamaa of gidduudhaa balleessaa! <sup>20</sup>Namoonni warri hafan kana in dhaga'u, in sodaatu, deebi'aniis wanta hamaa akkasii hin

hojjetan. <sup>21</sup>Qooda lubbuu lubbuun, qooda ilkaanii ilkaan, qooda harkaa harki, qooda miillaa miilli ijaa haa baafamu malee hin oo'iniif!

<sup>15</sup> 17:6; <sup>16</sup> Lak 35:30; <sup>17</sup> Yoh 8:17; <sup>18</sup> 2Qor 13:1; <sup>19</sup> Ibr 10:28; <sup>20</sup> Mat 18:16

<sup>21</sup> Bau 21:23-25; <sup>22</sup> Lew 24:19-20; <sup>23</sup> Mat 5:38

### Akka Itti Duulatti Adeeman

**20** <sup>1</sup>Waaqayyo gooftaan kee inni biyya Gibxii ol si baase sii wajjin waan jiruuf, ati diina keetti duuluudhaaf baatee, fardeenii fi konkolaattota loltuu kan kee caalaa guddatus yeroo argitu, isaan hin sodaatin! <sup>2</sup>Bakke lola sanatti yeroo dhi'aattanis, lubichi gara fuula duraatti ba'ee, loltuu keessanitti baa dubbatu! <sup>3</sup>Inni yommuu, "Yaa namoota Israa'el dhaga'aa! Isin bar'a diinota keessanii wajjin wal loluuf dhi'aattaniituu, egaa isaan duratti laphee hin laafinaa, bin sodaatinaa, hin rom'inaa, hin na'inaas! <sup>4</sup>Inni isin oolchuudhaaf isin dura adeemee diinota keessan lolu Waaqayyo gooftaa keessan" haa jedhu! <sup>5</sup>Kana booddee warri hojii geggeessan immoo jaraan, "Isin keessaa namni mana haaraa ijaaree eebbisiifatee itti hin galin jiraa? Inni lola keessatti du'ee namni kan biraa akka eebbisiifatee itti hin galletti, gara mana isaatti baa deebi'u! <sup>6</sup>Namni waynii dhaabbatee ija isaa irraa hin nyaatin jiraa? Inni lola keessatti du'ee namni kan biraa ija isaa akka hin nyaannetti, gara mana isaatti haa deebi'u! <sup>7</sup>Namni durba haasa'atee hin fuudhin jiru jiraa? Inni lola keessatti du'ee namni kan biraa ishee akka hin fuunetti, gara mana isaatti haa deebi'u" haa jedhan! <sup>8</sup>Warri hojii geggeessan ammas jaraan, "Namni sodaatu yookiis laphe-laafessi jiraa? Garaan hiriyoota isaa warra kaaniis akka kan isaatii bishaan akka hin taanetti, inni gara mana isaatti haa deebi'u" haa jedhan! <sup>9</sup>Warri hojii geggeessan kana jaratti dubbachuu yommuu raawwatan, angafooni loltuu jara dura adeeman hojii irra baa dhaabaman!

<sup>7</sup> 24:5

<sup>8</sup> Abo 7:3

<sup>10</sup> Ati mandara tokkotti duultee yeroo itti dhi'aattu, dura dhaamsa nagaa itti dhaami! <sup>11</sup>Isaan deebii nagaa siif

deebisanii karra isaanii yoo siif banan, namoonni achi keessatti argaman hundinuu hojii humnaa siif baa hojjetan!

<sup>12</sup> Sii wajjin nagaa buusuu didanii, yoo si lolan garuu, ati mandarichatti marsi!

<sup>13</sup> Waaqayyo gooftaan kee mandarichaa harka kee keessa yeroo buusutti, achi keessaa dhiira kan ta'e hundumaa bilaadhaan rukuti! <sup>14</sup> Dubartoota, ijoollee, horii qe'ee, wanta mandara sana keessa jiru hundumaa, wanta booji'amu guutummaatti ofii keetiif qabahu! Diina kee irraa wanta booji'ame isa Waaqayyo gooftaan kee siif kennes nyaadhu! <sup>15</sup> Mandaroota si irraa fagoo warra kan saba sitti dhi'oo jiran kanaa bin ta'in hundumaas akkasuma godhi\*!

<sup>13-15</sup> Lak 31:7,9; <sup>16</sup> Kes 3:6-7

<sup>16</sup> Haa ta'u iyyuu malee, mandaroota saba warra kanaa warra Waaqayyo gooftaan kee dhaala siif kennu keessatti, wanta lubbuu qabu tokko illee fayyaatti hin hambisin! <sup>17</sup> Warra Heetotaa, Amoorotaa, Kana'anoataa, Pherizotaa, Hiiwotaa fi Yibusootaa immoo akkuma Waaqayyo gooftaan kee si abbootetti raawwadhuu isaan balleessi! <sup>18</sup> Kanaa achi wanta ciiggaasissaa isa yeroo waaqayyolii isaanii sagadan bojjetan sana duukaa bu'uu si barsiisu, atis Waaqayyo gooftaa kee duratti cubbuu in bojjetta\*.

<sup>16-18</sup> Lak 21:1-3; <sup>19</sup> Iya 10:40

<sup>19</sup> Ati mandara tokko qabachuu-dhaaf itti duultee, yeroo dheeraadhaaf isatti yoo marsite, mukkeetii mandara sanaa murtee hin balleessin! Ija isaanii nyaachuu in dandeessaatii gad bin cirin! Mukkeetiin sun namoota warra ati itti marsitee eeggatu sana miti. <sup>20</sup> Mukkeetii warra iji isaanii akka hin nyaatamne ati beektu duwwaa achii kaasuu in dandeessa; warra akkasii immoo hamma mandarii sii wajjin wal lolu sun kufutti, hojii marsaadhaaf barbaaddu akka ittiin ijaartuuf murmuuri!

### Gumaa Hin Beekameef Waaqayyoon Araara Kadhachuu Isaanii

**21** <sup>1</sup> Biyya Waaqayyo gooftaan kee akka ati qabattuuf siif kennu keessatti namni tokko ajjeefamee reeffi isaa bakkeetti yoo argame, namni isa ajjeeses yoo wallaalame, <sup>2</sup> maanguddoonnii keessanii fi abboonni firdii

keessan gad ba'anii, fageenya iddoo reeffi namichaa itti argamee fi mandaroota naanna'aa sanaa gidduu jiru haa safaran! <sup>3</sup> Maanguddoonni mandara isa iddoo reeffi namichaa jirutti caalaa dhi'aatu keessaa dhufan goromsa hin qabamin, waanjoonis kan irra hin ga'in fuudhanii, <sup>4</sup> dachaa bishaan yaa'u qabu isa lasti isaa utuu hin qotamin, midhaanis utuu itti hin facaafamin hafetti gad geessanii dachicha keessatti saggoo haa kutan! <sup>5</sup> Sanyiin Lewwootaa warri lubbooni warri Waaqayyo gooftaan kee akka isaaf bojjetanii fi maqaa isaatiin akka eebbisiif, wal diduun yookiis wal rukutuun hundinuu dubbii afaan isaaniitiin murtoo akka argatuuf isaan fo'ate gara fuula duraatti haa dhi'aatan\*! <sup>6</sup> Maanguddoonni mandara iddoo reeffi namicha isa ajjeefamee itti argame sanaatti dhi'oo jiran hundinuu goromsa dachaa keessatti saggoo ishee kuame sana irratti barka isaanii haa dhiqatan\*! <sup>7</sup> Isaan harka isaanii yommuu dhiqatan, "Harki keenya dhiiga kana hin dhangalaafne, iji keenyas nama isa dhangalaase hin argine. <sup>8</sup> Yaa Waaqayyo, Israa'el saba kee isa furtetti araara argisiisi, dhiiga nama balleessaa hin qabnee kana Israa'el saba keetti hin lakkaa'in!" in jedhu; akka-sitti dhiiga isa dhangala'eef dhiifamuun isaaniif in ta'a. <sup>9</sup> Wanta ija Waaqayyoo duratti qajeelaa ta'e yoo gootan, yakka isa dhiiga nama balleessaa hin qabnee dhangalaasuudhaan ta'u of gidduudhaa in balleessitu\*.

<sup>5</sup> 17:8-9

<sup>6</sup> Far 26:6; <sup>7</sup> Mat 27:24-25

<sup>9</sup> 19:13; <sup>10</sup> Lak 35:33

### Dubartoota Booji'aman Keessaa Nitii Fuudhuu

<sup>10</sup> Ati diinota keetti yommuu duultu, Waaqayyo gooftaan kees harka kee keessa isaan buusee yommuu isaan boojitu, <sup>11</sup> warra boojite sana keessaa dubartii miidhagduu tokko argitee, ishee fuudhuu yoo feete, <sup>12</sup> gara mana keetti ishee galchi! Isheen mataa ishee haa haaddattu, qeensa isbees haa qorattu! <sup>13</sup> Uffata isa yeroo booji'ante uffattu sana ofitti baaftee mana kee teessee abbaa isheetii fi haadha isheetii jii'a tokko guutuu haa gadditu! Kana booddees ishee bira

ga'ii abbaa manaa isheedhaaf ta'ii! Isheen baadha manaa siif haa taatu! <sup>14</sup> Isheen yoo sitti toluu didde immoo iddoo barbaadde haa dhaqxu gad ishee dhiisi malee, sababii ishee yeellaasifteef akka garbitiitti lakkooftee ishee hin gurguratin!

### Dhaala Ilmi Angafu Argachuun Ta'u

<sup>15</sup> Namni tokko haadha manaa lama qabaatee, ishee tokko jaallatee, ishee kaan immoo yoo jaallachuu dhaabaate, lachuu isaanii, isheen inni jaallatu, isbeen inni hin jaallannee ijoollee godhataniifii, ilmi inni angafni immoo kan ishee inni hin jaallannee yoo ta'e, <sup>16</sup> namichi sun gaafa ilma isaatiif dhaala hiru, angafummaa ilma isaa isa kan haadha manaa isaa ishee inni hin jaallannee sana ilma isaa isa kan ishee jaallatutti hin dabarsin! <sup>17</sup> Inni ilma isa kan ishee hin jaallannee sanaaf qabeenya isaa hundumaa keessaa harka lama kennuudhaan angafummaa isaa haa beeksisuuf! Inni humna isaa isa jalqabaa waan ta'eef angafummaan kan isaa haa ta'u!

### Adaba Ilma Didaa Irra Ga'u

<sup>18</sup> Namni tokko ilma mata-jabeessaa fi didaa, abbaan isaa fi baati isaa utuma adabani isaaniiif kan hin dhageenye yoo qabaate, <sup>19</sup> abbaan isaa fi haati isaa isa qabatani gara karra dallaa mandara inni keessa jiraatutti geessanii maanguddoota mandara isaatti haa dhi'eessan! <sup>20</sup> Isaan maanguddoota mandara isaatiin, "Ilmi keenya kun mata-jabeessaa fi didaa dha, nuuf hin abboomamu, albaadheessa, machaa'aa dhas" haa jedhan! <sup>21</sup> Kana booddee namoonni mandarichaa hundinuu dhagaadhaan rukutanii isa haa ajjeesan! Akkasitti hamaa hundumaa of gidduudhaa balleessaa! Warri Israa'el hundinuu waa'ee kanaa in dhaga'uu, in sodaatus.

### Seerri Garaa Garaa Baafamuu Isaa

<sup>22</sup> Namni tokko cubbuu du'a itti farachiisu waan hojjeteeff ajjeefamee mukatti yoo rarraafame, <sup>23</sup> guyyaadhuma sana haa awwaalamu malee, reeffi isaa mukicha irra hin bulin! Namni mukatti rarraafame Waaqayyo duratti abaaramaa

dha; biyya Waaqayyo gooftaan kee akka dhaaltuuf siif kennu hin xureessin\*!  
\*22-23 Iya 8:29; Lak 25:4; Mat 27:57-58; Gal 3:13; Yoh 19:31

### Seera Garaa Garaa Itti Fufee Kennuu Isaa

**22** <sup>1</sup>Qotiyyoon yookiis hoolaan obboleessa keetii badee utuu adeemuu yoo argite, gara isaatti deebisi malee calluma jettee hin dhiisiin! <sup>2</sup>Obboleessi kee sitti dhi'oo yoo ta'uu dhaabaate yookiis isa yoo beekuu dhaabaatte immoo mana keetti fuudhii gali! Hamaa obboleessi kee barbaacha dhuftutti si bira baa turu, yommuu inni dhufu immoo isaaf deebisi! <sup>3</sup>Harree isaa yookiis uffata isaa akkasuma godhi! Egaa waanuma obboleessa kee duraa badee inni dhabe barbaadaa jiru yommuu argitu akkasuma godhi malee, tuffatee hin dhiisiin! <sup>4</sup>Harreen yookiis qotiyyoon obboleessa keetii karaa irratti kufee yoo argite, isa gargaarii kaasi malee, calluma jettee hin dhiisiin\*!  
\*1-4 Bau 23:4-5

<sup>5</sup>Uffata dhiiraa dubartiin hin uffatin! Uffata dubartii dhiirri hin uffatin! Eenyumti illee waata akkasii yoo godhe Waaqayyo gooftaa kee biratti ciigga'amaa in ta'a. <sup>6</sup>Muka tokko irratti yookiis lafatti mann'ee simbirroo ilmaan yookiis anqaquun keessa jiru argitee, haati ilmaan yookiis anqaquu sana irra yoo jiraatte, haadha ishee ilmaanii wajjin hin fudhatin! <sup>7</sup>Garii akka siif ta'uuf bara dheeraas akka jiraatuuf, haadha ishee gad dhiisi! Ilmaan garuu ofii fudhachuu in dandeessa.

<sup>8</sup>Ati mana haaraa yeroo ijaarrattu, namni bantii isaa irraa kufe dhiiga dhangala'uu fi gumaa mana kee irratti akka hin fidnetti, qarqara bantii mana keetti naannessii ittisa itti hojjetu! <sup>9</sup>Sanyii akaakuu garaa garaa iddoo dhaabaa waynii keetti hin facaasin! Kanaa achi iji sanyii isa ati facaafte sanaa, iji iddoo dhaabaa waynii sana irraa argamus guutummaatti maha qullummaaf addaan in haafama. <sup>10</sup>Qotiyyoo fi harree walitti camaddee ittiin hin qotin! <sup>11</sup>Uffata rifeensaa fi quncee talbaa irraa waliin makamee dha'ame hin uffatin\*! <sup>12</sup>Qoloo uffattutti karaa golee arfanii cercerree kaa'adhu\*!

\*9-11 Lew 19:19  
\*12 Lak 15:38

### Seera Gaa'elaa Eeguuf Abboomii Kenname

<sup>13</sup>Namni tokko niitii fuudhee, erga bira ga'ee booddee, yoo ishee jibbe, <sup>14</sup>inni dubbii nama yeellaasisuun ishee hadheesse, "Ani intala kana nan fuudhe, garuu yeroon isheetti dhi'aadhe immoo milikkita durbummaa ishee nan dhabe" yoo jedhe, <sup>15</sup>abbaan intalattii fi haati ishee milikkita durbummaa isheetti karra kellaa mandarichaa lafa maanguddoonni mandara sanaa itti wal ga'anitti geessanii isaanitti haa dhi'eessan! <sup>16</sup>Yommuu abbaan intalattii maanguddootaan, "Ani intala koo namicha kanatti nan heerumsiise, inni immoo ishee in jibbe; <sup>17</sup>kunoo ammas dubbii nama yeellaasisuun, 'Ani milikkita durbummaa intala keetii hin arganne' jedhee ishee hadheesse; amma garuu milikkinni durbummaa intala kootii kunoo ti!" haa jedhu! Wayyaa sanas maanguddoota mandara sanaa duratti haa diriirsan! <sup>18</sup>Yeroo sanatti maanguddoonni mandara sanaa namicha fuudhanii haa dhaanan! <sup>19</sup>Sababii inni durba Israa'el irra maqaa gadhee kaa'eeffis, meetii sheeqelii dhibba tokko miijanu abbaa intalattiiif gatii haa baasisan! Intalattii immoo haadha manaa isaa haa taatu! Bara jireenya isaa guutuuttis ishee gad hin dhiisiin\*!  
\*19 22:29

<sup>20</sup>Haa ta'u iyyuu malee, hadheessi sun dhugaa ta'ee, milikkinni durbummaa intalattii yoo argamuu dhaabaate, <sup>21</sup>intalattiin mana abbaa isheetti gaalamootuu isheettiin Israa'el keessatti wanta yeellaasisaa waan hojjeteeff, gara balbala mana abbaa isheettiitti ishee haa baasan, namoonni mandara isheettiis dhagaadhaan rukutanii ishee haa ajjeesan! Akkasitti isa hamaa of gidduudhaa baasaa\*!  
\*21 Uma 34:7

<sup>22</sup>Namni tokko dubartii dhirsa qabduu wajjin utuu ciisuu yoo argame, lamaanuun isaanii, namichi inni ishee wajjin ciisee fi dubartittiin haa ajjeefaman! Akkasitti isa hamaa Israa'el keessaa baasaa\*!  
\*22 Lew 20:10; 2Sam 11:4

<sup>23</sup>Namni tokko durba kaadhimatamte tokko mandara keessatti argee, isheedhaa wajjin yoo ciise, <sup>24</sup>isaan lachuu gara karra kellaa mandarichaatti baasaa! Isheen durbaa mandara keessa utuma jirtuu hin iyyine, inni dhiiraa immoo kaadhima nama biraa in salphis; kanaafis isin dhagaadhaan rukutaatii isaan ajjeesaa! Akkasitti isa hamaa of gidduudhaa baasaa!

<sup>25</sup>Namni tokko bakkee keessatti durba kaadhimatamte tokko argee, qabee ishee wajjin yoo ciise garuu, namichi inni ishee wajjin ciise sun duwwaan haa ajjeefamu! <sup>26</sup>Wanti akkasii akka isa namni tokko nama biraa irratti ka'ee isa ajjeesu waan ta'eef, cubbuun du'aan ishee ga'u intalattii irra hin jiru; kanaaf intalattii waan tokko iyyuu hin godhinaa! <sup>27</sup>Namichi bakkee keessatti waan ishee argateef, intalli kaadhimatamte sun yoo iyyite iyyuu ishee oolchuudhaaf namni tokko illee hin argamu ture.

<sup>28</sup>Namni tokko durba hin kaadhimatamin tokko argee, qabee ishee wajjin yoo ciise, isaan lachuu yoo argaman, <sup>29</sup>namichi ishee wajjin ciise sun waan ishee yeellaasiseef, abbaa intalaatiif meetii sheeqelii shantama miijanu haa kennu! Isheen ishaadha manaa isaa taatu! Inni immoo bara jireenya isaa guutuutti ishee gad hin dhiisiin\*!

<sup>30</sup>Namni haadha manaa abbaa isaatii fuudhuun irra hin jiru, siree abbaa isaatiis salphisuun hin ta'u\*!  
\*28-29 Bau 22:16  
\*30 Lew 18:8; Kes 27:20

### Namoota Waldaa Waaqayyoo Keessa Lixuu Dhowwaman

**23** <sup>1</sup>Namni tumamee sangooma yookiis namni saalli isaa murame waldaa Waaqayyootti hin lixin\*! <sup>2</sup>Namni abbaa hin beekamiiniif dhalatu waldaa Waaqayyootti hin lixin! Sanyii isaa keessaas hamaa dhaloota kudhaniitti waldaa Waaqayyootti hin lixin! <sup>3</sup>Amoononni yookiis Mo'aabonni, sanyii isaanii keessaas namni tokko illee hamaa dhaloota kudhaniitti iyyuu waldaa Waaqayyootti hin lixin\*! <sup>4</sup>Isaan yommuu ati biyya Gibxii baatee dhufte Bala'aam ilma Be'or akka si abaaruuf Phetor mandara Mesophotaamiyaa

keessaa sitti bitan malee, buddeenaa fi hishaaniin karaatti sitti hin adeemne\*.  
<sup>5</sup>Haa ta'u iyyuu malee, Waaqayyo gooftaan kee sabahii si jaallateef Bala'aamiif hin dhageenye; Waaqayyo gooftaan kee abaarsicha eebbatti siif geddare\*. <sup>6</sup>Bara jireenya kee hundumaatti isaan nagaa akka qabaatan, isaanitti tolees akka jiraatan hin barbaadin\*!

\*1 Isa 56:3-7; HoE 8:27; Mat 19:12  
\*3 Uma 19:37-38  
\*4 Lak 22:1-6  
\*5 Lak 23:7-24:9  
\*6 Iz 9:12

<sup>7</sup>Edoom obboleessa kee waan ta'eef nama Edoom hin tuffatin! Ati biyya isaa keessatti galaa waan turteef nama Gibxii hin tuffatin\*! <sup>8</sup>Sanyiin isaanii dhaloota sadaffaa booddee waldaa Waaqayyootti dabalamuun in danda'u.  
\*7 Isa 19:18-25

### Iddoon Buufata Loltuu Qulqullinatti Akka Eegamu Gorsuu Isaa

<sup>9</sup>Yommuu dijna kee loluudhaaf kaatee iddoo tokko buufattu, wanta hamaa hundumaa irraa of eeggadhu! <sup>10</sup>Isin keessaa namni tokko halkan dimgata ofitti abju'atee yoo of xureesse, iddoo buufataa keessaa gara alaatti haa ba'u malee, gara keessaatti ol hin dhufin\*! <sup>11</sup>Haa ta'u iyyuu malee, gara galgalaa bishaaniin dhiqatee aduun yommuu lixuu gara iddoo buufataa sana keessatti deebi'uu in danda'a. <sup>12</sup>Lafa itti bakkee ba'an iddoo buufataa duubatti qopheeffadhuutii achi dhaqi! <sup>13</sup>Mi'a kee wajjin wanta qara qabu kan ittiin lafa haatee keessatti bakkee baatee ittiin biyyoo itti deebisuu dandeessu fudhadhu! <sup>14</sup>Waaqayyo gooftaan kee si oolchuudhaaf, diinota kee harka keetti dabarsee kennuudhaafis iddoo buufata kee keessa in deddeebi'a; egaa akka inni wanta yeellaasisaa isin gidduutti argee isin irraa hin deebinetti iddoo buufata kee qulqullaa'aa haa ta'u\*!  
\*10 Lew 15:16-17  
\*14 Lew 26:12

### Seera Garaa Garaa Kennuu Isaa

<sup>15</sup>Garbichi tokko gooftaa isaa durraa sitti yoo baqate, qabdee gooftaa isaatti hin kennin! <sup>16</sup>Inni mandaroota

kee keessaa lafa jaallate tokko fo'atec isin gidduu haa taa'u! Ati immoo isa hin cunqursin\*!

\*16 *Bau 22:20; Film 12-16*

17 Dubartoota yookiis dhiirota Israa'el keessaa galma keessatti ejaaf kan qophaa'ee taa'u hin argamin\*! <sup>18</sup>Waaqayyo gooftaan kee horii ejaan argamee fi gatii saree in ciigga'a; kanaafis wareega kamiif iyyuu taanaan lachuu isaa mana Waaqayyo gooftaa keetti hin galchin\*!

\*17 *1Mot 14:24; 2Mot 23:7; Hos 4:14; Lew 19:29*

\*18 *Mul 22:15*

19 Obboleessa keetti hiiqii hin kennatin! Meettii yookiis midhaan, waan hiiqiitti kennamu hundumaa hiiqii isatti hin kennatin\*! <sup>20</sup>Ormatti hiiqii kennadhu malee, Waaqayyo gooftaan kee biyya ati qabachuudhaaf jirru keessatti waan hojjetu hundumaatti akka si eebbisuuf obboleessa keetti hiiqii hin kennatin!

\*19 *Bau 22:25; Lew 25:36*

21 Waaqayyo gooftaa keetiif wareega yoo wareegde, utuu of irraa hin baasin hin turin! Kanaa achi Waaqayyo gooftaan kee isa waan si irraa barbaaduuf cubbuu sitti in ta'a\*. <sup>22</sup>Yoo wareeguu dhaabaatte garuu cubbuu sitti hin ta'u. <sup>23</sup>Wanta jaalala keetiin Waaqayyo gooftaa keetiif kennuudhaaf afaan keetiin wareegde, jaalala keetiin waan ta'eef, isa afaan keetiin wareegde kana eegii of irraa baasi!

\*21 *Lak 30:2*

24 Iddoo dhaabaa waynii ollaa keetti yoo lixte, qodaa kee keessa ija tokko illee hin buusin malee, yoo barbaadde hamma quufutti nyaachuu in dandeessa. <sup>25</sup>Midhaan ollaa keetti isa maasii keessa jirutti yommuu lixxu, haammachuudhaaf haamtuu itti hin buusin malee, harka keetiin asheetii isaa cirachuu in dandeessa\*.

\*25 *Mat 12:1*

### Wanta Garaa Garaaf Seerri Kennamuu Isaa

**24** <sup>1</sup>Namni tokko erga niitii fuudhee booddee, wanta namatti hin tolle waan irratti argaaf itti gammadu yoo dadhabe, inni caaffata ittiin ishee gad dhiisu harkatti kenneefii mana isaatii haa baasu\*! <sup>2</sup>Isheen mana

isaatii erga baatee nama kan biraatti yoo heerumte, <sup>3</sup>abbaan manaa ishee inni booddees ishee jibbee, caaffata ittiin ishee gad dhiisu harkatti kenneefii mana isaatii yoo ishee baase yookiis inni yoo du'e, <sup>4</sup>abbaan manaa ishee inni dura gad dhiise, erga isheen xurooftee deebisee ishee hin fuudhin! Wanti akkasii kun Waaqayyo duratti ciigga'amaa dha; biyya Waaqayyo gooftaan kee dhaala godhee siif kennu irratti cubbuu hin fidin!

\*1 *Mat 5:31-32*

5 Namni dhi'oo niitii fuudhe tokko duulatti hin ergamin, yookiis hojiin tokko illee isa irra hin kaa'amin! Inni waggaa tokkoof ajaja malee mana isaa taa'ee, haadha manaa isaa ishee fuudhe sana haa gammachiisu\*!

\*5 *20:7*

6 Dhagaa daakuu yookiis majii isaa nama duraa qabsiisa fudhachuun akka waan jireenya isaa qabsiisa fudhatanii waan ta'eef, namni tokko illee gatii-dhaaf jedhee kana qabsiisa hin fudhatin! <sup>7</sup>Namni tokko obbolloota isaa Israa'eloota keessaa nama hatce garbicha godhatee yookiis isa gurguree yoo argame, inni hate sun haa ajjeefamuu! Isin akkasitti isa hamaa of gidduudhaa baasaa\*!

\*7 *Bau 21:16*

8 Yeroo dhukkubni lamxii nama qabu, of eeggadhaatii wanta Lewwoonni warri luboqanni akka ani isaan abboometti isin gorsan godhaa! Akkasitti gaarii godhaatii eegaa\*! <sup>9</sup>Wanta Waaqayyo gooftaan keessan erga isin biyya Gibxii baatanii karaatti Miiryaamitti fide yaadadhaa\*!

\*8 *Lew 13:14*

\*9 *Lak 12:10-15*

10 Ati waan tokko namaaf yeroo liqeessitu, qabsiisa isa irraa fudhachuudhaaf mana isaa keessa hin lixin!

<sup>11</sup>Namichi ati liqeessituuf sun qabsiisa sana gad baasee sitti haa fidu, ati immoo ala dhaabadhu! <sup>12</sup>Namichi hiyyeessa yoo ta'e immoo qabsiisa sana of bira hin bulchin! <sup>13</sup>Inni wayyaa isaa uffatee bulee akka si eebbisuufi yeroo biiftuu lixxu deebisuufi! Kunis Waaqayyo gooftaa kee duratti qajeelummaatti siif in lakkaa'ama\*.

\*13 *Bau 22:25-26; Iyo 22:6; Amo 2:8*

14 Ati obbolloota kee keessaa yookiis galaa kellaa mandaroota biyya keetii keessa jiraatu keessaa isa hiyyeessaa fi dhabaa qacaramee hojjetu hin cunqursin\*! <sup>15</sup>Inni hiyyeessa waan ta'eef, garaan isaa gara isa ittiin qacaramee yaadaa waan jiruuf, Waaqayyotti si iyyatee kun cubbuu akka sitti hin taanetti, gatii inni ittiin qacarame gaafasuma utuu biiftuun hin lixin kenniif!

\*14 *Lew 19:13; Yaq 5:4*

16 Namni adduma addaan cubbuu ofii isaatiif haa ajjeefamu malee, abboonni ilmaan isaaniif hin ajjeefamin, ilmaanis abboota isaaniif hin ajjeefamin\*! <sup>17</sup>Firdii nama galaa, kan ijoollee abbaan irra hin jirrees hin jal'isin! Uffata dubartii abbaan manaa irraa du'ees qabsiisaaf hin fuudhin\*! <sup>18</sup>Biyya Gibxiitti ati garba akka rurte, Waaqayyo gooftaan kees achii akka si fure yaadadhu! Kanaaf dubbii kana akka gootuuf ani sin abbooma\*.

\*16 *2Mot 14:6; His 18:4-20*

\*17 *Bau 23:6,9*

\*18 *5:15*

19 Maasii kee keessaa midhaan haamtee yeroo galfattu bissii tokko maasii keessatti yoo irraanfate, fudhachuudhaaf deebitee hin dhaqin! Waaqayyo gooftaan kee waan ati harka keetiin hojjetu hundumaan akka si eebbisuufi, inni nama galaadhaa fi ijoollee abbaan irra hin jirreef, dubartii abbaan manaa irraa du'eefis haa ta'u! <sup>20</sup>Mukkeetii ejersaa kee irraa ija isaa yommuu harcaafattu, damee isa bira darbitetti deebitee hin hurgufin! Inni irratti hafu nama galaadhaa fi ijoollee abbaan irra hin jirreef, dubartii abbaan manaa irraa du'eefis haa ta'u! <sup>21</sup>Ija waynii iddoo dhaabaa waynii keetti keessaa yeroo galfattu, booddee deebitee hin funaanin! Inni hafu immoo nama galaadhaa fi ijoollee abbaan irra hin jirreef, dubartii abbaan manaa irraa du'eefis haa ta'u! <sup>22</sup>Atis biyya Gibxiitti garba akka turte yaadadhu! Kanaaf dubbii kana akka gootuuf ani sin abbooma\*.

\*19-22 *Lew 19:9-10; 23:22*

### Akka Itti Isa Balleesse Dhaanan

**25** <sup>1</sup>Namoonni wal dhabanii gara yaa'ii yoo dhufan, abboonni firdiis isa balleessaa hin qabneen,

"Balleessaa hin qabdu, isa balleessaa qabuun immoo balleessaa qabda" jedhanii firdii isaaniif haa kennan\*! <sup>2</sup>Inni balleesse sun dhaanamuun in ta'aaf yoo ta'e, abboonni firdii lafa akka isa ciibsan godhanii akka balleessaa isaatti isa haa reebisan! Lakkoobsi reebamuu isaatii immoo akka balleessaa isaatiitti haa ta'u! <sup>3</sup>Inni balleesse sun hamma afurtamaatti rukutamuu in danda'a; obboleessi kee ija kee duratti akka hin salphannetti afurtama caalaa hin rukutamin\*!

\*1 *Bau 23:7*

\*3 *2Qor 11:24*

4 Qotiyyoo midhaan siribsiisuutti jiru afaan isaa hin hidhin\*!

\*4 *1Qor 9:9; 1Xim 5:18*

### Nama Utuu Dhala Hin Godhatin Du'eef Obboleessi Isaa Gochuun Kan Ta'u

5 Obbolloota walii wajjin jiraatan keessaa inni tokko utuu dhala hin godhatin yoo du'e, haati manaa isa du'e sanaa maatii sana keessaa baatec ormatti hin heerumin! Obboleessi abbaa manaa isheetii gara ishee dhaqee, barcuma qajeelchee haadha manaa ishee haa godhatu\*! <sup>6</sup>Maqaan isaa Israa'el keessaa akka hin badnetti ilmi isheen angafa deessu maqaa isa du'ee sanaan haa waamamu! <sup>7</sup>Haa ta'u iyyuu malee, namichi haadha manaa obboleessa isaa kana fuudhuu hin barbaadu yoo ta'e, baati manaa obboleessa isaa gara karra dallaa lafa maanguddoonni itti wal ga'an dhaqxee, "Obboleessi abbaa manaa kootii maqaan obboleessa isaa itti fufee Israa'el keessa akka jiraatu gochuu in dide, barcuma qajeelchee waan obboleessi abbaa manaa raawwatus anaaf hin goone" haa jettu! <sup>8</sup>Maanguddoonni mandara isaatii isa waamsisanii itti haa dubbatan! Inni immoo didee, "Ani ishee fuudhuu hin barbaadu" yoo jedhe, <sup>9</sup>haati manaa obboleessa isaatii immoo maanguddoota duratti itti dhi'aatee, miilla isaatii kophee luqqiftee, fuula isaattis tuftee, "Nama mana obboleessa isaa hin ijaarre akkas godhu" haa jettu! <sup>10</sup>Yommuu biyya Israa'el keessatti, sanyii isaa, "Mana isa kopheen isaa irraa luqqifame sanaa" jedhanii in moggaasu.

\*5 *Uma 38:8; Rui 4:5; Mat 22:23-24*



### Wanta Garaa Garaaf Seera Kennuu Isaa

11 Namoonni lama utuu wal lolanii, haati manaa isa tokkoo namicha isa abbaa manaa ishee miidhu harkaa baa-fachuudhaaf jettee, hiixattee saala namicha isa miidhu sanaa yoo qabde, <sup>12</sup>harka ishee irraa kuti malee garaa hin laafiniif.

13 Koroojoo kee keessaa dhagaa safaraa akaakuu lama, dhagaa guddaa fi dbagaa xinnaa bin qabaatin\*! <sup>14</sup>Mana kee keessaas quunnaa safaraa akaakuu lama, quunnaa guddaa fi quunnaa xinnaa hin qabaatin! <sup>15</sup>Biyya Waaqayyo gooftaan kee siif kennu keessa bara dheeraa akka jiraattutti, dhagaa safaraa fi quunnaa safaraa guutu fi qajeelaa qabaadhu! <sup>16</sup>Waaqayyo gooftaan kee nama wanta akkasii godhu, nama jal'i-na hojjetu hundumaas in ciigga'a.

\*<sup>13</sup> Lew 19:35-36; <sup>His</sup> 45:10; <sup>Amo</sup> 8:5; <sup>Mik</sup> 6:11

### Amaaleqoota Ijaa Akka Baafatan Ajajuu Isaa

17 Biyya Gibxiitii yommuu ati baate, wanta warri Amaaleq karaatti si hojjetan yaadadhu\*! <sup>18</sup>Yommuu ati dadhabdee bututte, isaan immoo karaa booddee dhufanii si rukutanii, warra dadhabanii booddeetti bafanis si irraa kutan; isaan Waaqayyoon hin sodaanne. <sup>19</sup>Kanaaf biyya Waaqayyo gooftaan kee akka dhaala gootee qabattuuf siif kennu keessatti, inni ofii isaatii diinota naannoo kee jiran hundumaa irraa yommuu si boqochiisu, seenaa warra Amaaleq bantii waaqaa jalaa haxaa'ii balleessi, bin irraanfatinis\*!

\*<sup>17</sup> Bau 17:8-16

\*<sup>19</sup> 1Sam 15:2-3

### Mataa Midhaanii Aarsaa Dbi'eessuuf Abboomamuu Isaanii

**26** <sup>1</sup>Ati biyya Waaqayyo gooftaan kee dhaala godhee siif kennutti galtee, qabatee yeroo keessa jiraattu, <sup>2</sup>midhaan laficha isa Waaqayyo gooftaan kee siif kennu irraa jalqaba galfattu keessaa fuudhii guubootti naqii, iddoo Waaqayyo maqaan isaa akka itti waamamuuf fo'ate sanatti geessi\*! <sup>3</sup>Lubicha isa yeroo sana bojjii irra jiruunis, "Ani har'a biyya Waaqayyo nuuf kennuudhaaf abboota keenyaaf kakate sa-

natti galuu koo Waaqayyo gooftaa kee duratti nan beeksisa" jedhi! <sup>4</sup>Yommuu lubichi guuboo sana si harkaa fuudhee, fuula iddoo aarsaa Waaqayyo gooftaa keetii dura haa kaa'u!

\*<sup>2</sup> Bau 23:19; <sup>Lew</sup> 2:14; <sup>Kes</sup> 12:5

<sup>5</sup>Kana booddee immoo ati Waaqayyo gooftaa kee duratti, "Abbaan koo nama Aaram isa jooraa ture; inni namoota muraasaa wajjin biyya Gibxiitii gad bu'ee galaa ta'ee, acbi jiraate; achitti saba guddaa jabaadhaa fi baay'ee ta'ee; <sup>6</sup>warri Gibxii immoo nu miidhanii, nu rakkisani, garbummaa jabaa jalas nu galchan. <sup>7</sup>Yommuu nuyi Waaqayyo gooftaa abboota keenyaatti in iyyanne; Waaqayyo sagalee keenya dhaga'ee, rakkina keenya, bojjii keenya isa ulfaataa, cunqurfamuu keenyas in arge. <sup>8</sup>Waaqayyo yommuu harka aango-qabeessaan, irree diriiraadhaan, wanta gurguddaa nama naasisuun, miilkiitaa fi dinqiidhaanis biyya Gibxii nu baase. <sup>9</sup>Inni gara iddoo kanaatti nu fidee, biyya aannanii fi damma baasu kana nuuf kenne. <sup>10</sup>Ammas yaa Waaqayyo, kunoo midhaan ati anaaf laatee isa laficha irraa argame keessaa isa jalqabaa fideera" jedhii dubbadhu! Isas fuula Waaqayyo gooftaa kee dura kaa'i, Waaqayyo gooftaa kee durattis sagadi! <sup>11</sup>Ati, namni Lewwii, galaan isin gidduu jirus, wanta gaarii Waaqayyo gooftaan kee siif, mana keetiifis kenne hundumaatti in gammadda\*!

\*<sup>11</sup> 16:11,14

<sup>12</sup>Ati waggaa sadaffaa, waggaa itti kudhan keessaa tokko baasanitti, midhaan galfatte keessaa kudhan keessaa tokko baaftee, namichi Lewwii, namni galaan, ijoolleen abbaan irra hin jirree, dubartiin abbaan manaa irraa du'ees kella mandara keetii keessatti nyaatanii akka quufaniif erga laatteefii\*, <sup>13</sup>ati immoo fuula Waaqayyo gooftaa kee duratti, "Kunoo ani qooda qulqullaa'aa sana mana kootii baaseera, akka abboomii kee isa ati na abboomte hundumaattis namicha Lewwii fi nama galaadhaaf, ijoollee abbaan irra hin jirree, dubartii abbaan manaa irraa du'eeffis kenneera; ani abboomii kee keessaa isa tokko irra illee hin darbine, isaan hin irraanfanne. <sup>14</sup>Utuum gaddatti jiruu qooda qulqullaa'aa sana irraa hin

nyaanne, utuum akka seeraatti hin qullaa'inis isa irraa waan tokko hin fuune; ani isa irraa fuudhees warra du'aniif aarsaa hin dhi'eessine, sagalee Waaqayyo gooftaa kootii dhaga'ee, waan ati na abboomte hundumaas godheera. <sup>15</sup>Ati bantiwwan waaqaa iddoo jireenya kee isa qullaa'aa irraa gad ilaali, Israa'elin saba kee, laficha isa akkuma abboota keenyaaf kakattetti nuuf laatte, isa aannanii fi damma baasu kanas eebbisi!" jedhi!

\*<sup>12</sup> 14:27-29

### Sabni Isaa Abboomii Waaqayyoo Duukaa Akka Bu'o Beeksisuu Isaa

<sup>16</sup>Har'a Waaqayyo gooftaan kee seerrata kanaa fi wanta qajeelaa ta'ee kana duukaa akka buutuuf si abooma; kanaaf ati of eeggadbuutii garaa kee guutuudhaan, yaada kee guutuudhaanis isaan kana duukaa bu'i\*! <sup>17</sup>Har'a Waaqayyo gooftaa kee akka ta'ee, atis karaa isaa irra akka adeemtu, seerrata isaa, abboomii isaa fi wanta qajeelaa ta'ee akka eegdu, sagalee isaas akka dhageessu beeksifteeta. <sup>18</sup>Waaqayyo akkuma si abdachiisetti ati addumaan saba dhuunfaa isaa akka taate, abboomii isaa hundumaas eeguun akka si irra jiru har'a beeksiseera. <sup>19</sup>Inni immoo ol si fuudhee, ati jajamuudhaan, maqaa godhachuudhaan, ulfinaanis saba ofii isaatii uume hundumaa gararraa akka ooltu gochuudhaaf, akkuma abdachiisuu isaatti saba isaaf qulqullaa'ee akka taatu beeksiseera\*.

\*<sup>16</sup> 4:29

\*<sup>19</sup> 28:1

### Tulluu Ebaal Irratti Iddoon Aarsaa Qopheeffamuu Isaa

**27** <sup>1</sup>Yommuu Museen maanguddoota Israa'elii wajjin jaratti in dubbate; inni isaaniin, "Abboomii ani har'a isin aboomu kana hundumaa eegaa! <sup>2</sup>Yeroo Yordaanosin ceetanii biyya Waaqayyo gooftaan keessan isiniif kennutti galtan, dhagoota gurgudoota dhadhaabaatii nooraa dibaa! <sup>3</sup>Dubbii seera kanaa hundumaa biyya Waaqayyo gooftaan keessan isiniif kennu, biyya aannanii fi damma baasu isa Waaqayyo gooftaan inni kan abboota keessanii isin abdachiise sanatti yeroo

galtan, dhagoota sana irratti caafaa! <sup>4</sup>Yordaanosin yommuu ceetan, akka ani har'a isin abboometti dhagoota kana tulluu Ebaal irra dhadhaabaatii nooraa dibaa! <sup>5</sup>Achittis Waaqayyo gooftaa keessaniif dhagaadhaan iddoo aarsaa ijaaraa! Dhagichas mi'a sibiila irraa bojjetameen sooftanii bin ijaarinaa\*! <sup>6</sup>Waaqayyo gooftaa keessaniif dhagaa hin soofaminiin iddoo aarsaa ijaaraatii acbi irratti aarsaa gubamu Waaqayyo gooftaa keessaniif dhi'eessaa! <sup>7</sup>Achitti qalma araraa dhi'eessaatii Waaqayyo gooftaa keessan duratti nyaadhaa gammadaa\*! <sup>8</sup>Dhagoota kana irrattis dubbii scera kanaa hundumaa mul'isaa caafaa!" jedhe.

\*<sup>5</sup> Bau 20:25

\*<sup>7</sup> 12:7

### Abaarsa Abboomamuu Diduu Irratti Dhufu

<sup>9</sup>Ergasii Museen Lewwoota warra lubootaa wajjin guutummaa Israa'eliin, "Cal jedhaa dhaggeeffadhaa, isin yaa warra Israa'el! Har'a isin saba Waaqayyo gooftaa keessanii taataniituu\*! <sup>10</sup>kanaaf sagalee Waaqayyo gooftaa keessanii dhaga'aa! Abboomii isaa fi seerrata isaa isa ani har'a isiniif kennu eegaa!" jedhe.

\*<sup>9</sup> 26:18-19

<sup>11</sup>Guyyaadhuma sana Museen saba ajajee, <sup>12</sup>"Yordaanosin yeroo ceetan gosi Shimi'oon, gosi Lewwii, gosi Yibudaa, gosi Yisaakor, gosi Yoseefii fi Beniyaamin tulluu Geriizim irra dhaabatanii saba haa eebbisan\*! <sup>13</sup>Gosi Ruuben, gosi Gaadi, gosi Asheer, gosi Zebuloon, gosi Daanii fi Niftaalem immoo tulluu Ebaal irra dhaabatanii haa abbaaran!" jedhe.

\*<sup>12</sup> 11:29; <sup>Iya</sup> 8:33-35

<sup>14</sup>Warri Lewwootaas sagalee isaanii ol fudhatanii namoota Israa'elitti haa dubbatan!

<sup>15</sup>Namoi bifa qirixee yookiis baqsee waaqayyolii tolfatee, hojji harka namaa dhoksee dhaabatu, Waaqayyo duratti ciigga'amaa haa ta'u!

Namoonni hundinuu "Ameen" haa jedhan\*!

- <sup>16</sup> Namni abbaa isaa yookiis haadha isaa salphisu, abaaramaa haa ta'u!  
 Namoonni hundinuu "Ameen" haa jedhan\*!
- <sup>17</sup> Namni dhagaa daarii namaa iddoo isaatii butu, abaaramaa haa ta'u!  
 Namoonni hundinuu "Ameen" haa jedhan\*!
- <sup>18</sup> Namni nama jaamaa karaa irraa jal'isu, abaaramaa haa ta'u!  
 Namoonni hundinuu "Ameen" haa jedhan\*!
- <sup>19</sup> Namni nama galaatti, ijoollee abbaan irra hin jirretti, dubartii abbaan manaa irraa du'ettis firdii jal'isu, abaaramaa haa ta'u!  
 Namoonni hundinuu "Ameen" haa jedhan\*!
- <sup>20</sup> Namni haadha manaa abbaa isaatii wajjin ciisu, siree abbaa isaatii waan salphisuuf, abaaramaa haa ta'u!  
 Namoonni hundinuu "Ameen" haa jedhan\*!
- <sup>21</sup> Namni horii kamii wajjin illee ciisu, abaaramaa haa ta'u!  
 Namoonni hundinuu "Ameen" haa jedhan\*!
- <sup>22</sup> Namni obboleettii isaa, intala abbaa isaa yookiis haadhoo isaa wajjin ciisu, abaaramaa haa ta'u!  
 Namoonni hundinuu "Ameen" haa jedhan\*!
- <sup>23</sup> Namni amaatii isaa wajjin ciisu, abaaramaa haa ta'u!  
 Namoonni hundinuu "Ameen" haa jedhan\*!
- <sup>24</sup> Namni dhoksaatti nama ajjeesu, abaaramaa haa ta'u!  
 Namoonni hundinuu "Ameen" haa jedhan\*!
- <sup>25</sup> Namni dhiiga nama balleessaa hin qabnee dhangalaasuudhaaf gatii fudhatu, abaaramaa haa ta'u!  
 Namoonni hundinuu "Ameen" haa jedhan\*!
- <sup>26</sup> Namni dubbii seera kanaa hundumaa eegee hojii irra hin oolchine,

abaaramaa haa ta'u!  
 Namoonni hundinuu "Ameen"  
 haa jedhan\*!

- \*15 Bau 20:4; Lew 19:4; 26:1  
 \*16 Bau 21:17  
 \*17 19:14  
 \*18 Lew 19:14  
 \*19 Bau 22:21-22; Lew 19:33-34; Kes 24:17-18  
 \*20 Lew 18:8; Kes 22:30  
 \*21 Bau 22:19; Lew 18:23  
 \*22 Lew 18:9,11  
 \*23 Lew 18:17  
 \*24 Bau 21:12; Lak 35:20  
 \*25 Bau 23:8  
 \*26 Gal 3:10

### Eebba Abboomamuudhaan Dhufu (Lew 26:3-13; Kes 7:12-24)

**28** <sup>1</sup>Sagalee Waaqayyo gooftaa keessanii gaarii gootanii yoo dhageessan, abboomii isaa isa ani har'a isin abboomus gaarii gootanii yoo eegdan, Waaqayyo gooftaan keessan saba warra kaan hundumaa gararra isin in oolcha\*. <sup>2</sup>Sagalee Waaqayyo gooftaa keessanii yoo dhageessan, eebbi kun hundinuu isiniif in dhufa, isin in qaqqabas. <sup>3</sup>Mandara keessatti, maasii keessattis in eebbifamtu. <sup>4</sup>Dhalli keessan, midhaan maasii keessanii, hormaanni horii qe'ee keessanii, jabboonni, xobbaallaanis eebbifamoo in ta'u. <sup>5</sup>Guuboon keessanii fi qoda-bukoon keessan eebbifamoo in ta'u. <sup>6</sup>Yeroo gad baatan, yeroo ol galtanis eebbifamoo in taatu\*.  
 \*1 26:19  
 \*6 Far 121:8

<sup>7</sup>Diinonni keessan warri isin irratti ka'an isin duratti rukutamani akka dhuman Waaqayyo in godha; karaa tokko isinitti in dhufu, karaa torba isin in baqatu. <sup>8</sup>Gombisaa keessanitti, wanta harki keessan hojjetu hundumaattis Waaqayyo eebba in erga; Waaqayyo gooftaan keessan biyya isinii kennu keessatti isin in eebbisa\*. <sup>9</sup>Isin abboomii Waaqayyo gooftaa keessanii yoo eegdan, karaa isaa irras yoo adeemtan, Waaqayyo akkuma isiniif kakatee ture saba isaa isa qulqulaa'aa godhee isin in dhaaba\*. <sup>10</sup>Yommus sabni warri kaan hundinuu isin maqaa Waaqayyootiin akka waamamtan in argu, isin in sodaatus. <sup>11</sup>Waaqayyo biyya abboota keessaniiif

kennuudhaaf kakate yeroo isiniif kennu achitti dhala keessan, hormaata horii qe'ee keessanii, midhaan maasii keessanii isiniif in baay'isa. <sup>12</sup>Waaqayyo hojii harka keessanii hundumaas eebbisuudhaaf gombisaa baddhaadhummaa isaa isa gaarii isa waqa irraa isiniif bancee, yeroo isaatti lafa irratti bokkaa in roobsa; isin saba baay'eedhaaf in liqeessitu, ofii garuu nama tokko irraa illee hin liqeffattan\*. <sup>13</sup>Waaqayyo akka isin mataa taatan godha malee, eegee isin hin taasisu; abboomii Waaqayyo gooftaa keessanii isa ani har'a isin abboomu kana yoo dhageessan, gaarii gootaniis yoo eegdan irra aantu malee, jala hin aantan. <sup>14</sup>Waaqayyolii biraa duukaa bu'uudhaaf, isaaniif hojjechuudhaafis dubbii ani har'a isin abboomu kana irraa gara mirgaatti yookiis gara bitaatti hin gorinaa\*!  
 \*8 Lew 25:21  
 \*9 Bau 19:5-6  
 \*12 15:6  
 \*14 5:29,32

### Abaarsa Abboomamuu Diduu Irratti Dhufu (Lew 26:14-46)

<sup>15</sup>Sagalee Waaqayyo gooftaa keessanii yoo dhaga'uu dhaabaattan, abboomii isaa fi seerrata isaa warra ani har'a isin abboomu kana hundumaas gaarii gootanii yoo eeguu dhaabaattan, abaarsi itti fufee jiru kun hundinuu isiniitti in dhufa isin in qaqqabas\*.

<sup>16</sup>Mandara keessatti in abaaramtu, maasii keessattis in abaaramtu.

<sup>17</sup>Guuboon keessanii fi qoda-bukoon keessan abaaramoo in ta'u.

<sup>18</sup>Dhalli keessan in abaaramu, midhaan maasii keessanii, jabboonni keessanii fi xobbaallaan keessan in abaaramu.

<sup>19</sup>Yeroo ol galtan in abaaramtu, yeroo gad baatanis in abaaramtu.

<sup>20</sup>Isin Waaqayyoon irraanfachuun keessaniin hamaa waan hojjetaniif, inni hamma isin daftanii baddanitti abaarsa, raafama, ifaatas wanta harki keessan hojjetu hundumaa irratti in erga. <sup>21</sup>Waaqayyo biyya isin itti gahuuf jirtan keessaa hamma haxaa'ee isin balleessutti, dha'icha isin biraa

hin hambisu. <sup>22</sup>Waaqayyo yommus dhukkuba sombaatiin, dhagna gubaa-dhaan, iitaan, caamsaa jabaadhaan, gognaan, bubbeedhaan, waagiidhaanis isin in rukuta; isaan kun hamma isin baddanitti isin biraa hin hafan. <sup>23</sup>Waaqni mataa keessan gararraatti sibiila boorrajii in ta'a, laftis isin jalatti sibiila in ta'a\*. <sup>24</sup>Waaqayyo bokkaa maasii keessan irratti roobu daaraadhaa fi awwaaratti in geddara; bakkichis hamma isin balleessutti waaqa irraa gad in bu'a.

\*15 Dan 9:11  
 \*23 11:17

<sup>25</sup>Waaqayyo akka isin diinota keessan duratti mo'amtan in godha; karaa tokko isaanitti in duultu, karaa torbaan isaan in baqattu; mootummoota biyya lafaa irra jiran hundumaafis wanta jibbiisaa in taatu. <sup>26</sup>Reeffi keessan allaattota qilleensa keessa balal'aniif fi bineensota lafa irra jiraatan hundumaaf nyaata in ta'a; kan isaan naasissee ari'us tokko illee hin jiru\*. <sup>27</sup>Iita madaa'u isa kan warra Gibxiin, madaa dhiiguun, cittoodhaan, roobbiidhaanis Waaqayyo isin in rukuta; isaanittiis fayyuu hin dandeessan\*. <sup>28</sup>Maraatummaadhaan, jaamummaadhaan, raata'ummaadhaanis Waaqayyo isin in rukuta. <sup>29</sup>Akka nama iji isaa jaamee dukkana keessa qaqqabatutti, isin guyyaa saafaadhaan in qaqqabattu, wanti isin gootan hundinuu isiniif hin qajeelu, yeroo hundumaa in cunqurfamtu, in saamamtu, namni isin gaarus hin jiru\*. <sup>30</sup>Isin durba in kaadhimattu, garuu namni biraa isheetti in roorrisa; mana in ijaartu, garuu ofii keessanii itti hin galtan; isin waynii in dhaabbattu, garuu ija isaa irraa hin cirattan\*.

\*26 Er 7:33; 16:4  
 \*27 Bau 9:8-9  
 \*29 Isa 59:10  
 \*30 Isa 65:22

<sup>31</sup>Qotiyyoon keessan ija keessan duratti in qalama, isin garuu foon isaa hin nyaatan; harreen keessan humnaan isin irraa in fudhatama, isiniif hin deebifamus; bushaayeen keessan diinota keessaniif in kennamu, namni isaan oolchus hin jiru. <sup>32</sup>Ijoolleen dhiiraa keessanii fi ijoolleen durbaa keessan saba biraatiif in kennamu, iji keessan

guyyaa hundumaa isaan ilaaluutti in dadhaba, harka keessaniinis waa oolchuu hin dandeessan. <sup>33</sup>Sabni isin isaan hin beekne midhaan isin maasii keessaa itti dadhabdani hojjetan hundumaa in nyaatu; yeroo hundumaas gad isin in qabu, isin in caccabsus\*. <sup>34</sup>Wanti ija keessaniin argitan kunis isin in maraacha. <sup>35</sup>Iita hamaa isa fayyuu hin dandeenye jilba keessaniitti, miilla keessaniitti, faana miilla keessaniitti jalqabee hamma gubbee mataa keessaniitti Waaqayyo isiniiti in naqa. <sup>33</sup>Abo 6:3

<sup>36</sup>Waaqayyo isinii fi mootii isin of irratti moosifan saba isin yookiis abboonni keessan isaan hin beeknetti in kenna; isin achitti waaqayyolii mukaa fi dhagaa irraa hojjetamaniif in hojjetu\*. <sup>37</sup>Saba Waaqayyo itti isin ergu sana hundumaa gidduutti jibbiisii soo in taatu, nama mammaakkaa fi nama kolfaa in taatu\*. <sup>38</sup>Maasii keessaniitti sanyii danuu in faacaafu, garuu hawaan-nisi waan isa fixuuf muraasa in galfatu\*. <sup>39</sup>Isin waynii dhaabdani keessa in hojjetu garuu raammoon waan isa fixuuf isin daadhii waynii isaa hin dhugdan, ija isaas irraa hin cirattan. <sup>40</sup>Biyya keessan keessaa iddoo hundumaatti muka ejersaa in qabaattu, garuu iji isaa dafee waan irraa harca'uuf, dhadhaa isaa hin dibattan. <sup>41</sup>Ijoollota dhiiraa fi ijoollota durbaa in godhattu, garuu hojji'amanii waan isin duraa fudhatamaniif isin bira hin jiraatan. <sup>42</sup>Mukkeetii keessanii fi ija mukkeetii keessan hundumaa korophisi isin irraa in fudhata. <sup>43</sup>Galaan isin gidduu jiru isin caalaatti isin irratti ol ol ka'aa in adeema, isin immoo gad in adeemtu. <sup>44</sup>Inni isiniif in liqeessa, isin garuu isaaf hin liqeessitan; inni mataa in ta'a, isin garuu eegee in taatu.

<sup>36</sup> 4:27-28; 2Mot 17:5-6; 25:7-11

<sup>37</sup> 1Mot 9:7; Er 24:9

<sup>38</sup> Mik 6:15; Yoe 1:4

<sup>45</sup>Sagalee Waaqayyo gooftaa keessanii dhaga'uu waan diddaniif, abboonni isaa fi seerrata isaa isa inni isin abboome eeguu waan dhiiftaniif, abaarsi kun hundinuu hamma isin bad-daniitti isin duukaa bu'ee isin in qaqqaba. <sup>46</sup>Isaan kun isiniif fi sanyii keessan irratti milikkita fi dinqii bara baraa in ta'u. <sup>47</sup>Yeroo wanta hundumaa guu-

tummaatti qabdan, Waaqayyo gooftaa keessaniif gammachuudhaa fi garaa guutuudhaan waan hojjechuu diddaniif, <sup>48</sup>beelaa fi dheebuudhaan, quillaa ta'uudhaan, wanta hundumaa dhahuudhaanis diinota keessan warra Waaqayyo isiniitti erguuf in hojjetu; inni hamma isin balleessutti waanjoo sibiilaa morma keessan irra in kaa'a\*.

<sup>48</sup> Er 28:13-14

<sup>49</sup>Saba isin afaan isaa hin beekne, saba akka joobiraa balali'u daarii lafaati Waaqayyo isiniiti in fida. <sup>50</sup>Fuulli saba sanaa nama in sodaachisa, jaarsaaf ulfina hin kennu, ijoolleedhaafis hin oo'u\*. <sup>51</sup>Hamma achii isin balleessutti horii qe'ee keessanii fi midhaan maasii keessanii in nyaata; midhaan, daadhii waynii, dhadhaa ejersaa, jabboota, xobaallaas in fixa, isin in onsas. <sup>52</sup>Mandaroota biyya keessanii hundumaa keessatti isiniiti in marsa, kellaan keessan inni dhedheeraan isin guutummaa biyya keessanii keessatti amanattan sunnis in jiga; mandaroota biyya Waaqayyo gooftaan keessan isiniif kenne hundumaa keessatti isiniiti in marsa.

<sup>50</sup> Faru 5:12-13

<sup>53</sup>Yeroo marfamtan sana rakkina diinni keessan isiniitti fidu irraan kan ka'e dhala keessan, foon ijoollota dhiiraa keessanii fi ijoollota durbaa keessan warra Waaqayyo gooftaan keessan isiniif kenne sana in nyaatu\*. <sup>54</sup>Isin keessaa namni haay'ee garraamiinii fi qanan'aan obboleessa isaa, haadha manaa isaa ishee jaallatu, ijoollota dhiiraa isaa warra hafanis ija hamaadhaan in ilaala; <sup>55</sup>inni marfamuu isa diinni mandara keessan hundumaatti fidee isin rakkisu irraa kan ka'ee, wanti nyaatamu hundinuu waan duraa dhumeef, foon ijoollote isaa isa nyaachaa jiru sana firoota isaa keessaa nama tokkoof illee kennuu hin jaallatu.

<sup>53</sup> Lew 26:29; 2Mot 6:28-29; Er 19:9; Faru 2:20; 4:10; His 5:10

<sup>56</sup>Isin keessaa duhartiin baay'ee garraamiinii fi qananiituu qananiitti jiraachuu ishee irraa kan ka'ees faana miilla isheetiin illee lafa ejjechuu hin jaallanne, abbaa manaa ishee isa jaallatu, ilma ishee fi intala ishee ija hamaadhaan in ilaalti. <sup>57</sup>Isheen yeroo diinni mandaroota keessan marsee isin rakkisu sana wanti nyaatan waan hin

jirreef, obhaatii isa gadameessa ishee keessaa ba'uu fi ijoollote ishee warra deessu dhoksaatti in nyaatti.

<sup>58</sup>Macaafa kana keessatti kan caafame dubbii seera kanaa hundumaa gaarii gootanii yoo eeguu dhaabaatan, maqaa Waaqayyo gooftaa isa ulfina-qabeessaa fi sodaatamaa yoo sodaachuu dhaabaatanis, <sup>59</sup>Waaqayyo dha'icha keessan guddaa in godha, dha'icha ijoollote keessaniitti dhufus dha'icha guddaadhaa fi dha'icha isaan irra turu in godha, dhukkuba jabaadhaa fi kan dafee hin fayyine itti in erga. <sup>60</sup>Inni dhukkuba biyya Gibxii isa isin sodaatan sana isiniiti in erga, dhukkubichis isin irra in tura\*. <sup>61</sup>Waaqayyo, dhukkubaa fi dha'icha macaafa seeraa kana keessatti hin caafamin jiran hundumaas isiniiti fidee ittiin isin in balleessa. <sup>62</sup>Sagalee Waaqayyo gooftaa keessaniif abboonnamuu waan diddaniif, dur akka urjoota waaqa keessaa in baay'attu kan turtan, amma immoo namoonni muraasi duwwaan isin keessaa in hafu. <sup>63</sup>Waaqayyo akkuma wanta gaarii isiniif gochuuf isin baay'isuutti gammade akkasuma immoo isin onsuu fi isin balleessutti in gammada; biyya isa qabachuuf jirtan sana keessaas in buqqifamtu\*. <sup>64</sup>Yommuu Waaqayyo daarii lafaa gar tokkoo hamma gara kaaniitti saba hundumaa gidduu isin in tamsaasa, achittis waaqayyolii muka irraa fi dhagaa irraa hojjetaman, takkaa kan isin, abboonni keessanis hin beekneef in hojjetu. <sup>65</sup>Saba sana gidduutti boqonnaa tokko illee hin argatan; faanni miilla keessanii illee iddoo boqotu hin argatu, Waaqayyo achitti yaada sodaataa, agartuu dadhabaa, garaa abdi kutatus isiniif in konna. <sup>66</sup>Garaan keessanis mamee in rarra'a, halkanii fi guyyaa in sodaattu, jireeya keessanis kan eegu hin jiru. <sup>67</sup>Isa garaan keessan sodaatuu fi wanta ija keessan argu sanaaf jettanii ganama, "Utuu galgala ta'ee" galgala immoo, "Utuu ganama ta'ee" in jettu. <sup>68</sup>Karaa ani, "Lammaffaa deebitani hin argitan" isiniin jedhe sana irra Waaqayyo deebisee markabaan biyya Gibxiitti isin in fida, achitti akka garbichaa fi akka garbitiitti akka isin bitataniif of

in kennitu; garuu namni isin bitu tokko illee hin jiru\*.

<sup>60</sup> Bau 15:26

<sup>63</sup> Fak 1:26

<sup>68</sup> Hos 8:13; 9:3

## Waaqayyo Biyya Mo'aabitti Israa'elli Wajjin Kakuu Galuu Isaa

**29** <sup>1</sup>Waaqayyo dubbii kakuu isaa isa Horeebitti Israa'elootaaf gale irratti dahalee Museen biyya Mo'aabitti akka isaaniif kennuuf kan inni isa abboome kanatti fufee jira.

<sup>2</sup>Yommuu Museen guutummaa Israa'el walitti waamee, "Waan Waaqayyo biyya Gibxiitti ija keessan duratti Fara'oonii fi hojjetoota isaa hundumaa irratti, biyya isaa irrattis hojjete argitaniitu"; <sup>3</sup>yaalii jahaa sana, milikkita guddaa sana, dinqii guddaa sanas argitaniitu\*. <sup>4</sup>Waaqayyo garuu qalbii hubatu, ija argu, gurra dhaga'us hamma har'aatti iyyuu isiniif hin kennine" jedhe. <sup>5</sup>Museen itti fufees, "Waaqayyo, 'Yeroo ani waggaa afurtama lafa onaa keessa isin geggeessaa ture uffanni keessan isin irratti hin dhumne, kopheen miilla keessaniitti jirus miilla keessan irratti hin ciccinne". <sup>6</sup>Isin buddeena hin nyaanne, daadhii waynii yookiis dhugaatii cimaa hin dhugne; kanas ani Waaqayyo gooftaa keessan akkan ta'ee akka beektaniifan godhe" jedha.

<sup>2</sup> Bau 19:4

<sup>3</sup> 4:34; 7:19

<sup>5</sup> 8:4

<sup>7</sup>"Biyya kanatti yeroo galan sana Sihoon mootii Heshboonii fi Oog mootiin Baashaan nu loluudhaaf ka'anii turan, garuu nu immoo isaan in moone"; <sup>8</sup>biyya isaaniis isaan irraa fudhannee gosa Ruubenii fi gosa Gaadiif walakkaa gosa Minaaseetiif dhaala goonee in kennine\*. <sup>9</sup>Ammas wanti isin gootan hundinuu akka isiniif qajeelutti, dubbii kakuu kanaa gaarii godhaa eegaa! <sup>10</sup>Isin hundumti keessan, durahuutonna keessan, gosoonni keessan, maanguddoonni keessan, warri hojii geggeessan, namoonni Israa'el hundinuu har'a fuula Waaqayyo gooftaa keessanii dura dhaabadhaa! <sup>11</sup>Ijoollon keessan, haati manaa keessan, galaan buufata keessan keessa jiru, warra muka isiniif murmuranii jalqabec hamma

warra bishaan isiniif waraabaniitti isa dura haa dhaabatan!<sup>12</sup> Isin har'a kakuu Waaqayyo gooftaan keessan isiniif dhaabutti galuudhaaf as in dhaabattu.<sup>13</sup> Waaqayyo akkuma abboota keessan Abrahaamii fi Yisahaqiif, Yaaqoobiifis kakate, har'a saba ofii isaa isin in godhata, akkuma isin abdachiisee ofii isaatii Waaqayyo keessan in ta'a.<sup>14</sup> Ani kakuu kanatti isin duwwaa wajjinan gala utuu hin ta'in,<sup>15</sup> warra har'a nuu wajjin addana fuula Waaqayyo gooftaa keenyaa dura jiranii fi warra har'a addana hin jirre wajjinis immoo nan gala.

\*7 Lak 21:21-35

\*8 Lak 32:33

16 "Nuyi biyya Gibxii keessa attamitti akka jiraachaa turre, attamittis saba baay'ee keessa darbinee akka dhufne isin ofii keessanii iyyuu beeku.<sup>17</sup> Isaan keessattis wanta ciiggaasisaa, waaqayyolii tolfamoo isaanii, warra muka irraa, dhagaa irraa, warqee fi meetii irraa hojjetaman argitaniitu.<sup>18</sup> Isin keessaa dhiirri yookiis dubartiin, maatiin yookiis gosi, warri garaan isaanii har'a Waaqayyo gooftaa keenya irraa garagale, dhaqanii waaqayyolii saba sanaaf akka hin hojjenetti of eeggadhaa! Hundeen ija dhagaa'aa godhatu isin keessatti akka hin argamne godhaa!" jedhe.<sup>19</sup> Namni akkasii dubbii abaarsa kanaa dhagaa'ee garaa isaa keessatti eebbatti hiikkatee, "Utuman boqu-jabeessa ta'ee illee ani nagaa qaba" hin jedhin! Wanti akkasii kun lafa jiidhaa irratti, lafa gogaa irrattis badiisa in fida.<sup>20</sup> Waaqayyo nama akkasiiif gonkumaa hin dhiisuuf, dheekkamsii fi hiraaffaan Waaqayyoo nama akkasii irratti in boba'a; abaarsi macaafa kana keessatti caafame hundinuu isa irra in ga'a; Waaqayyo maqaa nama akkasii bantii waaqaa jalaa haxaa'ee in balleessa.<sup>21</sup> Waaqayyo akka abaarsa kakuu kanaa isa macaafa seeraa kana keessatti caafamee jiruutti, gosa Israa'el hundumaa keessaa addaan isa baasee, badiisaaf isa in godha\*.

\*18 32:32; Hos 10:4; Amo 6:12; Ibr 12:15

\*21 28:61

22 Dhaloonni isin booddee dhufu, ijoolleen keessan warri isin booddeedhaan ka'an, ormi biyya fagoodhaa

dhufus dha'icha biyya sanaa, dhukkuba Waaqayyo itti erges yommuu argan,<sup>23</sup> "Biyyi sun guutummaan isaa dhagaa boba'uu fi soogiddaan in gubata; sanyiin isa irra hin faacasfamu, waan tokko illee irratti hin biqilu, biqiltuun tokko illee irra hin jiru; inni akka badiisa Sodoomii fi Gomoraa, akka Aadimaa fi Zeho'iim warra Waaqayyo dheekkamsa isaa isa guddaadhaan garagagalchee in ta'a" in jedhu\*.<sup>24</sup> Haa ta'u iyyuu malee, sabni lafa irraa hundinuu, "Maaliif Waaqayyo biyya kana irratti wanta akkasii hojjete? Maaliifis dheekkamsi guddaan akkasii irratti boba'e?" in jedhu.<sup>25</sup> Namoonnis, "Isaan kakuu Waaqayyo gooftaa isa kan abboota isaanii isa inni yommuu biyya Gibxii isaan haase isaaniif gale sana waan irraanfataniiif\*;<sup>26</sup> isaan waaqayyolii biraatiif waan hojjetaniif, isaaniifis waan sagadaniifii dha; waaqayyolii sun warra isaan hin beekne, warra inni isaaniif hin kennin turan.<sup>27</sup> Kanaaf dheekkamsi Waaqayyoo abaarsa macaafa kana keessatti caafamee jiru itti fiduudhaaf biyya kana irratti hoba'e.<sup>28</sup> Waaqayyo dheekkamsa isaa isa guddaa fi aarii isaa isa boba'adhaan biyya isaanii keessaa isaan buqqisee, biyya amma isaan keessa jiran kanatti isaan darbate" in jedhu\*.

\*23 Uma 19:24

\*25 1Mot 19:10; Er 22:9

\*28 1Mat 14:15

29 Wanti dhoksaan kan Waaqayyo gooftaa keenyaa ti, wanti mul'ifame immoo nuyi dubbii seera isaa hundumaa akka eegnuuf bara haraan kan keenyaa fi kan ijoollee keenyaa ti.

#### Deebi'anii Karaa Eebba Argachuu Danda'an Itti Hilmuu Isaa

30 "Eebbii fi ahaarsi ani isin dura kaa'e kun hundinuu yommuu raawwatamu, isin biyya Waaqayyo gooftaan keessan saba warra kaan hundumaa keessa isin tamsaase gidduutti deebitanii yoo isa yaadattan,<sup>1</sup> isin, ijoolleen keessanis gara Waaqayyo gooftaa keessaniitti deebitanii sagalee isaa yoo dhageessan, isa ani har'a isin abbootu kanas garaa keessanii fi yaada keessan guutuudhaan yoo eegdan\*,<sup>2</sup> Waaqayyo gooftaan keessan

boojuu keessaa isin in deebisa; isiniif oo'ee saba hundumaa warra ofii isaatii isaan gidduu isin tatamsaase keessaas haasee deebisee walitti isin in qaba\*.<sup>4</sup> Biyya fagoo keessatti illee darbatamtanii yoo jiraattan, Waaqayyo gooftaan keessan achii walitti isin sassaabee deebisee isin in fida\*.

\*2 4:29

\*3 Er 29:14; His 16:53; Amo 9:14

\*4 Nah 1:9

5 "Waaqayyo gooftaan keessan biyya isa abbootu keessan qabatan sanatti isin in galcha, isinis isa in dhaaltu; inni waan gaarii isa abhooata keessaniif godhe caalaatti isiniif in godha, isin in baay'isaa.<sup>6</sup> Waaqayyo gooftaan keessan akka isin garaa keessan hundumaan, yaada keessan hundumaanis isa jaallattaniif akka jiraattaniifis, garaa keessanii fi garaa ijoollee keessanii dhagna in qaba\*.<sup>7</sup> Waaqayyo gooftaan keessan abaarsa kana hundumaa diinota keessan warra isin jibbanii fi warra isin ari'atan irra in kaa'a\*.<sup>8</sup> Yommuu isin deebitanii sagalee Waaqayyooof in abbootamtu, abhoommii isaa isa ani har'a isin abbootu kana hundumaas in eegdu.<sup>9</sup> Waaqayyo gooftaan keessan hojii harka keessanii hundumaa isiniif in qajeelcha, dhala keessan, horii qe'ee keessanii, midhaan maasii keessaniis gaarii isiniif in godha; Waaqayyo akkuma abhooata keessanitti gammade akkasuma deehi'ee waan gaarii isiniif gochuutti in gammada.<sup>10</sup> Isin immoo sagalee Waaqayyo gooftaa keessanii dhaga'aa! Abbootumii isaa fi seerrata isaa isa macaafa seeraa kana keessatti caafames eegaa! Garaa keessan guutuudhaan, yaada keessan guutuudhaanis gara Waaqayyo gooftaa keessaniitti deebi'aa!

\*6 10:16; Er 4:4; Rom 2:29

\*7 Isa 54:15-17; Er 30:16,20

11 "Abbootumii ani har'a isin abbootu kun baay'ee rakkisaa miti, isinittiis fagoo miti.<sup>12</sup> Isin, 'Akka nuyi abbootamnuuf eenyutu gara waaqaatti ol ha'ee fidee nutti hima?' akka hin jennetti inni waaqa irra jira miti\*.<sup>13</sup> Isin, 'Akka nuyi abbootamnuufitti, eenyutu galaanicha ce'ee as fidee nutti hima?' akka hin jennettis, inni galaana gama jira miti.<sup>14</sup> Dubbichi baay'ee

isinitti dhi'oo dha, isin akka isa eegdaniif afaan keessan keessa, garaa keessan keessas jira.<sup>15</sup> Ilaa! Ani har'a wanta gaarii fi jireenya, wanta hamaa fi du'a isin dura kaa'eera\*.<sup>16</sup> Waaqayyoon gooftaa keessan yoo jaallattanii fi karaa isaa irra yoo adeemtan, abbootumii isaa, seerrata isaa, wanta qajeelaa ta'es isa ani har'a isin abbootu kana yoo eegdan in jiraattu, in baay'attus; Waaqayyo gooftaan keessan biyya isin itti galtanii qabachuuf jirtan sana keessatti isin in eebbisa\*.<sup>17</sup> Garuu garaan keessan isattii garagalee, isaaf yoo dhaga'uu dhaabaattan, waaqayyolii biraatiif sagaduudhaaf, isaaniif hojjechuudhaafis gara isaaniitti yoo harkifamtan,<sup>18</sup> isin in haddu, kanas ani har'a isiniitti bimeera; laga Yordaanos ceetanii biyya itti galtanii qabachuuf jirtan sana keessas yeroo dheeraa hin jiraattan\*.<sup>19</sup> Ani har'a jireenyaa fi du'a, eebhaa fi abaarsa isin dura akkan kaa'ee, waaqaa fi lafa waamee isin irratti dhugaa nan baasisa; kanaaf isin, ijoolleen keessanis akka jiraattaniif jireenya fo'adhaa\*!<sup>20</sup> Waaqayyoon gooftaa keessan jaalladhaa, sagalee isaas dhaga'aa! Isattis maxxanaa! Inni jireenya keessan waan ta'eef, biyya inni abboota keessan Abrahaamii fi Yisahaqiif Yaaqoobiifis kennuudhaaf abdachiise keessatti bara dheeraa isiniif in kenna" jedhe\*.

\*12 Rom 10:6-8

\*15 11:26

\*16 4:1

\*18 8:19

\*19 4:26

\*20 Uma 12:7

#### Iyaasuun Hojii Muscetti Darbuu Isaa

31 <sup>1</sup> Yommuu Museen gad ba'ee dubbii kanatti fufee jiru guutummaa Israa'elitti in dubhate. <sup>2</sup> Luni isaaniin, "Ani amma nama waggaa dhibbaa fi digdamaa ta'eera, ani si'achi nama gad ba'uu fi ol galuu danda'u miti, Waaqayyos, 'Ati Yordaanos kana hin ceetu' anaan jedheera\*.<sup>3</sup> Waaqayyo gooftaan keessan ofuma isaatii isin dura bu'ee in ce'a, saba achi jiranii fuula keessan duraa in balleessa, isinis biyya isaanii in fudhattu; Iyaasuunis akkuma Waaqayyo dubbate isin dura hu'ee in ce'a; <sup>4</sup> Waaqayyos Sihoonii fi

Oogin mootota warra Amoorotaa, biyya isaaniis yommuu balleesse akkuma godhe, saba sanas akkasuma in godha\*. <sup>5</sup>Waaqayyo harka keessan keessa isaan in buusa, isin immoo akka ani isin abboome isaan godhaa! <sup>6</sup>Waaqayyo gooftaan keessan isinii wajjin in adeema, inni gad isin hin dhiisu, isin hin irraanfatus; kanaafis cimaa, ija jabaadhaa, isaan hin sodaatinaa, hin na'inaas!" jedhe\*.

\*2 *Bau* 7:7; *Lak* 20:12

\*4 *Lak* 21:21-35

\*6 *1:29-30*

<sup>7</sup>Museen ergasii guutummaa Israa'el duratti Iyaasuu waamee, "Cimi! Ija jabaadhus! Ati saba kanaa wajjin biyya Waaqayyo abboota isaanitiif kennuudhaaf kakateeffitti in galta, biyyichas dhuunfaa isaanii gootee isaaniif in hirta. <sup>8</sup>Waaqayyo ofuma isaatii si dura in adeema, sii wajjinis in ta'a, inni si hin dhiisu, si hin irraanfatus; hin sodaatin, hin na'iniis!" jedheen\*.

\*8 *Iya* 1:5

### Yeroo Yerootti Seerri Akka Dubbfamu Ajajuu Isaa

<sup>9</sup>Ergasii Museen seera kana caafee sanyii Lewwootaa warra luboota sanduuga kakuu Waaqayyoo baataniif maanguddoota Israa'el hundumaatti in kenne. <sup>10</sup>Museen isaan abboomee, "Dhuma waggaa torba torbaatti yeroo gatiin namaaf dhiifamuu fi yeroo ayaana Gordommaatti\*", <sup>11</sup>yeroo guutummaan Israa'el iddoo Waaqayyo ofii isaatii fo'atetti isa duratti argamuudhaaf dhufan, seera kana hunduma isaanii duratti akka isaan dhaga'anitti dubbisaaf! <sup>12</sup>Yommuu saba sana, dhiirotaa fi dubartoota, ijoolloota, galaa kellaa keessan keessa jirus, Waaqayyo gooftaa keessaniif dhaga'uu fi isa sodaachuu akka baranii fi dubbii abboomii isaa kana hundumaas gaarii godhanii akka eeganiif walitti sassabaa! <sup>13</sup>Ijoolleen isaanii warri seera kana hin beeknes biyya isa Yordaanosin ceetani qabachuuf jirtan sana keessatti bara hundumaa isa dhaga'anii Waaqayyo gooftaa keessan sodaachuu baa baran!" jedhe.

\*10 *15:1; 16:13-15*

### Waaqayyo Musee Gorsuu Isaa

<sup>14</sup>Waaqayyo yommuu Muscedhaan, "Kunoo guyyaan ati itti duutu dhi'aateera, Iyaasuu waamii isaa wajjin gara godoo itti wal ga'aniitti dhi'adhaa! Ani isatti hojii nan kenna" jedhe; Museenii fi Iyaasuun gara godoo itti wal ga'aniitti in dhi'ataan. <sup>15</sup>Waaqayyo immoo godicha biratti utubaa duumessaa keessaan in mul'ate, utubaan duumessaas balbala godichaa irra in dhaabate\*. <sup>16</sup>Waaqayyo itti fufee Muscedhaan "Kunoo, ati in duuta, abboota kee birattis in sassaabamta; jarri kun garuu dhaqanii waaqayyolii ormaa kan warra biyya itti galuuf jirani sana duukaa in bu'u, ana immoo in irraanfatu, kakuu ani isaanii wajjin gale kanas in cabsu. <sup>17</sup>Yeroo sanatti immoo aariin koo isaan irratti in boba'a, ani isaan nan dhiisa, fuula koo isaan duraa nan dhoksa, isaan in dhumu, wanti hamaan baay'eenii fi rakkinni isaanitti in dhufa, guyyaa sanattis, "Wanti hamaan kun Waaqayyo keenya nu gidduu waan hin jirreef nutti dhufe miti ree?" in jedhu\*. <sup>18</sup>Ani guyyaa sanatti isaan gara waaqayyolii biraatti garagaluudhaan wanta hamaa waan hojjetaniif, fuula koo raawwadhee isaan duraa nan dhoksa.

\*15 *Bau* 33:9

\*17 *1:42; Abo* 6:13; *Far* 42:11; *His* 11:23

<sup>19</sup>"Ammas faarfannaa kana caaf-fadbuutii akka isaan faarfatanii Israa'eloota barsiisi! Innis isaan irratti anaaf dhugaa in ba'a\*. <sup>20</sup>Yeroo ani biyya aannanii fi damma baasutti, isan abboota isaanii kennuuf kakadhe sanatti isaan galchu, isaan immoo achitti nyaatanii quufanii, gabbataniis gara waaqayyolii biraatti garagalanii isaanii in hojjetu, ana immoo in tuffatu, kakuu koos in cabsu\*. <sup>21</sup>Yeroo wanti hamaan baay'eenii fi rakkinni isaanitti dhufu, faarfannaan kun ijoolleen isaanii waan isa hin irraanfanneef isaanitti dhugaa in ba'a; biyya ani isaaniif kennuuf kakadheeffitti utuma hin galin iyyuu har'uma garaa isaanii keessatti maal akka isaan yaadaa jiran ani beeka" jedhe. <sup>22</sup>Museen yommuuma faarfannaa sana caafee Israa'eloota in barsiise.

\*19 *31:26; Yoh* 5:45

\*20 *6:11-12; 8:12-14*

<sup>23</sup>Waaqayyo yommuu, "Cimi, ija jabaadhu! Ati ijoollee Israa'el biyya ani isaaniif kennuuf kakadheetti in galchita, anis sii wajjin nan ta'a" jedhee Iyaasuu ilma Nun in abboome\*.

\*23 *31:7-8; Iya* 1:6

<sup>24</sup>Museen dubbii abboomii kana hamaa dhumaatti macaafatti caafee erga fixee booddee, <sup>25</sup>Lewwootaa warra sanduuga kakuu Waaqayyoo baatan ajajee, <sup>26</sup>"Macaafa seeraa kana fuudhaatii, achi taa'ee akka inni isinitti dhugaa ba'uuf sanduuga kakuu Waaqayyo gooftaa keessanii bukke kaa'aa\*! <sup>27</sup>Isin warra didduu fi boqu-jaboota akka taatan ani beeka, kunoo ammuma utuu ani isin gidduu jiruu iyyuu Waaqayyoon in diddu'o, erga ani du'ee immoo hammam kana irra haa caalu ree? <sup>28</sup>Maanguddoota gosa keessanii, geggeessitoota keessan hundumaa asitti walitti naa qabaa! Anis akka isaan dhaga'anitti dubbii kana isaanitti nan dubbadha, waaqaa fi lafa waamees isaan irratti dhugaa nan baasisa\*. <sup>29</sup>Erga ani du'ee booddee karaa ani isin abboome irraa gortanii raawwattanii akka isin mancaatan ani beeka, isin fuula Waaqayyoo duratti wanta hamaa hojjechundhaan isa aarsitanii hojii harka keessaniitiin waan isa dheekamsiif-taniif gara booddeetti wanti hamaan isinitti in dhufa" jedhe.

\*26 *31:19; Yoh* 5:45

\*28 *4:26; 32:1*

<sup>30</sup>Ergasii Museen dubbii faarfannaa kana akka isaan dhaga'anitti hamaa dhumaatti guutummaa waldaa Israa'elitti in dubbate.

### Faarfannaa Musee

**32** <sup>1</sup>Yaa bantiwwan waaqaa ani nan dubbadhaa mee dhaga'aa! Yaa lafaa dubbii afaan kootii dbaggeeffadhu\*!

<sup>2</sup>Barsiisi koo akka bokkaa haa coccobu!

Dubbachuun koos akka fixeensaa gad haa bu'u!

Akka bokkaa coccophuus biqiltuu xobbee irratti, akka tiifuus marga irratti gad haa bu'u\*!

<sup>3</sup>Ani maqaa Waaqayyoo nan labsa, isinis guddina Waaqayyo keenyaa beeksisaa!

<sup>4</sup>Inni kattaa jabaa dha, wanti inni godhus mudaa hin qabu, karaan isaa hundinuus qajeelaa dha, inni Waaqayyo amanamaa dha, jal'innis isa keessa hin jiru, inni dhuga-qabeessaa fi qajeelaa dha\*.

\*1 *4:26; Isa* 1:2

\*2 *Isa* 55:10-11

\*4 *Far* 33:4

<sup>5</sup>Isaan isa irratti balleessaa hojjechuu isaaniitiin waan yeellaasifamaniif, si'achi ijoollee isaa hin jedhaman; isaan dhaloota jal'aa fi micciiramaa dha\*;

<sup>6</sup>ati yaa saba gowwaadhaa fi qalbii hin qabnu, kan ati Waaqayyoof deebiftu kanaa?

Inni abbaa kee fi isa si uume mitii?

Isa mitii kan si tolche, kan si dhaabes\*?

\*5 *Isa* 1:2-4; *Mat* 17:17

\*6 *Isa* 63:16; *Er* 3:4; *31:9; Hos* 11:1; *Mil* 1:6

<sup>7</sup>Guyyoota durii yaadadhu! Waggoota dhaloota baay'ee duraas ilaali!

Abbaa kee gaafadhu, innis sitti in hima; jaarsoliis gaafadhu, isaanis siif in ibsu;

<sup>8</sup>inni hundumaa gararraa jiru, saba garaa garaaf dhaala isaanii yeroo kenneef, ijoollee namootaas yommuu gargar hire,

isaaniif immoo akka lakkoobsa ilmaan Israa'elitti daarii in dhaabeef\*.

<sup>9</sup>Waaqayyo ofii isaatii immoo saba isaa ga'aa isaa in godhate,

Yaaqoobin dhuunfaa isaa godhee fudhate\*.

\*8 *Uma* 11:8; *HoE* 17:26

\*9 *Bau* 19:5; *Kes* 9:29

<sup>10</sup>Lafa onaattis isa arge,

- iddoo onaa bineensonni  
wacan keessatti,  
isa golboobee gargaare;  
akka agartuu ija isaattis isa  
eegge\*;  
11 akka jooobira isa manu'ee isaa  
eeggatuu,  
akka isa qoochoo isaa ilmoo  
isaa irra golboobee  
balali'uu,  
akka isa baallee isaa bal'isee isa  
qabuu,  
isa fiixee baallee isaa irrattis  
isa baatuu ti\*;  
12 Waaqayyo duwwaatu isa  
geggeesse malee,  
waaqayyoliin ormaa  
isaa wajjin hin turre\*.  
\*10 Er 2:2; Hos 13:5; Far 17:8  
\*11 Bau 19:4  
\*12 Bau 13:21; 15:13
- 13 Inni iddoo ol kaa'aa biyyichaa  
isa yaabsise,  
midhaan maasii keessaa isa  
nyaachise,  
damma kattaa keessaa isa  
soore,  
dhadhaa ejersaas kattaa jabaa  
keessaa isaaf in kenne\*.  
14 Dhadhaa saawwanii fi aannan  
hoolotaa,  
cooma xobbaallotaa fi  
cooma korbeeyyii,  
saawwan Baashaanii fi re'oota,  
qamadii gaariis in kenneef;  
innis cuufaa waynii isa  
diimaa in dhuge.  
15 Garuu Yaaqoob inni  
"Yeshuuruun" jedhame  
coomee isa in dhiise;  
inni in gabbate, in furdate,  
in cululuqes;  
Waaqayyoon isa isa uumes in  
dhiise,  
kattaa fayyina isaa sana in  
tuffate\*.  
\*13 Far 81:16  
\*15 31:20; Isa 44:2; Nah 9:25
- 16 Isaan waaqayyolii ormaatiin isa  
hinaafsisanii,  
waaqayyolii tolfamanii is  
tuttuqanii isa in aarsan.  
17 Hafuurota hamoota  
warra Waaqayyo hin ta'inni fi  
waaqayyolii haaraa warra isaan

- dur hin beekneef,  
warra abboonni keessan isaan hin  
sodaatiniif  
aarsaa in dhi'eessan\*.  
18 Isin Waaqayyo isa isin uume  
in irraanfattan;  
kattaa isa isin tolche sana in  
dhiiftan\*.  
\*17 Er 2:11; 1Qor 10:20  
\*18 4:9
- 19 Ijoolleen dhiiraa isaa fi ijoolleen  
durbaa isaa  
waan isa aarsaniif,  
Waaqayyo kana argee isaan in  
tuffate.  
20 Inni, "Ani fuula koo isaan nan dhoksa,  
dhumni isaaniis attam akka  
ta'u nan ilaala;  
isaan dhaloota jal'oota,  
ijoollee hin amanamnee dhas;  
21 isaan, Waaqayyo kan hin ta'iniin  
ana hinaafsisan;  
waaqayyolii tolfamoo isaani  
warra waa'ee hin baafneenis  
na aarsan;  
anis saba kan hin ta'iniin  
isaan nan hinaafsisaa,  
saba gowwaadhaanis isaan nan  
aarsa\*.  
22 Aarii kootiin ibiddi boba'ee  
hamma qililleetti gad in guba,  
biyya lafaa fi wanta inni baasu in  
fixa,  
hundee tullootaattis in  
qabsiifama.  
\*21 Far 78:58; 1Qor 10:20; Rom 10:19
- 23 "Ani wanta hamaa isaan irra nan  
tuula,  
xiyyoolii koo hundumaa  
isaanittan badduu baasa\*;  
24 beela isaan dadhabsiisu  
isaanittan erga,  
golfaa nama fixuu fi  
dha'icha nama ajjeesus,  
ilkaan bineensotaa,  
hadhaa bineensota lafa  
munyuuqaniis  
isaanittan erga.  
25 Alaa billaan isaan harkaa  
ijoollee in fixa,  
mana keessas sodaan jira;  
dargageessonnii fi durboonni,  
daa'imoonii fi jaarsoliin in  
balleeffamu\*.

- 26 Ani, 'Iddoo fagootti isaan nan  
tamsaasa,  
seenaa isaaniis immoo namoota  
giddudhaa nan balleessa'  
nan jedhan ture.  
27 Garuu diinonni,  
'Irree keenyatu mo'e malee,  
Waaqayyo kana hundumaa hin  
goone'  
jedhanii akka ana hin  
aarsineefan dhiise\*.  
\*23 His 5:16  
\*25 His 5:17; 14:21  
\*27 9:28; Isa 10:13-14
- 28 "Sabni akkasii garuu saba gorsa  
hin qabnee dha,  
hubachuunis isa keessa hin  
jiru\*;  
29 maaloo, utuu ogeessota ta'anii  
kana hubatanii,  
dhumni isaaniis attam akka  
ta'u utuu beekanii!  
30 Kattaa isaani yoo isaan gurgure  
malce,  
Waaqayyo yoo gad isaan dhiise  
malee,  
attamitti namni tokko nama kuma  
ari'uu danda'a?  
Yookiis attamitti namni  
kummi kudhan  
nama lama baqata\*?  
31 Kattaa isaani akka kattaa  
kenyaa miti,  
diinonni keenya iyyuu kana in  
faradu.  
32 Mukti waynii isaani Sodoom  
keessaa fi  
maasii Gomoraa keessaa dhufa,  
iji waynii isaani hadhaadhaan  
guutuu dha,  
dameen isaaniis hadhaa'ummaa  
qaba\*.  
33 Daadhiin waynii isaani hadhaa  
bofaa ti,  
hadhaa mar'ataa isa nama  
ajjeesuu ti.  
\*28 Isa 27:11; Er 4:22  
\*30 Lew 26:36-37; Isa 30:17; Abo 2:14-15;  
1Sam 12:9; 2Sen 24:24  
\*32 Isa 5:1-4; Er 2:21; 23:14
- 34 "Kun ana biratti  
walitti hin qabamnee ree,  
gombisaa koo keessattis  
mallattoodhaan itti hin  
cufamnee ree?

- 35 Ijaa baasuunii fi adabuun  
kan koo ti,  
yeroon miilli isaani  
itti mucucaatu jira,  
guyyaan badiisa isaaniis  
dhi'aateera,  
firdiinis dafee isaanitti in  
dhufa" jedhe\*.  
36 Humni isaani akka dhume,  
warri birmaduun,  
garboonnis tokko illee  
akka hin hafne  
Waaqayyo waan argeef,  
saba isaatiif in farada,  
garboota isaatiifis in oo'a\*.  
\*35 Far 94:1; Rom 12:19; Ibr 10:30  
\*36 Far 135:14
- 37 Waaqayyo yommuu,  
"Waaqayyoliin isaani,  
kattaa isaan itti kooluu  
galanis meerree\*?  
38 Waaqayyoliin warri cooma  
aarsaa qalma isaani  
nyaatan,  
warri kennaa dhugaatii daadhi  
waynii isaani dhuganis  
mee ka'anii isaan haa gargaaran  
kaa!  
Mee iddoo baqaa isaaniif haa  
ta'an kaa!  
\*37 Abo 10:14; Er 2:28
- 39 "Amma ilaalaa! Waaqayyo  
anuma,  
ana malee Waaqayyo kan biraa  
hin jiru;  
ani nan ajjeesa, ani nan  
jiraachisas;  
ani nan madeessa, ani nan  
fayyisas;  
homtinuu harka koo keessaa  
baasuu  
kan danda'u hin jiru\*;  
40 ani harka koo bantii waaqaa irra  
bal'isee,  
'Ani bara baraan jiraataa dha'  
jedhee nan kakadha.  
41 Billaa koo isa calaqqisaa  
yommuun qaradhu,  
harki koos firdiidhaaf yommuu  
isa qabatu,  
ani diinota koo irratti ijaa nan ba'a,  
warra na jibbaniifis gatii nan  
baasa;

<sup>42</sup> xiyyoolii koo dhiigaan nan  
macheessa,  
dhiiga warra qalamani fi  
warra booji'amanii,  
geggeessitoota diinotaa nan  
obaasa,

billaa koos foon nan  
nyaachisa" in jedha.

\*39 4:35; Isa 43:11; 45:5; Hos 13:4;  
1Sam 2:6; Iyo 5:18

<sup>43</sup> Yaa saba lafa irraa, saba isaatiif  
gammadaa!

Waaqayyo dhiiga garboota  
isaatiif ijaa in baasa,  
diinota isaa irratti ijaa in ba'a,  
saba isaa fi biyya isaatti in  
araarama\*.

\*43 Rom 15:10; Mul 6:10; 19:2

<sup>44</sup> Museenis Iyaasuu ilma Nunii  
wajjin dhufee dubbii faarfannaa kanaa  
hundumaa sabni akka dhaga'utti itti  
dubbate. <sup>45</sup> Museen dubbii kana hundumaa  
guutummaa Israa'elitti erga himec  
booddee, <sup>46</sup> "Dubbii ani har'a isinitti  
beeksisu kana hundumaa garaa keessan  
keessa kaa'adbaa! Ijoolleen keessanis  
dubbii seera kanaa hundumaa gaarii  
godhanii akka eeganiif isaan abboomaa!  
<sup>47</sup> Dubbichi jireenya keessan malee,  
dubbii isiniif waa'ee hin baafne  
miti; dubbichaanis biyya isa Yordaanosin  
ceetani qabachuuf jirtan sana keessa  
bara dheeraa in jiraattu" jedhe\*.

\*47 30:15-20; Lew 18:5

#### Iddoon Museen Itti Du'u Himamuu Isaa

<sup>48</sup> Guyyuma sana Waaqayyo Museedhaan,  
<sup>49</sup> "Gara tulluu Abaariim,  
tulluu Neboo isa biyya Mo'aab keessaa  
fuullee Yerikoo jiru sanatti ol ba'i!  
Biyya Kana'aan isa ani Israa'elootaaf  
dhuunfaa godhee kennu sana ilaali!  
<sup>50</sup> Akkuma Aaron obboleessi kee tulluu  
Hoor irratti du'ee abboota isaa biratti  
sassaabame, atis tulluu itti ol baatu  
sana irratti in duuta abboota kee biratti  
in sassaabamta\*! <sup>51</sup> Kunis isin Israa'eloota  
duratti bishaan Mariibaa isa mandara  
Qaadeshitti dhi'oo jiru biratti, lafa onaa  
Siin keessatti waan na yakkitaniiif  
Israa'eloota gidduutti qullummaa koo  
ulfinaan waan hin eeginiif isinitti in  
dhufa\*." <sup>52</sup> Ati biyyicha fuulleetti in  
argita, garuu ofii keetii

biyya ani Israa'elootaaf kennu sanatti  
hin galtu" jedhe\*.

\*48-52 Lak 27:12-14; Kes 3:23-27

\*50 Lak 20:22-29

\*51 Lak 20:1-13

#### Museen Gosoota Israa'el Eebbisuu Isaa

**33** <sup>1</sup> Eebbi Museen namni Waaqayyoo  
utuun hin du'in dura ittiin Israa'eloota  
eebbase isa kanatti fufee jiruu dha;

<sup>2</sup> yommuu inni,

"Waaqayyo Siinaadhaa dhufe,  
Se'iir irraa akka bariitti isaaniif  
in ba'e,

tulluu Phaaraan gubbaadhaas  
isaaniif in ibse;  
qulqulloota kumaatamaa wajjinis  
ba'e,

gara mirgaa isaattis ibiddi  
seeraa isaaniif in boba'e.

<sup>3</sup> Dhuguma inni saba isaa in  
jaallata,

warri qulqulloonis harka isaa  
keessa jiru;

isaan hundinuu miilla isaa  
jalatti in kufu,

isa biraas barsiisa in argatu"  
jedhe.

<sup>4</sup> Waldaa Yaaqoobiif dhuunfaa  
akka ta'uf,

Museen seera nuuf keeneera;

<sup>5</sup> yeroo geggeessitoonni sabaa  
walitti qabaman,

yeroo gosi Israa'elis wal ga'an,  
Waaqayyo Yeshuuruun irratti  
mootii ture.

<sup>6</sup> Yommuu Museen,

"Lakkoobsi namoota isaa  
muraasa ta'u illee,

horteen Ruuben haa jiraatu malee,  
du'ee hin dhumint!" jedhe.

<sup>7</sup> Waa'ee Yihudaaf immoo,  
"Yaa Waaqayyo, sagalee  
Yihudaa dhaga'ii!

Gara saba isaattis isa fidi!  
Inni harka isaatiin ofiif in lola,

atis isa gargaarii  
diinota isaa loli!" jedhe.

<sup>8</sup> Waa'ee Lewwiitiif,  
"Uriimii fi Tumiimin  
Lewwiidhaaf kenni!

Nama isa jaallatte sanaaf,  
isa Maasaatti isa qorte sanaaf,

isa bishaan Mariibaa biratti

lolte sanaaf\*.

<sup>9</sup> inni isa waa'ee abbaa isaa fi  
haadha isaa,

'Ani isaan hin argine' jedhee dha;  
obboloota isaa hin beekne,

ijoollee isaas 'Kan koo ti' jedhee  
hin fudhanne,

isaan garuu dubbii keef in  
abboomaman,

kakuu kees in eegan\*.

<sup>10</sup> Isaan wanta qajeelaa ta'e  
isa kan keetii Yaaqoobin,  
seera kees Israa'elin in barsiisu;

isaan aarsaa ixaanaa si dura,  
guutummaa aarsaa gubatus  
iddoo aarsaa kee irra in kaa'u.

<sup>11</sup> Yaa Waaqayyo, ati humna isaa  
eebbisi!

Hojii harka isaas fudhadhuufi  
Mudhii diinota isaa warra isa  
jibbanii,

akka isaan deebi'anii lafaa hin  
kaanetti cabsi!" jedhe.

\*8 Bau 28:30; 17:1-7; Far 95:8

\*9 Mat 10:37

<sup>12</sup> Waa'ee Beniyaaminis,

"Inni Waaqayyo isa jaallatu,  
sodaa malee isa bira in jiraata,  
Waaqayyos guyyaa hundumaa  
isa in golbooba,

innis eegumsa Waaqayyoo jala  
in jiraata" jedhe.

<sup>13</sup> Waa'ee Yoseef immoo,  
"Waaqayyo fixeensa isa gubbaa  
waaqaatiin,

bishaan isa lafa gad fagoo  
keessa jiruunis

lafa isaa haa eebbisu\*!

<sup>14</sup> Wanta gaarii, wanta aduun  
ija itti godhuun,

wanta baay'ee gaarii ji'i  
kennuunis,

<sup>15</sup> wanta baay'ee gaarii tulluu durii  
irraa argamuun,

wanta baay'ee gaarii  
gaarota bara baraa irraa  
argamaniinis,

<sup>16</sup> guutummaa wanta lafti baasu  
isa caalaadhaan,

ayyaana isa huuxxii qoraattii  
boba'u keessatti

argame sanaatiin,  
kun hundinuu mataa Yoseef irra,

gubbee mataa isa obboloota  
isaa keessaa

isaa keessaa

addaan ba'ee irra haa buufatu\*!

<sup>17</sup> Kormi isaa inni angafni attam  
surra-qabeessaa!

Gaanfonni isaas  
akka gaanfota gafarsaa ti;  
gaanfota isaa sanaanis saba  
hundumaa

hamma daarii lafaatti in waraana;  
Efreem kan akkasii

kuma kudhan qaba,  
Minaaseen kumaatama qaba"  
jedhe.

\*13 Uma 49:25

\*16 Bau 3:2-6; Uma 49:26

<sup>18</sup> Waa'ee Zebuloon immoo,

"Yaa Zebuloon, ati ba'uu keetii,  
yaa Yisaakor, atis  
godoo kee keessatti gammadi!

<sup>19</sup> Isaanis saba gara tullootaatti in  
waamu,

achittis isaan  
kennaa qajeelaa in dhi'eessu,  
qabeenya galaana keessaas in  
xuuxu,

badhaadhummaa cirraha  
keessa dhokates  
in baafatu" jedhe.

<sup>20</sup> Waa'ee Gaadi,  
"Gaadin kan bal'isu  
eebbifamaa dha,

Gaadi akka leenca dhalaa in  
rippha,

harkaa fi gubbee mataas in  
kukkuta\*.

<sup>21</sup> Biyyicha keessaa isa caalu  
ofi isaatiif dura in fo'ata,  
ga'aan warra geggeessitootaas  
isaaf kaa'ame,

angafoonni sabaa yommuu  
wal ga'an,

inni fedha Waaqayyoo isa  
qajeelaa in raawwate,  
firdii isaas Israa'elii wajjin in  
eege" jedhe\*.

<sup>22</sup> Waa'ee Daan immoo,  
"Daan akka ilmoolee leencaa,  
isa Baashaan keessaa  
utaaluu ti" jedhe.

\*20 1Sen 12:9

\*21 Lak 32:29-32

<sup>23</sup> Waa'ee Niftaalemis,  
"Yaa Niftaalem ati  
ayyaana quufteetta,  
eebba Waaqayyos guutummaatti,

eebba Waaqayyos guutummaatti,

eebba Waaqayyos guutummaatti,

eebba Waaqayyos guutummaatti,

eebba Waaqayyos guutummaatti,

eebba Waaqayyos guutummaatti,

eebba Waaqayyos guutummaatti,

ciisa bishaan galaanaatii  
jalqabdee

hamma biyya gara mirgaatti  
dhaali!" jedhe.

<sup>24</sup> Waa'ee Asheer immoo,  
"Asheer ilmaan warra kaan  
caalaatti

eebbifamaa haa ta'u!

Obbolooni isaa isa haa jaallatan!  
Miilla isaas dhadhaa ejersaatiin  
haa dhiqatu!

<sup>25</sup> Cufaan karra isaas sibiilaa fi  
sibiila boorrajii haa ta'u!  
Jabinni isaas bara isaa wajjin  
wal baa qixxaatu" jedhe.

<sup>26</sup> Emmas itti fufee,  
"Waaqayyo inni akka  
Waaqayyo  
isa kan Yeshuuruun  
tokko illee hin jiru,  
inni si gargaaruudhaaf  
bantiwwan waaqaa yaabbatee  
adeemu,

ulfina isaatiinis duumessa irra  
kan taa'u\*.

<sup>27</sup> Waaqayyo inni bara baraa kun  
iddoo jireenya keeti ti;  
irreen bara baraa isa jala jira,  
inni diinota kee si duraa in oofa,  
'Isaan balleessis!' in jedha\*;

<sup>28</sup> Israa'el kophaa isaa  
bir'aa malee in jiraata,  
sanyiin Yaaqoobis,  
biyya midhaanii fi daadhi waynii  
baasu keessa,

biyya waaqni fixeensa gad itti  
coccophsu keessas  
nagaatti in taa'a\*.

<sup>29</sup> Yaa Israa'el, ati gammadi!  
Eenyu sabni akka kee  
Waaqayyo oolche?

Gaachannii kee fi gargaarsi kee isa;  
billaan kee iuni  
ulfina-qabeessis,  
diinonni kee si dura in quphanu,  
ati immoo iddoo isaaniif isa  
ol jedhaa irra  
in ejetta" jedhe\*.

\*<sup>26</sup> 3:24; <sup>Far</sup> 104:3

\*<sup>27</sup> <sup>Far</sup> 90:1

\*<sup>28</sup> <sup>Uma</sup> 27:28; <sup>Lew</sup> 25:18; <sup>1Mot</sup> 5:5

\*<sup>29</sup> <sup>Far</sup> 144:15; <sup>Kes</sup> 4:7-8

### Museen Du'uu Isaa

**34** <sup>1</sup>Ergasii Museen dachaa  
Mo'aabii gara tulluu Neboo ga-  
ra gubbee Phiisgaa isa fuullee Yeri-  
kootti ol in ba'ee; achitti Waaqayyo  
biyya sana hundumaa, Giil'aadii ham-  
ma Daanitti, <sup>2</sup>biyya Niftaalem hundu-  
maa, biyya Efreemii fi kan Minaasee,  
biyya Yihudaa hundumaa hamma ga-  
laana isa gara lixa-biiftuu jiruutti, <sup>3</sup>ga-  
ra mirgaas, biyya dachaa Yerikoo jiru  
hundumaa, mandara muka meexxiitii  
hamma Zo'aaritti in argiisee. <sup>4</sup>Waa-  
qayyo yommuu Museedhaan, "Isa kana  
biyyi ani Abrahaamin, Yisihaqin, Yaa-  
qoobinis, 'Ani sanyii keessaniif nan  
kenna' jedhee kakuudhaan abdachiise;  
ati isa ija keetiin argiteetta, garuu ati  
achi bin ceetu!" jedhe\*. <sup>5</sup>Kana bood-  
dee Museen garbichi Waaqayyoo akku-  
ma Waaqayyo jedhee ture sana biyya  
Mo'aabitti in du'ee. <sup>6</sup>Waaqayyo dachaa  
biyya Mo'aabitti fuullee Bet-Phe'oritti  
isa in awwaale; haa ta'u iyyuu malee,  
hamma har'aatti iyyuu namni iddoo  
awwaala isaa beeku hin jiru.

\*<sup>4</sup> <sup>Uma</sup> 12:7

<sup>7</sup> Museen yommuu du'ee sana nama  
waggaa dhibbaa fi digdamaa ture; iji  
isaa hin dimimmifne, humni isaas irraa  
bin hir'anne\*. <sup>8</sup>Israa'eloonni dachaa  
Mo'aabitti guyyaa soddoma Musee-  
dhaaf in gaddan, kana booddee yeroon  
boo'ichaa fi gaddaa in raawwatame\*.

\*<sup>7</sup> 31:2; <sup>Far</sup> 92:13-16

\*<sup>8</sup> <sup>Lak</sup> 20:29

<sup>9</sup> Iyaasuu ilmi Nun yeroo sanatti  
Museen barka isaa waan isa irra  
kaa'ee hafuurri ogummaa isa keessa  
guutee turc; Israa'eloonni isaaf dba-  
ga'anii waan Waaqayyo karaa Musee  
abboomee tures in godhan\*. <sup>10</sup>Ergasii  
raajiin Waaqayyo fuula fuulaan beeke,  
kan akka Musee takkaa Israa'el kees-  
satti hin kaane\*. <sup>11</sup>Raajiin milikkita fi  
dinqii hundumaa biyya Gibxiitti, Fa-  
ra'oon irratti, hojjetoota isaa hundu-  
maa irratti, biyya isaa hundumaa ir-  
rattis akka hojjetuuf Waaqayyo erge,  
<sup>12</sup>humna guddaa fi gocha sodaachisaa  
isa Museen guutummaa Israa'el duratti  
argisiise kana hundumaas kan godhe  
hin kaane.

\*<sup>9</sup> <sup>Lak</sup> 27:18-23; <sup>1Xim</sup> 4:14; <sup>2Xim</sup> 1:6

\*<sup>10</sup> <sup>Bau</sup> 33:11; <sup>Lak</sup> 12:6-8

### Waaqayyo Iyaasuu Ajajuu Isaa

**1** <sup>1</sup> Museen garbichi Waaqayyoo er-  
ga du'ee booddee, Waaqayyo ku-  
noo, Iyaasuu ilma Nun gargaartuu Mu-  
seetti in dubbate. <sup>2</sup>Inni, "Museen gar-  
bichi koo du'cera; egaa amma atii fi  
sabni kun bundinuu ka'aatii laga Yor-  
daanos kana ce'aatii gara biyya isa ani  
saba Israa'eliif kennu sanaa dhaqaa\*!  
<sup>3</sup>Ani akkuman Musee abdachiiseetti la-  
fa faanni miilla keessanii irra ejjetu  
hundumaa isiniif nan kenna\*. <sup>4</sup>Daariin  
keessan lafa onaa kanaa ka'ee Liibaa-  
noniin ba'ee bamma laga guddichaa  
laga Efraaxiisitti, gara lixa-biiftuutiin  
immoo biyya Heetotaa hundumaa qa-  
batee hamma galaana guddichaatti in  
adeema. <sup>5</sup>Bara jireenya kee hundu-  
maatti namni si dura dhaabachuu dan-  
da'u hin jiru; Musee wajjin akkuman  
ture sii wajjinis nan ta'u; ani si hin  
dbiisu, si hin irraanfadhus\*! <sup>6</sup>Biyya  
ani isaaniif kennuuf abboota isaaniif  
kakadhe akka isaan dhaalan waan goo-  
tuuf cimi, ija jabaadhu\*! <sup>7</sup>Cimi, ija  
jabaadhus! Seera Museen garbichi koo  
si abboome hundumaa eeguudhaaf of  
eggadhu! Iddoo dhaqxu hundumaatti  
wanti ati gootu akka wal siif qixxaa-  
tutti isa irraa gara mirgaatti yookiis  
gara bitaatti hin jal'atin\*! <sup>8</sup>Macaafni  
seeraa kun afaan kee keessaa hin  
dhabamin! Halkanii fi guyyaas waa'ee  
isaa yaadi! Karaan kee akka siif qajee-  
lutti, wanti ati gootus akka wal siif  
qixxaatutti, wanta isa keessatti caafa-  
me hundumaa gaarii godhii eegi\*!  
<sup>9</sup>Ani Waaqayyo gooftaan kee, 'Iddoo  
ati dhaqxu hundumaatti sii wajjinan  
jiraatii ati cimi, ija jabaadhu, hin so-  
daatin, hin na'inis!' jedhee si hin  
abboomnee ree?" jedhe.

\*<sup>2</sup> <sup>Kes</sup> 34:5

\*<sup>3</sup> <sup>Kes</sup> 11:24

\*<sup>5</sup> <sup>Kes</sup> 31:7-8; <sup>Ibr</sup> 13:5

\*<sup>6</sup> <sup>Kes</sup> 3:28; <sup>31:6</sup>; <sup>Uma</sup> 12:7

\*<sup>7</sup> <sup>1Mot</sup> 2:3

\*<sup>8</sup> <sup>Far</sup> 1:2-3

### Iyaasuun Warra Hojii Geggeessan Ajajuu Isaa

<sup>10</sup> Iyaasuunis kana irratti geggees-  
sitoota sabaatti in dubbate; <sup>11</sup>inni, "Id-  
doo buufataa keessa adeemaatii namoo-

taan, 'Guyyaa sadii gidduutti biyya  
Waaqayyo gooftaan keessan akka isin  
qabattaniif isiniif kennu sana dhaqxu-  
dhaaf laga Yordaanos kana in ceetuutii  
ka'aatii galaa qopheeffadhaa!' jedhaa!"  
jedhee isaan in abboome.

<sup>12</sup> Iyaasuun yommuu gosa Ruube-  
nii fi gosa Gaadiin, Minaasee isa wa-  
lakkaa gosaatiinis, <sup>13</sup>"Dubbi Museen  
garbichi Waaqayyoo isin abboome yaa-  
dadhaa! Waaqayyo gooftaan keessan  
boqonnaa isiniif in kenna, lafa kanas  
isiniif in kolle. <sup>14</sup>Dubartoonni keessa-  
nii fi ijoolleen keessan, horiin keessa-  
nis biyya isa Museen Yordaanos gara  
ba'a-biiftuutii isiniif kenne keessa haa  
taa'an! Isin warri loltoonni mi'a lolaa  
hidhattan bundinuu immoo obboloota  
keessan dura bu'aa ce'aatii isaan gar-  
gaaraa! <sup>15</sup>Waaqayyo gooftaan keessan  
akkuma boqonnaa isaaniif kenne, ob-  
boloota keessaniifis boqonnaa yommuu  
kennu, isaanis immoo lafa Waaqayyo  
gooftaan keessan isaaniif kennu fudha-  
tanii dhuunfaa isaani hamma godhata-  
nitti isaan in gargaartu; kana booddee  
immoo biyya dhaala keessanii isa Mu-  
seen garbichi Waaqayyoo Yordaanos  
boroodhaa gara ba'a-biiftuutiin isiniif  
kennetti deebi'aatii taa'aa!" jedhe\*.

\*<sup>12-15</sup> <sup>Lak</sup> 32:20-29; <sup>Kes</sup> 3:18-20;  
<sup>Iya</sup> 4:12; <sup>22:1-6</sup>

<sup>16</sup> Isaan yommuu deebisanii Iya-  
suudhaan, "Wanta ati nu abboomte  
hundumaa in goona, iddoo ati itti nu  
ergite hundumaas in dhaqna; <sup>17</sup>Waa-  
qayyo gooftaan kee Musee wajjin ak-  
kuma ture sii wajjinis immoo baa ta'u  
duwwaa malee, akkuma Museedhaaf  
wanta bundumaatti abboomanne, siifis  
in abboomanna; <sup>18</sup>namni abboomtii  
keetiin mormu, namni dubbii kees hin  
dhageenye hundinuu haa ajjeefamu!  
Ati garuu cimi, ija jabaadhu!" jedhan.

### Iyaasuun Yerikootti Gaadduu Erguu Isaa

**2** <sup>1</sup> Iyaasuun ilmi Nun ergasii Sbiixii-  
mii gaaddota lama dhoksaatti ergee,  
"Dhaqaatii biyyicha, caalaatti immoo  
mandara Yerikoo ilaalaa!" jedheen;  
isaanis in dhaqan; yommuu achi ga'an  
mana dubartii ejjitu "Rahaab" jedham-  
tu tokkoo dhaqaanii achi in buufatan\*.